

Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտերձագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԿԱՐՄԻՐ  
ԼՈՒՍԻՆ

ԿՈՐԱԿԷՊԵՐ

ԳՐԵՑ

Հ.Մ. ԴՈՏՈՒՐԵԱՆ



1933. Տպ. «ՖրուՆովսկայա» ՖՐՈՒՄՈՒՍՍ.  
Ռոստով

17-84. Հ Ե Ղ Ի Ն Ա Կ Ի Ն Գ Ո Ր Ծ Ե Ր Ը

1. ՄՐՐԱԶԱՆ ՀՕՅԿԱԶՈՒՆՔ, տպ. վեհեակի 1902
2. ԶԱՐԴԱՆԿԱՐԲ ՄԼԻՔԷ ԹԱԳՈՒՀԻՈՅ ԱՒԵՏԱՐԱՆԻ, տպ. վեհեակի 1902:
3. ԿՈՍՏԱՆԴԻՆ ԵՐԶՆԿԱՑԻ ԵՎ ԻՐ ՔԵՐԹՈՒԱԾՆԵՐԸ, տպ. վեհեակի 1905:
4. ԱԳԱՄԱԳԻՐԲ ԱՌԱՔԵԼ ՍԻՒՆԵՑԻՈՅ, տպ. վեհեակի 1907:
5. «ԳԵՂՈՒՆԵՆ» Ի նպաստ Ատանայի օրհերուն, տպ. վեհեակի 1909:
6. ՀԱՅ ՄԱՄՈՒԼԸ տասն և չինգ տարուայ մէջ, տպ. վեհեակի 1910:
7. ՍԵՒ ԷՁԸ, ազգ. ներավայեր, տպ. վեհեակի 1910, Բ. տպ. Պրուժոպաս Գին 40 ԼԵՐ
8. ԱՌԱՔԵԼ ՍԻՒՆԵՑԻ ԵՎ ԻՐ ՔԵՐԹՈՒԱԾՆԵՐԸ, տպ. վեհեակի 1914:
9. \*ԱՍՏԳԻԿ ԿԻՏԱՄՈՒՅ ՆՈՆԳԼՈՒ, տպ. վեհեակի 1911:
10. \*ARMENIA, հունգարերէն, տպ. Բյուժ. 1912:
11. \*ՄԱՍԻՍ, չարաթաթերթ, տպ. Պուլքրէ, 1920 2:
12. \*ՄԵԻԹԱՐ ԵՎ ՄԵԻԹԱՐԵԱՆՔ, տպ. Պուլքրէ, 1922:
13. ՄԱՍԻՍ, տարեցոյց, տպ. Պուլքրէ, 1923: Գին 40 ԼԵՐ
14. ԳԻՑԱԼՈՒՆ, տարեգիրք, գրութիւններ, տպ. Պուլքրէ, 1923: Գին 30 ԼԵՐ:
15. ԱՐՄԵՆԱԿԻՆ ՅՈՅԱՆԵՐԸ, նորավայ, տպ. Պուլքրէ, 1923: Գին 10 ԼԵՐ
16. \*ԴԱՂՈՒԹԻ ԶՆՅՆ, չարաթաթերթ, տպ. Պուլքրէ, 1923:

Հ. Մ. Պ Ո Տ Ո Ւ Ր Ե Ա Ն

891.99

7-87

Կ Ա Ր Մ Ո Ւ Ր  
Կ Մ Ա Մ Ի Ն

ԴՐՈՒՍԳՆԵՐ ԱԶԳԱՅԻՆ ԿԵԱՆՔԷ

6966  
1008 3969  
37549  
614513

5095



20 03



1933  
«Պրուժոպաս»  
ՅՐՈՒՄ ՈՒՍՍ. (Ռուժմանիա)  
10781-57

28090 ա հ

2 0 6


առ. Գերապայծառ.

Հ. ՅՈՎՀԱՆՆԷՍ Վ. ԹՈՐՈՍԵԱՆ

Մխիթարեան թագազիր Արքայ

Արղիւնայից քահանայութեան յիսնամեայ  
յորեկանին առթիւ

Իր երախտապարտ աշակերտէն



Հ. ՅՈՎՀԱՆՆԷՍ Վ. ԹՈՐՈՍԵԱՆ

Հ. Յ. Թորոսեան ծնած է Պարտիզակ 1864 Յունիսար 28-ին: Տասնամեայ հասակին մկրտութեան Թորոս անուանով Ս. Ղազար կը մտնէ և 1880 Ապրիլ 5-ին մշտնջենաւոր ուխտադրութեամբ Վանքին անդամ կ'ըլլայ: 1882 Գեկտ. 25-ին քահանայ կը ձեռնադրուի: 1882 — 1890 կը դասախօսէ Վանքի աշակերտներուն և Բաղմավէպի խմբագրութիւնը կը վարէ: 1890-ին Պարտիզակ կ'այցելէ և 1891-ին Հոռոմի համալսարանը կը յաճախէ: 1894-ին ուսումնապետն է Մ. Ռափայէլեան վարժարանին, 1895—1903 վերակացու Վանքի աշակերտներուն, 1904—1907 տեսուչ Պոլսոյ Քաղկեդոնի վարժարանին, 1907-9 տեսուչ Մ. Ռափայէլեան վարժարանի 1909-էն սկսեալ Վանքի վարչական գործերը կը վարէ իրբև Ընդհ. Քարտուղար, Աթոռակալ և Տեղապահ: 1929-էն ի վեր Բարիզի Մուրատեան վարժարանի մեծաւորն է՝ Թաղաղիր Արրայի տիտղոսով:

Գիտէ ասորերէն, յունարէն և լատիներէն, ինչպէս նաև ֆրանսերէն, իտալերէն և գերմաներէն:

Ինքնագիր երկերն են, ըացի Բաղմավէպի մէջ հրատարակած բաղմաթիւ հմտալից յօդուածներէն՝ Ընտիր Հայկազունք, Վարք Մխիթարայ Արրահօր, Միքայէլ Փորթուզալ Փաշա:

Թարգմանութիւններն են. Խօսք Առ Քահանայ, Հետադատութիւնք Հայ Դիցարանութեան, Փաւստոս Բուզանդացի կամ Հայկ. Եկեղեցւոյ Սկզբնաւորութիւնը (Գեղցերի), Վարք Ս. Յովհ. Պերքմանայ, Յուշք Լոնտրայի (Տէ Ամիշի), Քահանայութեան և Ս. Հաղորդութեան Խորհուրդք (Մոնտպրէի):

Ունի և անտիպ երկեր, որոնք լոյս պիտի տեսնեն շուտով:

«Եթէ ուզենք Անոր դիրքը ճշդել յատկապէս Մխիթարեան գրական պանթէոնին մէջ, կը գրէ Հ. Ե. Փէչիկեան Բագմավէպի 1933 Փետրուարի թիւին մէջ, պիտի ըսենք որ Ալիշանէ վերջ ամէնէն մեծն է որ իր մէջ կը խտացընէ ամբողջ դասականութիւնը Մխիթարեան վերածնունդի ոսկի դարուն, շեշտուած 1800—1850, և անոր ամբողջ ոգևորութիւնն ու նկարագիրը դուրս կս ցոլացնէ գեղեցիկ հաղորդականութեամբ, որով կրցաւ, աւելի քան քսան տարի - 1882—1902 - ապրելով վանքի նորանոր սերունդներուն մէջ որպէս ուսուցիչ և դաստիարակ՝ ոգևորել, ներշնչել, առաջնորդել զէպի գեղեցիկ հորիզոններ:»

Սրտագին կը մազթեմ որ դեռ շատ ապրի այս ազնիւ ու գիտուն իմ դաստիարակը ի պայծառութիւն իր սիրելի ազգին սերունդին ու իր ուխտին:

Հ. ՄԿՐՏԻՉ Վ. ՊՈՏՈՒՐԵԱՆ

Կ Ա Ր Մ Ի Ր Լ Ո Ի Ս Ի Ն

Ընթերցող,

Հայ կեանքի տառապանքին ականատես վկայ եղած է միշտ խաղաղ Լուսինը, որ հայկազեան հորիզոնէն կը բարձրանար:

1916-ին սակայն, մեր Արարատէն շատ հեռու, հազարաւոր հայորդիներ անօթի ու կրմախք դարձած, երբ աչքերնին պիչ պիչ աստղազարդ երկնքին յառած մահին կը սպասէին՝ այդ կմախացած դիակներու մէջէն պատանի մը շարժեցաւ.

— Մայրի՛կ, ըսաւ, Լուսի՛նը տես, ինչո՞ւ ա՛յսպէս կարմիր է:

— Մեծ պատերազմ կայ, զաւակս, պատասխանեց մայրը:

Մեծ պատերազմի օրերուն թափուած արիւնը — որուն մեծ մասը հայ արիւնն էր — իր բոսոր ցոլքով շառագունած էր Լուսնկան:

Ու ես, սիրելի ընթերցող, այդ մեծ պատերազմի քանի մը իրական դրուագները պիտի պատմեմ քեզի, որոնց ականատես եղած է ԿԱՐՄԻՐ ԼՈՒՍԻՆը:

Երբ օսմանեան սահմանադրութիւնը հրո-  
չակուեցաւ 1908-ի Յուլիսին՝ այդ օրը վեներտի-  
կէն ծննդավայրս Պարտիզակ հասայ:

Տեղւոյս Ազգային վարժարանի երկսեռ ա-  
շակերտութեան սորվեցուցի Հ. Ալիշանի «Յօլան  
ցայտեն» երգը:

Այդ ատեն արդէն մտքիս մէջ անջնջելի-  
օրէն նկարուեցաւ դիմադիժը խարտեաշ մագե-  
րով փոքրիկ Նոյեմիին, որուն հրաշագեղ ձայնը՝  
մօտ հարիւր հօգինոց խումբէն զուրս կը ցայ-  
տէր:

Այդ տարին, այդ ազատութեան տարին՝  
հայ աշակերտները ազգային երգեր կ'ընդօրինա-  
կէին: Երգարաններուն մէջ անցուցին իմ փոք-  
րիկ հայրենակիցներս «Յկէք Ընկերներ» սկզբը-  
նաւորութեամբ Միութեան երգ մը, որուն րա-  
ռերը ես ինքս զրեցի, յարմարցնելով խալազան  
զեղեցիկ երգի մը, որուն ամէն տունը «Թրայ  
լայ լամ»ով կը վերջանար:

Պարտիզակի ժողովուրդը շա՛տ սիրեց այս  
եւրոպական եղանակը, զոր լտարաններու մէջ  
ստէպ «Յօլան ցայտեն»ի հետ փոխնիփոխ կ'երգէին:

«Վերի Արտեր»ի դաշտին վրայ, «Սոխմիար»ի (Ս. Մինաս՝ ուխտատեղի) կազմիներու շուքին տակ, Լուսաղբիւրի բարձրարեւ ծառերուն ներքեւ ի՛նչ անուշ կը հնչէին ականջիս իմ՝ այդ սորվեցուցած երգերը: Փոքրիկ երկսեռ աշակերտներ երբ զիս հեռուէն նշմարէին՝ իսկոյն կը խմբուէին և կը սկսէին այդ երգերէն երգել, զգալով թէ այդպէս մեծ հաճոյք կը պատճառեն ինձի:

Տարի մը ետք հեռացայ ծննդավայրէս և Վենետիկ վերադարձայ, ուր ժամանակը օրէ օր կը խտացնէր հիւսուածքը այն քօղին՝ որուն ետին կը մնային անուշ յուշերը հայրենիքիս:

\* \* \*

1922-ին, Զատիէն առաջ, Պուրբէշէն Պոլիս այցելեցի:

14 տարուան մէջ՝ յուշերուս վրայ ձգուած քօղը խտացած ու սեցած՝ բոլոր հայրենական յիշատակներս ծածկած էր:

Բանկայթիի կողմերը՝ ազգականներուս քով բնակեցայ: Երեկոյ մը զիս հայրենակիցի մը տունը առաջնորդեցին: Տան տիկինը երկու զաւակներով և փոքրիկ եղբօրը հետ սանդուխին զլուխը զիմաւորեց:

— Դուն Պարտիզակցի՞ ես, հարցուցի. ես չեմ

ճանչնար քեզ. դուն թերևս աւելի չուտով պիտի ճանչնաս զիս. չե՞ս յիշեր, 1908-ին, 14 տարի առաջ Պարտիզակ եկայ:

— Բնաւ չեմ յիշեր: Միայն ձեր անունը լսած եմ. ձեր գերդաստանը լաւ կը ճանչնամ:

Այդ երեկոյ զրացի հայրենակիցներս ալ ի պատիւ ինձի եկած էին հոս, որոնք Պարտիզակի երգերով՝ այն անուշ օրերը ուղեցին ապրիլ՝ որոնք իբրև թէ երազի մէջ գոյուած իւր ունեցած ըլլային:

Քանի մը հարսեր, մէկերբան եղած՝

— Երբ մըն ալ դո՛ւն երգէ Նոյեմի, քու ձայնըդ զեռ միշտ գեղեցիկ է, ըսին:

Նոյեմին քիչ մը կարմրեցաւ ու յետոյ «Եկէք Ընկերներ»ը երգեց:

Ես յուզումէս արձանացած մտիկ ըրի խարտեաչ կնոջ հրգը. իմ առջև նկարուեցաւ երբեմնի Նոյեմին՝ իր մանկուհեակ դէմքով: Այն՝ այն գեղեցիկ ձայնով ազջիկն է, որուն յիշատակը չէ ջնջուած մտքէս:

— Ո՞վ սորվեցուցած է քեզի այդ երգը, հարցուցի՝ երբ «Թրայ լայ լամ»ով վերջացուց առաջին տունը:

Նոյեմին լուռ, քանի մը բոպէ մտածելէ ետք պատասխանեց:

— Աքսորէն քանի մը տարի առաջ Վենետիկի վարդապետ մը եկաւ մեր դպրոցը, ա՛ն սորվեցուց:

— Ե՛ս էի, լաւ նայէ՛. դեռ չե՞ս յիշեր:

— Ա՛հ, կը յիշեմ հիմա . . . դուք . . . այո՛ . . .  
դուք էիք:

Նոյեմի վազեց իր մանկութեան երգարանին մնացորդ մէկ թերթիկը բերելու, որուն վրայ «Յոլան ցայտեն»ը ընդօրինակուած էր:

— Ա՛ս ալ դուք սովորեցուցիք: Իմ երգարանիս թերթիկն է ասի. իմ սիրուն երգարանիս, որ աքսորներէն դարձաւ իմ եղբայրիկիս հետ:

Նոյեմի լեցուած աչքերով համբոյր մը դրոշմեց իր Պետրոսիկ եղբոր ճակտին, և նիւթ տուաւ հետեւեալ գեղեցիկ պատմուածքին:

\*  
\*  
\*

Պարտիզակի տուները 1915-ին մէկ կտանգուն ձիւնի տակ կը կթային:

Կէս տարիէն աւելի է որ մեծ պատերազմը ծայր տուած է: Վառօղին հօտը շատ հեռուներն է դեռ: Պարտիզակցին իր աւանդական օրերը կ'ապրէր, որոնք աւաղ այլևս չպիտի վերադառնային օտար հողերու վրայ:

Կարապետ աղան գիւղին մէջ շատ ճոխօրէն կը տօնէր կաղանղը: Այդ տարին շերամները յաջող եղած ըլլալուն՝ ան շատ զիւրուբեամբ կրցած էր ձմրան պաշարը ամբարի:

Կաղանղին օրը, կինը Աղաւնի, անուշա-

պուրին հետ պատրաստած էր նաև գիւղին աւանդական «հարսնեմատնակ» խմորեղէնը, զոր մեծ ախորժով կերած էր տունին ամենապզտիկը Պետրոսիկ:

Վերջին կաղանղն էր, վերջին երջանիկ նոր տարին էր որ տօնեցին Պարտիզակի բարեկեցիկ ընտանիքները: Այդ օրը պզտիկներուն մեծ զբրպանները լիքն էին ազգականներու ձեռքապահ նուէրներով, նարինջներով, չոր թուղերով, ընկոյզներով և կաշիններով: Պետրոսիկ քանի մը տեղ կերած էր իր սիրած «հարսնեմատնակ» անուշեղէնը:

Ո՛րքան որ զուարթ անցաւ այդ տարուայ կաղանղը՝ ա՛յնքան ալ զժրախտ եղաւ գալոյ տարին:

Թուրքիան համաշխարհային պատերազմին մասնակցեցաւ: Հայերը տեղահանուեցան, հայ պապենական «օճախ»ները քարուքանդ եղան:

Երբ Պարտիզակ տեղահանուեցաւ՝ Կարապետ աղան ալ զաւակներուն հետ թողուց ընտանեկան յարկը և էսկիշէհիբի ձամբան բռնեց: Ինչևհետ միասին էին ինքը Կարապետ աղա, կինը՝ Աղաւնի, աղջիկը Նոյեմի և Պետրոսիկ:

Տեղահանուած Պարտիզակցիներու կարաւանը հազիւ թէ էսկիշէհիբ հասաւ՝ չողեկառքի հայ «քոնտիւլքթէօր» մը իր նայուածքը չկրցաւ բամնել Նոյեմիին լուսնի պէս լուսաւոր դէմ-

քէն, և փրկելու համար այդ անմեղ աղջնակին պատիւն ու կեանքը՝ կարապետ աղային սապէս առաջարկեց.

— Ապահով եղէք որ քանի մը օրէն ձեզ ապակից ալ պիտի քշեն մինչև Արարիոյ անապատները, ո՛վ դիտէ ի՛նչ պիտի ըլլայ ձեր վախճանը: Վայրենի ցեղեր պիտի յափշտակեն սա հասուկ աղջիկդ: Եթէ կ'ուզէք իր պատիւը փրկել՝ դինքը ինձի կնուծեան տուէք:

Տասնըչորս տարիներու դարունները իրենց գեղեցիկութիւնը փոխանցած էին տասնըչորս տարեկան Նոյեմիին, հօրը և մօրը աչքին լոյսն էր ան:

Նոյեմիին ծնողքը «քօնտիւքթէօր»ին առաջարկը լսելէ ետք երբ տեղի տուին խնդրանքին՝ անմեղ աղջնակը իր ծնողքին վիզն ինկաւ և արտասուազին ըսաւ.

— Հայրի՛կ, մայրի՛կ, դիս մի՛ յաժնէք ձեզմէ՛. ես միշտ կ'ուզեմ ձեր քով մնալ:

— Գնա՛ զաւակս, գնա՛, «ըլսմէթ»դ է. եթէ մենք ալ ըլսմէթ ունինք՝ զալ տարի կը դառնանք աքսորէն և կազանդը քու տանդ մէջ կ'ընենք, — ըսին հայր ու մայր՝ իրենց արցունքի վերջին կաթիլները թափելով:

\* \*

Կարապետ աղա այն սև օրերը ապրեցաւ՝

ինչ որ ապրեցան տեղահանուած հայերը: Նախ Պետրոսիկին մայրը մեռաւ, յետոյ կարապետ աղան Պետրոսիկ իր ազգականներուն հետ շարունակեց աքսորի ճամբան, մինչև որ պատերազմը վերջացաւ:

Նոյեմիին Պոլիս դարձաւ և հոն պսակուեցաւ իր ազատարարին հետ: Միրիճան, Նոյեմիին ամուսինը, Իզմիտցի բարի կրիտասարգ մըն էր՝ Օրթագիւղի մէջ համեստ սենեակ մը վարձեցին: Երջանիկ պէտք էր ըլլալ Նոյեմի, բայց աքսորավայրէն հասած տխուր յուրերը իր երջանիկ կեանքը տակնուվրայ ըրին:

\* \*

1919-ին, երբ Զինագաղարը Պաղատութիւններաւ աշխարհի, Հալէպներէն և Տէր-Զորներէն դուռնադուռնոց Պոլիս լեցուեցան աքսորուած հայերը:

Նոյեմիին ի զո՛ւր սպասեց իր հօրը և մօրը վերադարձին: Դարձան հայրենակիցները, դարձան ազգականները որոնք արցունքով դուժեցին թէ աքսորի ճամբուն վրայ արդէն շատոնց մեռած էին Նոյեմիին ծնողքը:

— Հապա Պետրոսի՛կը, — հարցուց Նոյեմի իր դրացի ծանօթներուն:

— Կը կարծենք թէ ան ալ անկիւն մը ինկած

մեռած է, ինչպէս շատերը, — պատասխանեցին  
աքսորէն գարձողները:

Պետրոսիկ ընդհակառակն ողջ ու կայտառ  
կ'ապրէր Հայէպի որբանոցին մէջ: Երբ հայրն ու  
մայրը կորսնցրեց՝ արար մը առաւ զինք ու իր  
տունը տարաւ: Արարին լաճերը հարածել սկսան  
այս նորեկ անծանօթը, շատ անգամ բռունցնե-  
րով, երբեմն փայտերով ծեծեցին խեղճ որբիկը:  
Պետրոսիկ ստէպ կը պահուէր տէր այդ անտիրտ  
տղաքներէն, անկիւն մը կը քաշուէր ու իր  
հայրենի կարօտը առնելու համար զրոպանէն  
թղթի կտոր մը կը հանէր ու կ'երգէր — «Տէր  
ընդ սիրով խոնարհեցաւ, աւետիս»:

Այս թղթի կտորը մնացեր էր իր հայրենի  
տունին յիշատակներէն:

Նոյեմբին 1908-ին ընդօրինակուած երգա-  
րանէն այդ թերթիկը միայն մնացած էր իր քով,  
և լաւ կը յիշէր թէ քանի մը տարի առաջ, կա-  
զանդի օրերուն, երբ «հարսնեմատնակ»ը կ'ու-  
տէր, Նոյեմբի քոյրը այդ երգարանը կը ընար և  
կ'երգէր «Աւետիս»ը:

Պետրոսիկ մասունքի մը պէս կը պահէր  
այդ թղթիկը, որուն վրայ ս'վ գիտէ, ինչ երգ  
գրուած էր:

Եթէ Պետրոսիկ մտռնար իր մայրենի լե-  
զուն՝ «Աւետիս»ի այդ քանի մը տողերը չպիտի  
մտռնար երբեք, որովհետև զանոնք ամէն օր  
իր մտքին մէջ կ'որոճար:

Երբ զինադադար եղաւ ու որբախոյզները  
արարներու տուներէն հայ տղաքները հաւաքե-  
ցին՝ Պետրոսիկն ալ գտան և Հայէպի որբանոցը  
տարին:

— Անունդ ի՞նչ է, զաւակս, հարցուց որբանո-  
ցի տնօրէնը:

— Պետրոս:

— Հօրդ ու մօրդ անուննե՞րը ինչ էին:

— . . . Չեմ գիտեր:

— Ո՞ր գիւղէն ես:

— Այդ ալ չեմ գիտեր:

Եւ տնօրէնը, ինչպէս եղած է, Եւզոկիազի  
նշանակած է Պետրոսիկը:

Մօտաւորապէս կէս տարի Հայէպի որբանո-  
ցին մէջ մնաց Պետրոսիկ, ան խելացի և աշխոյժ  
տղաքներէն մին էր: Քիչ ետք զինքն ալ իր  
ընկերներուն հետ Պոլսոյ Գուլէլիի որբանոցը  
փոխադրեցին:

\*\*\*

Նոյեմբի, հինգ-վեց տարուան հարս՝ երկու  
զաւակ ունեցաւ:

1921-ի ամբան օր մը Միրիճան իր կնոջ  
ու զաւակներուն հետ Գուլէլիի որբանոցը այ-  
ցելեց:

Այդ չրջանին երբ հաղարաւոր հայ գաղ-

Թականներ և որբեր Պոլիս լեցուեցան, ունեորն ու չունեորը իր կարողութեան չափով նպաստեց Ազգային Խնամատարութեան: Միրիճան մինչև այդ ատեն առիթը չէր ունեցած նիւթական օժանդակութիւն մը ընելու հայութեան դժբախտ բեկորներուն: Նոյեմին առաջարկած էր ամուսնոյն՝ միասին Գուլէլիի որբանոցն երթալ և քանի մը ոսկի նուիրել:

Երբ որբանոց հասան, հարիւրաւոր տղաքներ պարտէզ իջած կը զրօսնուին ուրախ աղաղակներով: Նոյեմին չորս տարեկան աղջնակը երբ որբերու բազմութիւնը տեսաւ պարտէզին մէջ՝ բազուկները բացած՝ վազեց ա՛յնպէս, ինչպէս կը վազեն մանուկները թիթեռնիկներու ետեւ:

Փոքրիկ Անտէլ՝ կորսնցնելով իր հաւասարակշռութիւնը՝ գետին ինկաւ: Այդ բուռէին որբերէն մէկը, ճիշդ մեր ծանօթ Պետրոսիկը վազեց վեր վերցնելու իրենց փոքրիկ հիւրը: Մայրըն ալ իր քայլերը արագեց հասնելու համար աղջնակին քով՝ որ արդէն սկսած էր լար:

— Ծնորհակալ եմ տղաս, ըսաւ Նոյեմի՝ քսաննոց թղթադրամ մը դնելով որբին. ափին մէջ, որ քաղաքավարօրէն մերժեց.

— Ո՛չ տիկին, շնորհակալ եմ:

Այդ բուռէին երկուքին, քուր ու աղբօր աչքերը իրարու բախեցան, կարծես երկու կայծ-

քարեր բլլային որ լոյս կ'արձակեն: Նոյեմին ճիշդ իր հօրը դէմքը տեսաւ այդ անծանօթ փոքրիկին դէմքին վրայ: Իր Պետրոսիկ եղբայրը չէ՞ր արդեօք: Տարակոյսը փարատելու համար հապճեպով մը հարցուց.

— Ի՞նչ է անունդ, զաւակս.

— Պետրո՛ս, եղաւ պատասխանը համարձակախօս որբին:

Այլևս չսպասեց Նոյեմի, երկու դողդաջող թևերով բռնեց անոր դուռը, կուրծքին սեղմեց, համբուրեց և յետոյ շարունակեց.

— Հօրդ ան՛ուհը:

— Չեմ գիտեր:

— Ո՞ր տեղացի ես:

— Եւզոկիացի:

Նոյեմիի զգացած հոգեկան ցաւը կարելի չէ նկարագրել: Իր սրտին մէջ յարութիւն առած աղբարիկը կրկին մեռաւ:

Այդ բուռէին արդէն Միրիճան փոքրիկ Թորգոմին հետ հասած էր:

— Ա՛խ Միրիճանս, ինչպէ՛ս հօրս կը նմանի սա պզտիկը: Նայէ՛, դուն ալ կը ճանչնաս հայրս, աղոարիկս կարծեցի: Անուհն ալ Պետրոս է: Եթէ Եւզոկիացի չըլլար՝ ապահով եղբայրս պիտի ըլլար:

Այս պահուն Նոյեմիին ու Պետրոսիկին նայուածքները տարօրինակ անուշութիւնով մը նորէ՛ն իրարու խառնուեցան:

Միրիճան նկատելով որ իր կիներ իր եղբորը պէս սիրեց այս որբիկը՝

— Տղամ, մեր տունը կու դամ, մեզի զաւակ կ'ըլլամ, — հարցուց շոյելով Պետրոսիկին սիրուն գլուխը:

Որբիկը, ուրախ ճառագայթ մը դէմքին, պատասխանեց.

— Ամենայն սիրով, պարոն, ուրիշ ընտանիքներ զիս որդեգրել ուզեցին բայց ես չգացի: Ես ձեր տիկինը մօրս պէս կը սիրեմ:

Այդ վայրկեանին, երբ այրուկին Պետրոսը կը համբուրէին, որբանոցի տնօրէնը կը մօտենար:

— Պարոն տնօրէ՛ն, ըսին, մենք Պետրոսիկը որդեգրել կը փափագինք:

— Կամքը իրենն, պատասխանեց տնօրէնը:

— Այո՛, Պ. տնօրէն, կ'ուզեմ այս տիկինին որդին ըլլալ, — ըսաւ Պետրոս ու գնաց փոքրիկ Թորգոմը գրկեց ու համբուրեց:

Պետրոս այդ իրիկունն իսկ արդէն իր հոգեկնոցին տունը գիշերեց և երկրորդ օրն իսկ արդէն սկսաւ զարոց երթար Ռ՛րքան երջանկութիւն կը զգար Նոյեմի, երբ Պետրոս դարոց երթալէն առաջ իր ձեռքը կը համբուրէր:

\*

1921-ի Դեկտեմբերի վերջերն է: Այդ տա-

րին Պոլսոյ մէջ անսովոր կերպով շատ ձիւն տեղաց:

Նոյեմի, իրիկունը իր զաւակներուն քով նստած՝ անցեալը կը մտածէր. 1915-ի իրենց գիւղի կազանը յիշեց, այդ տարին ալ ո՛րքան ձիւն նստած էր Պարտիզակի տանիքներուն ու փողոցներուն վրայ: Միաքն ինկաւ իր հայրը, մայրը, Պետրոսիկ եղբայրը: Յիշեց թէ այդ կազանդին քանի՛ տեսակ կերակուրներ և խմորեղէններ պատրաստած էր իր մայրը: Ռ՛րքան զուարթ եղած էր իրենց գեղը անցուցած վերջին կազանդը:

Ներս մտաւ ամուսինը:

— Միրիճա՛ն, ըսաւ Նոյեմի, այսօր Պօղոս Պետրոս է, մեր Պետրոսիկին տօնն է, իմ ազբարիկիս ալ տօնն է (այժերէն երկու կաթիլ արցունք յորդեցան), եկո՛ւր գեղեցիկ կազանդ մը ընենք: Մենք ալ տօնածառ մը չտիկենք, մօմեր վառենք, մեր պատիկներուն նուէրներ տանք, թող ուրախանան, մանուսանդ սա որբիկը թող մօտենայ իր անզին կորուսաները՝ մայրիկը, հայրիկը, իր քոյրիկը, որոնք աքսորավայրը մեռած են:

— Ռ՛ն սիրիկիս, պատասխանեց Միրիճան, ի՛նչ հարկ իմ հաւանութիւնը ուզելու, ըրէ՛ ինչպէս որ կ'ուզես:

— Շնորհակալ եմ ձեզ հանդէսը, շնորհակալ եմ: Կազանդին

6962 (64512) 75-18701



պատրաստեմ', ինչ որ տեսած եմ մօրմէս և ինչ որ սորվեցայ մեր հայրենակից դրացիներէն կէօղլէմէն, նազլուն, անուշապուրը, մանուշանդ «Հարսնեմատնակ»ը:

\* \*

1922-ի կաղանդի իրիկունը տօնածառի լոյսերը վառուած էին: Անմէյ ու թորդամ թըռչուններու պէս կ'ոստոտէին, մայրիկը ամէնուն նուէրներ տուաւ. չամիչ, չոր թուղ, նարինջ ընկոյզ, նազլու և «Հարսնեմատնակ»:

Պետրոս երբ տեսաւ «Հարսնեմատնակ»ը՝ աչքերը բացաւ. նայուածքը անգամ մը իր այս ամէնէն սիրած անուշեղէնին, անգամ մըն ալ իր հոգեմօրը ուղղեց. այդ նայուածքը զուարթ և մանուշանդ թաքուն զգացումով մը լեցուն էր:

— Մայրի՛կ, ըսաւ Պետրոս, իմ մայրիկս այժմատի նմանոց այս անուշեղէնը կու տար մեզի կաղանդի և Ծնունդի օրերը:

— Հարսնեմատնակ կ'ըսեն ասոր, տղաս, պառասխանեց Նոյեմբի:

— Այո՛, այո՛, հարսնեմատնակ, կը յիշեմ հիմա, և մայրի՛կ, ևս քոյրիկ մը ունէի, մոռցած եմ անունը, ան ո՛րքան կը սիրէր զիս, և այդ իմ քուրիկը զեղեցիկ ձայն մը ունէր. քոյրիկս քեզի շատ կը նմանէր, ևս քեզ ատո՛ր համար շատ

կը սիրեմ: Մայրիկ, երբ մենք հարսնեմատնակ կ'ուտէինք՝ քոյրիկս կ'երգէր:

— Մի՛տքդ է տղաս այդ երգը:

— Ի՞նչպէս չէ. ևս երբ արաքներուն տունն էի ու մի՛նակ կը մնայի՝ միշտ կ'երգէի: Կեցիր, նրթամ բերեմ քոյրիկիս երգարանին թուղթը:

Պետրոս գնաց գրքերուն մէջ պահած այդ թերթ մը թուղթը բերելու: Պետրոս այս թուղթը ձեռքը «Տէր ընդ սիրով խոնարհեցաւ» սկսաւ երգել:

Նոյեմբի մոլեգնածի մը պէս Պետրոսիկի վրայ վազեց, այդ թղթիկը առաւ ձեռքէն, ճանչցաւ իր աշակերտութեան գիրը: Ի՛ր երգարանին մէկ թերթն էր:

— Չաւա՛կս, ի՞նչպէս ձեռքդ անցաւ այս թուղթը, հարցուց Նոյեմբի այնպիսի նայուածքով մը՝ որ կարծես պիտի լափեր զինքը:

— Մայրիկս, ասի իմ սիրելի քրոջս երգարանէն մնաց, ևս զայն աքսորին մէջ միշտ սրտիս վրայ պահեցի: Ես շատ կը սիրէի իմ քոյրիկը: Երբ մենք հարսնեմատնակ կ'ուտէինք ինքը միշտ այս թուղթին վրայէն կ'երգէր:

Նոյեմբի յուզուած՝ Միրիճանին դարձաւ ու ըսաւ.


— Սիրելի՛ս, այս թերթը իմ երգարանէս մնացած է. այս Պետրոսիկը ուրեմն իմ եղբայրն է:

Այս խօսքերը ըսաւ Նոյեմբի արցունքները

աչքերուն՝ Պետրոսիկը ողջագուրելով ու աաք  
համբոյրներ գրոչմելով անոր երեսներուն:

Յետոյ Նոյեմի և Պետրոսիկ, քոյր ու եղ-  
բայր «Տէր ընդ սիրով»-ը սկսան երգել երեսակա-  
յելով որ իրենց ծնողքին հոգիները տօնածառի  
լոյսերուն մէջ կը սաւառնին:

Կաղանդ պատուէր ամենաթանկագին Նը-  
ւէր մը տուաւ այդ տարի՝ Նոյեմիին: Իր եղբայրը:



Վ Ա Ր Դ Ե Ր Ը . . .

— Զեփի՛ւռ . . . — Կանչեց մեր դրացունհին  
իւր աղջկան՝ Մայիսի առտու մը:

Մեր տան երկրորդ յարկի պատուհանը՝  
փոքրիկ տան մը պարտէզին վրայ կը բացուէր:

Այդ պարտէզիկին մէջ կարմիր ու ճերմակ  
վարդեր բացուած էին: Բուրումնաւէտ և գեղե-  
ցիկ թա՛րմ վարդեր:

Այդ պարտէզը ա՛յնքան մօտ էր մեր պա-  
տուհանին՝ որ ես այդ ծաղիկներուն վրայի առ-  
տուան արևով փայլիլոզ ցօղերը կը տեսնէի:

— Զեփի՛ւռ — կանչեց մայրը անդամ մըն ալ  
իւր տասը տարեկան աղջնակին՝ որ իր ուսուցի-  
չին տանելու համար վարդ կը քաղէր, մինչդեռ  
փոքրիկ Անայիս, ոտքերը գետին զարնելով՝  
վա՛րդ կ'ուզէր իր քրոջմէն: Քոյրը չէր ուզեր  
վարդ տալ, որովհետեւ անխելահաս աղջնակը՝ ե-  
րէկ ալ, առջի օր ալ իրեն տրուած վարդերը  
հաւերուն առջև փերթած էր:

— Զեփի՛ւռ, երկու վարդ ալ Անայիսին տուր  
որ ձայնը կտրէ, երեքնեց մայրը աւելի հրամա-  
յական չեչտով:

Զեփիւռ խոչօր մը բացուած վարդերէն

քանի մը հաս Անայիսին տուաւ, որոնցմէ մին  
այնքան անդամ էր որ՝ թերթաթափ եղաւ: Հա-  
ւերը իրենց վառեակներով անմիջապէս Անայի-  
սի շուրջը եկան և սկսան գետնի վարդի թեր-  
թերը կտրտել:

Զեփիւռ զգրոց գնաց, իսկ Անայիս շարու-  
նակեց հաւերուն հետ խաղար:

Կարելի՞ է հաւերուն հետ խաղար: Այդ  
վախկոտ կենդանիները, որ ընդհանրապէս բա-  
նաւոր մարդ արտրածէն կը փախչին՝ Անայիսէն  
չէին վախեր: Գիտէին որ ան անմեղ է և ան-  
նենդ, իրենց ամէն օր կուտ կու տայ ատանց  
զանակը կտին պահելու:

Սա նորածին թոմարդիկ վառեկները հապա-  
սօրքան շոյուիլ ու փայփայուիլ կը սիրեն Անա-  
յիսի թեթեւ թաթիկներով:

Երբ սենեկիս միւս պատուհանին առջև  
կ'անցնիմ՝ գիտէ՞ք ի՞նչ կը տեսնեմ: Իզնիմիտի  
ծո՛վը, որ դիմացս կապոյտ լայն ժապաւէնի մը  
պէս փաթթուած է՝ Բէյ-թէփէ լեքան մէջքին: Իսկ  
Պարտիզակէն երկարող «չօտէն» օձի մը կը նը-  
մանի, որ կանաչներու մէջէն, երբեմն տափա-  
րակ արտերէն մինչև ծովը կ'երկարի անյագօրէն  
Չուր խմելու:

Իզնիմիտէն մ'նկնող շողեմաւը, կը տես-  
նեմ որ մեր գիւղին նաւահանգիստը կու գայ,  
ժամը առտուան ութն է, զգրոցին կոչնակն ալ  
կը հնչէ արդէն:

Նորէ՛ն պարտէզին կողմը կու գամ: Զե-  
փիւռ զգրոց թոած է, Անայիս հաւերուն հետ  
կը խաղայ:

\*  
\*  
\*

Այդ տարին, 1915-ի Յուլիսին վերջերը, երբ  
խաղողները հաղիւ սկսած էին կարմրել՝ Պար-  
տիզակցիները տեղահանուեցան:

Զեփիւռի հայրը աքսորի ճամբան ինկաւ  
ու մեռաւ: Ի՞նչ բախտ, գերման երկրաչափ մը  
համակերպով Զեփիւռին, մօրմէն խնդրեց որ իր  
քով թողու, խոտապաւ նոյնիսկ որդեգրել զայն:

Մայրը տատամեցաւ և չկրցաւ որոշում  
մը տայ: Զեփիւռ ա՛յնքան քաջասիրտ գտնուե-  
ցաւ որ մօրն ըսաւ.

— Մայրի՛կ, տե՛ս թէ ո՛րքան խզճալի վիճակ  
մը ունի՛նք, թող տուր որ երթամ այս բարի  
մարդուն քով, յետոյ կը խնդրեմ որ ձեզ ար  
եղբայրներս ալ աղատէ ու իրեն քով առնէ:

Մայրը իր մեծ ազջիկը օտար քրիստոնեա-  
յին յանձնեց -- «Գո՛նէ թող պատիւը փրկուի»  
խորհրդածելով:

Զեփիւռ մնաց գերմանացի ընտանիքին  
մօտ, իսկ մայրը, եղբայրները և Անայիս շարու-  
նակեցին աքսորի տառապալից ճամբան:

Զեփիւռ ճարպիկ ազջիկ մըն էր, աչքարայ

և խելացի: Քանի մը ամիսէն սկսաւ գերմանե-  
րէն խօսիլ իր ազատարարներուն հետ:

Իրիկունները երբ արեւը մարը կը մտնէր և  
մուլթը կը կոխէր՝ դժբախտներու սրտերը և հո-  
գին ճնշելով՝ Զեփիւռ պարտէզին ծառերէն մէ-  
կուն տակ կծկուած տխուր, մտածկոտ կ'երազէր  
կարծես, ու երբեմն արցունքները իր աչքերէն  
ակամայ կը քամուէին: Գերմանացի տիկինը  
չատ անգամ դիտած էր Զեփիւռը այդ ցաւոտ  
պատկերին մէջ ու անգամ մը վերջապէս մօ-  
տենալով հարցուցած էր.

— Ի՞նչ է, աղջիկս, դժգո՞հ ես մեր քով մնա-  
լուդ:

— Ո՛չ մայրիկ, ես շատ դո՛հ եմ և շա՛տ աւել-  
լի երջանիկ պիտի ըլլամ եթէ զիս ծնող մայրս,  
եղբայրներս ու փոքրիկ քուրիկս մանաւանդ  
միտքս չիյնան: Զեռքս չէ, ի՞նչ ընեմ: ամէն օր  
երբ մթնել կը սկսի՝ հայրս միտքս կ'իյնայ. ճիշտ  
իրկուն մը մեռաւ երբ աստղերը երևալ սկսան.  
յետոյ մայրս ու եղբայրներս կը շարունին զի-  
մացս և կ'սրծես կ'ըսեն. — «Զեփիւռ, դացիր և  
մոռցար մեզ»: Ա՛խ մայրիկ, ես ձեզ տասնապա-  
տիկը աւելի պիտի սիրեմ եթէ հնար մը գտնէք  
զիրենք ալ ազատելու և հօս բերելու: Մայրս  
ձեզի ծառայութիւն կ'ընէ, եղբայրներս կ'աշխա-  
տին հայրիկիս ձեռքին տակ:

Գերմանացի կի՛նը՝ Զեփիւռի ամէն իրկուն

թափած արցունքներուն չզիմանալով՝ թախան-  
ձեց իր ամուսինին որ հնար մը գտնէ որդեգի-  
րին մայրն ու եղբայրները աքսորէն ետ դար-  
ձնելու: Հրամանագիրը ձեռք ձգուեցաւ: Ի զո՛ւր  
աշխատանք, Զեփիւռի մայրն ու եղբայրները  
մեռեր ու ջարդուեր էին: Չորս տարեկան Անա-  
յիսը միայն մնացեր էր, բայց ո՛վ գիտէ որո՞ւ  
մօտ:

\* \*

Երբ զինադադար եղաւ և աքսորէն վեր-  
ապրողները Պոլիս եկան՝ Անայիս ալ որբերու  
հետ Գուժգափուի Պատրիարքարանը հասաւ:  
Պաշտօնեայ մը նորահաս որբերը արձանագրեց,  
անուններն, մականուններն, ծնողաց անունները  
և ծննդավայրներն գրելով:

— Անունդ ի՞նչ է, փոքրիկ աղջիկ:

— Անայիս:

— Հօրդ ու մօրդ անո՞ւնք:

— Չեմ գիտեր, մայրիկ կը կանչէի:

— Ո՛ւր ծնած ես:

— Այդ ալ չեմ գիտեր, շատ պզտիկ էի երբ  
աքսոր գացի՛նք:

— Չե՞ս յիշեր, ի՞նչ ձամբաներէ աքսոր գա-  
ցիք. դաշտերէ՞ անցաք թէ լեռներէ և կամ ծո-  
վէ:

Անայիս քանի մը բոլի մտածելէ ետք՝  
— Ա՛հ, կը յիշեմ, հիմա լաւ կը յիշեմ, ծովէ  
անցանք:

Հարցաքննիչ պաշտօնեան խորհեցաւ ու  
խորհեցաւ և Պարտիզակցի Անայիսը Տրապիզոնցի  
արձանագրեց:

Անայիս մինչև 1920 թուականը Բերայի  
հայ մայրապետներու սրբանոցին մէջ մնաց ու  
իր ուշիմութեամբ, ջանասիրութեամբ և կրթու-  
թեամբ ամէնուն համակրանքին արժանացաւ:

Այդ տարուոյ Յունիսին մէջ, երբ որուսէի-  
ները զարոցական ամառերջի հանդէսը առին՝  
ինչպէս եղաւ՝ հոն դառնուեցաւ Ռոտտասոցի Տէր-  
աէրեան Պ. Պետրոս՝ իր տիկնոջ հետ երբ որ-  
ուսիները բեմին վրայ երեցան, այս բարի քն-  
տանիքը անմիջապէս իր վեց զաւակները յիշեց,  
որոնք սպանուած կամ կորսուած էին աքսորի  
ճամբուն վրայ:

Հանդէսին երկրորդ մասին սկիզբը բեմին  
վրայ երեցաւ Անայիս և յուզիչ շեշտով մը ար-  
տասանեց «Որք մըն եմ ես» ոտանաւորը:

Այդ փոքրիկ որուսիին դամէնքը լացուց:  
Անայիս ձերմակ զգեստներու մէջ, վարդի կոկո-  
նի մը կը նմանէր, ա՛յն կոկոններուն՝ որոնք  
անխիղճ ձեռքերով կը փրցուին ու գետին կը  
նետուին:

— Ա՛խ, հառաչեց Պ. Տէրաէրեան, կնի՛կ, ո՛ւր

էր թէ մեր զաւակներն այ ողջ ըլլային որբա-  
նոցներու մէջ:

— Մա՛րդ, սա աղջնակը մեր Թագուհիին չի՞  
նմանիր, սա կլորիկ դէմքին նայէ, փոքրիկ  
րերնին:

Այր ու կին ա՛յնքան յուզուած կը խօսէին  
և բարձրաձայն՝ որ մայրապետներէն մին եկաւ  
ազգարարելու որ լռին:

— Բայց քուրիկ ի՞նչպէս լռեմ երբ իմ կոր-  
սընցուցած վեց զաւակներէն ամէնէն պզտիկը  
կը գտնեմ հոս, ձեր սրբանոցին մէջ:

— Ի՛նչ, Անայիսը ձեր աղջիկն է:

— Այո՛, միայն թէ մե՛նք զինքը Թագուհի  
մկրտել տուած էինք:

— Խնդրեմ քիչ մը համբերութիւն ունեցէք,  
հանդէսը մի՛ խանդարէք, յետոյ մեծաւորուհիին  
հետ կը տեսուիք:

Վեց զաւակներու մայր մը չէր կարող ա-  
ռանց զաւակի մնար:

Անասուններն իսկ օրերով կու լան երբ  
նորածին ձագերնին կը խլին իրենց ծոցէն:

Տիկին Տէրաէրեան կ'ուզէ գէթ հոգեզաւակ  
մը ունենար ինչո՞ւ սա անհայր և տնմայր Ա-  
նայիսին տէր չկանգնի, երբ ան իր Թագուհիին  
կը նմանի: Ո՞վ ըսաւ թէ այդ իր աղջիկը չէ,  
կարելի չէ՞ որ աքսորի ճամբուն վրայ իր սրա-  
խողխող եղբայրներէն բաժնուած ըլլալով՝ կեան-  
քը ազատած ըլլայ:

Տիկին Տէրտէրեան ամէն զնով որոշեց  
տէր ըլլալ Անայիսի:

Հանդէսը հազիւ աւարտած՝ այր ու կին  
մեծաւորուհիին ներկայացան: Քիչ ետք ներս  
բերուեցաւ Անայիս: Տիկին Տէրտէրեան մայրա-  
կան անկեղծ զգացումով բազուկներուն մէջ  
առաւ ու բացազանչեց.

— Այո՛, իմ զաւակս է, — և ջերմ համրոյրներ  
զրոյժեց այտերուն ու աչքերուն: Անայիս ըը-  
նազդօրէն այդ անձանօթ մօրը պլլուեցաւ ու  
բերնէն սա մէկ բառը թռաւ. — «Մայրի՛կ»:

Այս սրտածմբիկ տեսարանը, որ պարզուե-  
ցաւ քանի մը մայրապետներուն առջև, մեծ  
փաստը եղաւ համոզելու զիրենք թէ իրաւի  
Տիկինը Անայիսի իսկական մայրն է:

Այդ օրն իսկ արդէն հրաման տրուեցաւ  
Անայիսի որ իր ծնողաց հետ տուն երթար:

Թէ՛ ընկերուհիները և թէ՛ մայրապետները  
արտասուեցին, երբ Անայիս իր հրաժեշտի ող-  
ջոյնը տուաւ. ինքը ևս չկրցաւ արցունքները  
աչքերուն մէջ ըռնել, ձգելուն համար այն յար-  
կը ուր տոհմային կրթութեան հետ քիչ մը ու-  
սում ևս ստացած էր:

Պ. Տէրտէրեան Պէշիկ-Թաշ կը բնակէր. հոն  
տարաւ իր աղջնակը:

Հայրենակիցները երբ աչք-լոյսի եկան՝ Ա-  
նայիս զեղեցիկ և զգարուն ոտանաւորներ ար-

տասանեց: Արտօնուած էր իրեն արտասանել իր  
սորված բոլոր ոտանաւորները բացի մէկէն, ա՛յն  
ոտանաւորէն՝ որ Որբանոցի թատերաբեմին  
վրայ արտասանեց ու զամէնքը լացուց. «Ո՛րբ  
մըն եմ ես»:

— Ո՛չ զաւակս, պէտք է մոռնաս այդ գոցդ,  
հրաման չունիմ որ զայն կրկնես, որովհետեւ  
դուն ապես որբ չես, քանի որ գտած ես հայ-  
րիկդ ու մայրիկդ՝ կ'ըսէր տիկին Տէրտէրեան:

\* \* \*

Պարտիզակցի օրիորդ Զեփիւս, որ գերմա-  
նացի բարի բնտանիքի մը խնամքներով և  
գուրգուրանքով մեծցաւ՝ զինազաղարին ար-  
ցունքը աչքերուն բաժնուեցաւ իր բարերար-  
ներէն:

Գերմանացի ճարտարագէտը Պէյրութ հաս-  
տատուած էր երբ զինազաղար եղաւ, երբ հրա-  
ման եկաւ հայրենիք վերադառնալ՝ ուղեց իր  
հետ տանիլ նաև Զեփիւսը, որուն սրտին մէջ  
հայրենասիրութեան կայծը բորբոքած էր ի տես  
այն գունդազունդ հայրենակիցներուն՝ որոնք  
Պէյրութի նաւահանգիստը կը խոնուէին Պոլիս  
երթալու համար:

Կը յիշէր Զեփիւս իր հայրիկը, մայրիկը,  
եղբայրները և փոքրիկ Անայիսը:

Ան երազեց իր դրախտանման Պարտիզակը,  
որ Ս. Մինասի պաղօւղ Չուրին և բարձրարեւձ  
ձառերուն տակ կը փոռէր, կ'ենթադրէր որ իրենց  
տնակը կանգուն պիտի ըլլար, պարտէզը շէն,  
ուր վարդերը շուտով պիտի բացուին և վառ-  
եակները պիտի կտցրան Անայիսի գետին թա-  
փած վարդերուն թերթերը . . .

Ախ, ս'րքան անուշ էին այն օրերը . . .  
Ո՛րքան տաք էր մայրական համբոյրը, և ս'ր-  
քան ինկաւէտ ընտանեկան յարկը:

Զեփիւռ թէև կարդալ ու գրելը չէր մոռ-  
ցած՝ բայց հայերէն խօսակցութեան վար-  
ժութիւնը կորսնցնել սկսած էր:

Դասագրքերը դեռ քովն էին: Ամէն օր, երբ  
միայնակ կը մնար, մէկիկ մէկիկ աչքէ կ'անցը-  
նէր դանօնք, կը թերթէր, կը կարգար և ամէն  
օր ալ Անայիսը կը յիշէր, որովհետև ան ուն մա-  
տիտով խաղացած էր իր մաքուր պահած գըր-  
քերուն էջերուն վրայ:

Օր մը, նորէն նաւահանդիստ գնաց Զե-  
փիւռ, Պոլիս մեկնող տարագիրներուն մէջ փըն-  
տընելու իր ծնողքը, մօրեղբայրները, ազգական  
մը կամ ո՛ր և է Պարտիզակցի մը:

Պէյրութի նաւահանգիստին մէջ մեծ շու-  
գենաւ մը խարխիս նետած էր: Նիհար ղէմքով,  
պատառատուն զգեստներով, նոյնիսկ կիսամերկ  
հայրենակիցներ ղէպի շոգենաւ. կը խուժէին Պո-

լիս մեկնելու համար: Ամէնքը առանց միսի  
կարծես գերեզմաններէ կ'ած ըլլային:

Ինքը, Զեփիւռ, ընդհակառակն կ'այտառ,  
մաքուր հագուած, գլխարկ մը գլուխը, հովանո-  
ցը բացած կիզիչ արեւին ղէմ, ձերմակ ու լե-  
ցունկեկ ղէմքով՝ Եւրոպացի օրիորդ մը դար-  
ձած էր:

Ո՛չ Զեփիւռ կը մօտենար այդ ստուերի  
նմանող խառնիճագանձին և ոչ ալ այդ Պոլիս  
մեկնողներէն ո՛ր և է մէկը կը համարձակէր  
հարցնելու այդ լուռ ու մունջ օրիորդին թէ ո՛վ  
կը փնտռէր:

«Գեղանոյշ, Աշխէն, կարասպետ, Նուարդ,  
Զարմուէր, Անահիտ» և դեռ ուրիշ շատ մը ա-  
նուններ այդ բազմութեան մէջ, իր մօրը, հօրը,  
եղբայրներուն անուններն ալ լսեց օտար բե-  
րաններէ՝ անձանօթ անձերու ուղղուած:

Յանկարծ պառաւի մը սա խօսքը զարկաւ  
ականջին. «— Անայի՛ս, սերեթը ա՛ռ ու շուտ  
եկուր»:

Լոյս մը ծաթեց Զեփիւռի սրտին վրայ. բը-  
նազդօրէն անոնց մօտեցաւ: Ի՛նչ երջանկութիւն  
է քոյր մը ունենար: Բայց իր սիրտը շուտով  
կակիծով համակուեցաւ՝ երբ տեսաւ որ իրմէ  
տարէց նիհար աղջիկ մը գետնէն սակառ մը  
վերցնելով պառաւին հետեցաւ: Անկարելի էր  
որ իր փոքր քոյրն ըլլար ան:

Զեփիւռ նորէն անկիւն մը քաշուելով՝ սկսաւ իր Մեղրագետր կարգար: Շատերը անցան իր մօտէն, մէկը նոյնիսկ հետաքրքրուելով մօտեցաւ և ստուգեց որ հայերէն գիրք մը կար այդ եւրոպացիի հազուստներով օրիորդին ձեռքը:

— Դուն, օրիորդ, աքսոր չեղա՞ր, — հարցուց հայր մը իր դաւկիին ձեռքէն բռնած:

— Ա՛յ: Բայց հայրս, մայրս, եղբայրներս . . .

— Ո՞ր տեղացի ևս օրիորդ:

— Պարտիզակցի եմ:

— Քիչ մը սպասէ, ևս Պարտիզակցի ծանօթ մը ունի՞մ, ան պիտի գիտնայ անշուշտ թէ ո՞ւր ևս քուկիներդ:

Քանի մը վայրկեան ետք երկու հողի ներկայացան:

— Դուն մեր գեղէ՞ն ևս, օրիորդ, — հարցուց նորեկներէն մին:

— Պարտիզակցի եմ, ն . . . եանին աղջիկը, տեղեկութիւն մը ունի՞ս մօրս, եղբայրներուս մասին:

Զեփիւռի հայրենակիցը ա՛յնպէս մը մօռնջ դարձաւ՝ որ անտիրական մնացած աղջիկը սկսաւ դառնօրէն արտասուել իր սիրելիներուն ստոյգ մահուան վրայ:

— Եբանի՛ քեզի աղջիկս, որ արցունք ունիտ Մեզի լայն ալ մոռցուցին: Հող մի՛ ըներ, լսածիս՝ Բօրեղրայրդ կ'ապրի. ըսին թէ քանի մը օր առաջ Պոլիս մեկնած է:

Այս լուրին վրայ՝ Զեփիւռ անմիջապէս պատրաստուեցաւ միւլենոյն շողենաւով Պոլիս մեկնելու, և կրցաւ:

Եղաւ որ Պոլսոյ յայտնի վաճառական էքսէրձեան ընտանիքին հոգածութեան յանձնուեցաւ:

Զեփիւռ քիչ ժամանակուայ մէջ իր կարը կատարելագործեց և սկսաւ ծանօթ հայ ընտանիքներու տուները կարի երթար:

Անգամ մըն ալ Պարտիզակ անցաւ իր մօրեղբայրը տեսնելու: Անձանաչելի դարձած էր իր շէն ծննդավայրը, հազիւ կրցաւ իրենց տունը գտնել: Փոքրիկ պարտէզին վայրի խոտերով ծածկուած էր: Քանի մը կարմիր ու ճերմակ վարդեր բացուած էին վարդենիներու վրայ:

«— Զեփի՛ւռ, քանի մը վարդ ալ Անայիսին տուր:»

Ա՛խ, ո՛ւր էր թէ սա բաց պատուհանէն իր մօրը ձայնը լսէր Զեփիւռ ու բոլոր վարդերը կտրէր Անայասին տար: Մայրիկը սակայն չերեցաւ: Հաւերուն բոյնն ալ քանդուած էր:

\*\*\*

Զեփիւռ Պոլիս դառնալով՝ 1920-ի ամառը Պէշիք-Թաշ հայ ընտանիքի մը քով կտրի գացած էր: Ճիշտ դիմացը կը բնակէր Պ. Տէրտէր-

եան: Անայիս և Զեփիւն քանի մը անգամ իրարու հանդիպած էին: Բայց ո՞վ կրնար դուշակեցի որ երկու հարազատ քոյրեր էին անոնք: Բնաւ իրարու չէին նմաներ: Մէկը հայրը, միւսը մայրը ելած էր: Զեփիւն թխագոյն էր, իսկ Անայիս սպիտակ:

Օր մը, պարոն մը այցելեց այն տունը՝ ուր Զեփիւն կարի եկած էր:

— Օրիորդ, ըսաւ անծանօթ պարոնը, սա զեմացի տան մէջ Անայիս անունով աղջնակ մը կայ որ կ'ըսէ թէ ինք Զեփիւն անունով քոյր մը ունեցեր է, և որովհետեւ շատ հազուադիւր է այդ անունը և իմացայ որ դուք ալ Զեփիւն կը կոչուիք՝ եկայ հարցնելու թէ՛ արդեօք ունեցած էք Անայիս անունով քոյր մը:

— Անայիս . . . ալդպէս էր փոքրիկ քոյս անունը: Պարոն, կրնա՞ք զինքը հոս առաջնորդեր:

— Ամենայն սիրով, սա զիմացի տունը կը բնակի, ապահով զինքը փողոցը տեսած պիտի ըլլաք:

Բիչ ետք Անայիս այդ անծանօթ երիտասարդին հետ ներս մտաւ:

Ո՞վ մտքէն պիտի անցընէր թէ ասոնք երկու քոյրեր կրնային ըլլալ:

Զեփիւն անմիջապէս Անայիսի ձեռքը իրենին մէջ սեղմելով հարցուց առանց ոգևորուելու.

— Ո՞ր տեղացի ես օրիորդ:

— Ես Տրապիզոնցի էի, բայց հայրիկս, մայրիկս կ'ըսեն թէ Ռոտոսոցոցի ենք:

Զեփիւն զե՛ն աւելի թերահաւատ եղաւ և ակամայ թող տուաւ Անայիսի ձեռքը, յուսալքուած հարցուց.

— Դուն Զեփիւն անունով քոյր մը ունեցեր ես:

— Այո՛ օրիորդ, ես միայն այդ անունը կը յիշեմ, եղբայրներ ալ ունէի, բայց անուններն ժողոկոս եմ: Լաւ կը յիշեմ, մայրիկս քոյրիկիս միշտ Զեփիւն կը կանչէր:

Նորէն ոգևորուեցաւ Զեփիւն.

— Ի՞նչպէս էր ձեր տունը, պարտէզ ունէի՞ք:

— Այո՛ օրիորդ, մեր տունը ձորի մը քով էր, ձմեռները գիշեր-ցորեկ վազող ջուրին ձայնը կ'առնէինք, պարտէզ ալ ունիէնք, հաւեր, կովեր, օրիորդ, լաւ կը յիշեմ, մեր պարտէզը վարդեր կային, վարդեր:

(Այդ վայրկեանին յիշեց Զեփիւն որ օր մը բարկացած՝ Անայիսի ձեռքը վարդի փուշ մը խոթած էր:)

— Օրիորդ, շարունակեց Անայիս, երբեմն միտքս կ'իյնար քոյրիկս, օր մը վարդի փուշ մը խոթեց ձեռքս:

Այլևս չսպասեց Զեփիւն, բացաւ իր բազուկները և գրկեց Անայիսը.

—«Ես եմ, ես եմ. Զեփիւռ քոյրդ» կրկնելով:  
Թուխ ու ձերմակ երկու քոյրեր իրարու-  
պլլուեցան, մինչդեռ ներկաները թաշկինակներն  
աչքերնուն՝ կ'արտասուէին յուզուած:

\* \* \*

Պ. Տէրտէրեան շուտով իմացաւ թէ կար  
կարող օրիորդ մը փորձեր կ'ընէ իր խաղաղ ըն-  
տանեկան յարկը խռովելու:

Զեփիւռ անունով Պարտիզակցի ազՂիկ մը  
քոյր կ'ուզէ ըլլալ իրենց Անայիսին Միակ դար-  
մանն էր տեղափոխուել: Պէշիկ-Թաշէն Գում-  
Գարու անցաւ:

Շարաթ մը ետք յաջողած էր Զեփիւռ իւր  
քոյրը վերստին գտնելու:

Պ. Տէրտէրեան սրանեղած՝ որոշեց Պոլսէն  
հեռանալ որպէսզի Անայիսը ձեռքէ չհանէ:

Երկու շարաթ յետոյ երբ Զեփիւռ Գում-  
Գարու գնաց իր քոյրը տեսնելու՝ տանտէրը  
յայտարարեց թէ Պ. Տէրտէրեան իր կնոջ և ազ-  
ջըկան հետ Պայքանները անցած էր:

Այդ 1921 տարւոյն սկիզբները ես Պուքրէ-  
շի Ազգ. վարժարանին մէջ կը պաշտօնավարէի,  
երբ նոր աշակերտուէի մը բերուեցաւ: Անայիս  
Տէրտէրեան էր անունը. իր սիրուն ղէմքով,  
կրթեալ վարժուէնքով Չերմանոցի ծաղկի մը կը  
նմանէր դաշտերու մէջ մոռցուած:

Պոլսոյ մայրապետներուն մօտ ստացած էր  
ուսումը. քիչ մը ֆրանսերէն ալ գիտէր:

Բարեկենդանի առթիւ թատերական ներ-  
կայացում մը պիտի տրուէր: Երբ դերերը բաժ-  
նեցի՝ Որբուհիի դերը այնպիսի ազՂկան մը  
պէտք էի տայ՝ որ հայր ու մայր ունենար և  
միանգամայն բարեկեցիկ ըլլար:

Յարմարագոյնը Անայիսն էր, որ առաջին  
օրն իսկ արդէն սկսաւ մեծ եռանդով սուրվիլ իր  
դերը:

Բայց ի՛նչ զարմանք, որ երկրորդ օրը, այդ  
հլու աղջնակը դերը ինծի վերադարձուց ըսելով:

— Մայրիկս թող չի տար որ որբուհիի գերը  
ստանձնեմ:

Տարօրինակ մտածում: Առեզճուած մըն էր  
ինծի համար, որովհետեւ ես տակաւի՝ չէի գի-  
տեր թէ Անայիս ինծի հայրենակից որբուհի մըն  
էր, իմ դրացիին ազՂիկը, որ տասը տարի առաջ  
ոտքերը գետին զարնելով վարդ կ'ուզէր իր  
քրոջմէն: Ես չէի գիտեր թէ Տիկին Տէրտէրեան  
արգիլած էր անոր արտասանել «Ես որբ մըն  
եմ» ոտանաւորը:

Այդ 1921 թուին «Մասիս» թերթը կը հրա-  
տարակէի: Օր մը Անայիս խնդրեց ինձմէ որ  
թերթիս միջոցով փնտուեմ իր Զեփիւռ անու-  
նով քոյրը:

Ես չկրցայ Անայիսը գտնացնել, որովհետեւ

կ'ըսէր թէ իր քոյրը Տէրտէրեան չէր կոչուեր,  
և իսկական մականունն այ մոռցած էր:

\*\*\*

Պոլսեցի էքսէրճեան ընտանիքը Պուքրէշ  
հաստատուեցաւ: Տիկին էքսէրճեան մէկէ աւելի  
անգամներ զրեց օր. Զեփիւսին որ ինքն այ  
Պուքրէշ գայ: Ամէն նամակի մէջ ըսած էր «Թե-  
րևս հոս կը գտնես կորսնցուցած քոյրդ»:

Զեփիւս 1924-ի սկիզբները Պուքրէշ կը  
հասնի և էքսէրճեան ընտանիքին քով կը մնայ:  
Շարաթ մը հաք կեկղեցի կ'այցելէ, դպրոցի բա-  
կին մէջ իր կորսնցուցած քոյրը տեսնելու յոյ-  
սով: Այդ օրը առիթ կ'ունենայ ծանօթանալու  
մանկապարտիզպանուհիին հետ:

Յաջորդ կիրակին՝ նորէ՛ն կեկղեցի կու  
գայ Զեփիւս և պատարագի աւարտումէն հաք,  
իրեն միակ ծանօթ վարժուհին կ'առաջարկէ,  
ժամանցի համար, ներկայ գտնուիլ ծնողական  
ժողովին՝ որ տեղի պիտի ունենար վարժարանի  
սրահին մէջ:

Զեփիւս ուրախութեամբ ընդունեց օրիոր-  
դին առաջարկը:

Ժողովը արդէն սկսուած էր: Եղաւ որ Զե-  
փիւս յանկարծ դպրոցի Տնօրէնին սա խօսքերը  
լսեց:

— Խօսքը Պ. Տէրտէրեանին է:

Օր. Զեփիւս այքնրը մեծ մը բացած՝ դէմ-  
քը դէպի ոտքի ելլող ծնողին դարձուց, տեսնե-  
լու համար թէ իր ճանչցած Տէրտէրեանն էր  
խօսք ուղղոր:

Պ. Տիրտէրեան, ճերմակ մազերով և առօրգ  
դէմքով մօտաւորապէս 50 տարեկան մէկը, ոտ-  
քի ելաւ և սկսաւ խօսիլ:

— Մեր Անայիսը . . .

Այլես տարակոյս չկար. Անայիս Պուքրէշ կը  
գտնուէր: Զեփիւս եթէ չկարենար իր կամքը  
զսպել՝ պիտի իննար Պ. Տէրտէրեանի ոտքը և իր  
քոյրը պիտի ուղէր: Սակայն կրցաւ ինքզինքը  
զսպել, կարմրեցաւ, գունատեցաւ և սպասեց որ  
ժողովը վերջանայ: Յետոյ հետապնդեց Պ. Տէր-  
տէրեանը, մինչև տունը անոր հտեէն գնաց, իր  
քրոջ փողոցը և տան թիւը նշանակեց թղթիկի  
մը վրայ և հտ դարձաւ:

Զեփիւս երկրորդ օրը վարժարան գնաց և  
ամէն բան Տնօրէնին յայտնելէ հաք խնդրեց որ  
հրաման տայ իր քոյրը տեսնելու:

— Այդ անկարելի բան է, օրիորդ, ըսաւ Տնօ-  
րէնը, դուք եթէ իրաւի Անայիսին օրինաւոր  
քոյրն էք՝ կարող էք Պ. Տէրտէրեանին տունն  
երթալ և հոն տեսնել ձեր քոյրը:

— Բայց Պ. Տնօրէն, եթէ Պ. Տէրտէրեանը  
նոյնիսկ իմանայ թէ ես Պուքրէշ եկած եմ՝ ան-

միջապէս ուրիշ քաղաք կը փոխադրուի, որպէս-  
զի ընդմիջտ մոռնամ թէ քոյր մը ունիմ մեծ  
աքսորէն մնացած: Թոյլ տուէք անգամ մը տես-  
նել զինքը, ողջագուրել և կարօտը առնել իմ  
բոլոր մեռելներու՝ որոնք անդարձ դացին:

Զեփիւռի աչքերէն թափուած յորդ ար-  
ցունքները Տնօրէնին աչքերն ալ արցունքով  
լեցուցին, որ այլևս չգիմանալով ըսաւ.

— Իսն մը միայն կրնամ ընել. Անայիսը հոս  
գաւելիք կը զրկեմ որ գաւաթով ջուր բերէ ին-  
ծի ու դուն զինքը կը տեսնես և առանց մեր  
գիտութեան ու կամքին խօսած կ'ըլլաս քրոջդ  
հետ:

Զեփիւռ սրտի ուժեղ բարախուժով կը  
սպասէր Անայիսին:

Կարմիր ժապաւէնով խառն սև համազգես-  
տով՝ ճերմակ դէմքով աղջնակ մը՝ գաւաթը  
ձեռքը դէպի աղբիւր վազեց:

Անայիսն է. ո՛րքան փոխուած, զայն պի-  
տի չճանչնար Զեփիւռ եթէ քաղաքին մէջ ո՛ր  
է անկիւն մը տեսած ըլլար:

Անայիս իր վաղքը դանդաղեցուց երբ տե-  
սաւ որ աղբիւրին մօտ անծանօթ օրիորդ մը  
կեցած է:

— Զո՛ւր կ'ուզէք խմել արդեօք, օրի՛որդ, հար-  
ցուց Անայիս քաղաքավարօրէն՝ այդ անծանօ-  
թին, որ կարծես տեսած պիտի ըլլար ո՛ր է տեղ:

(Այս վայրկեանին վարժարանի Տնօրէնը և  
երկու ուսուցչուհիներ դասարանի պատուհանէն  
գաղտագողի կը դիտեն թէ երկու քոյրեր ի՛նչ-  
պէս իրարու պիտի յայտնուէին):

— Զիս չճանչցա՞ր Անայիս, ըսաւ Զեփիւռ ա-  
նոր երկու ձեռքերէն բռնած:

— Ո՛չ օրիորդ, բայց կարծէք թէ տեսած եմ  
ձեզ ուրիշ անգամ, բոլորովին անծանօթ մը չէք  
թուիր ինծի:

— Քոյրդ եմ, Անայիս, Զեփիւռը, ա՛խ չե՞ս  
միշտ զիս . . . մեր տունը . . . պարտէզը . . .  
վարդերը . . . վարդերը . . .

— Այո՛, վարդերը . . . վարդերը . . . կրկնեց  
Անայիս, և երկու քոյրեր աղբիւրին մօտիկ ու-  
րախութեան արցունքները աչքերնուն՝ զիրա՛ր  
ողջագուրեցին: Իրենք կը հեղեղային աղբիւրէն  
վազող ջուրին հետ, իսկ դպրոցի մէկ պատու-  
հանին հետ՝ Տնօրէնը և երկու ուսուցչուհիները՝  
պատժուող պատանիներու պէս կ'արտասու-  
ուէին ի տես այն սխրալի յուզիչ կենդանի պատ-  
կերին՝ զոր գծեցին երկու քոյրեր վարժարանի  
աղբիւրին մօտիկ:

\*\*\*

1925-ի ամառը, երկտող գրութեամբ մը Պ.  
Է. քսէրճեանի տունը կը հրաւիրուէիմ:

Գացի: Ձիս հիւրընկալեց կարճահասակ, թր-  
խաղէմ օրիորդ մը, որ «Զեփիւռ Բաղիկեան» ա-  
նունով ներկայացաւ:

— Հայրենակի՞ց մըն էք արդեօք, կ'ըլլայ ա-  
ռաջին հարցումս:

— Այո՛, և միտնգամայն դրացի, կը պատաս-  
խանէ:

— Ո՞րքան տտենէ ի վեր հոս Պուքրէշ կը  
գտնուիք:

— Երկու տարիէն աւելի. Դուք եկած էք հոս  
և ես դադտագոցի դիտած եմ Ձեզ:

— Եւ հիմա՞ միայն ինքզինքնիդ կը յայտ-  
նէք ինծի:

— Ստիպուած էի այսպէս ընել: Կը պատրաս-  
տուիմ Բարիդ մեկնիլ, հոն մօրեղբայր մը ու-  
նիմ, որմէ շարաթ մը առաջ նամակ մը առի՞  
որուն մէջ կը գրէ. — Հող է մեր հայրենակից և  
ձեզի դրացի Հայր Պոտտերեանը, իրմէ ուղէ  
իր հօրեղորօրդւոյն Պ. Կարապետի հասցէն և  
հետդ ըեր»:

Յետոյ օրիորդ Զեփիւռ հարցուց.

— Կը ճանչնա՞ք Անայիս Տէրտէրեանը:

— Անայի՛սը, ի՛նչպէս չէ. 1921-ին ինծի աշա-  
կերտած է: Ռոտտոզոցի է, այդ շրջանին զպրոցի  
ամէնէն յառաջաղէմ և կրթեալ աշակերտուհին  
էր:

— Ո՛չ, Հ. Պոտտերեան, ա՛ն Ռոտտոզոցի չէ, իմ  
քոյրն է:

Երբ ես զարմացման կը մտանուիմ՝ Օր,  
Զեփիւռ իր պատմութիւնը կը կրկնէ ինծի: Յե-  
տոյ կ'աւելցնէ.

— Ես երկու տարիէ ի վեր հոս եմ, և մինչև  
անցեալ ամիս շարաթը երկու անգամ զպրոց  
կ'երթայի և գաղտնօրէն կը տեսնուէի քրոջս  
հետ: Երբ այլևս օրոշեցի Բարիդ մեկնիլ՝ օր մը  
Պ. Տէրտէրեանի տունը գացի և ըսի. «Ես նորէն  
եկած եմ իմ քոյրը հետապնդելու. սակայն այլ-  
ևս հարկ չկայ ինձմէ փախչիլ՝ որովհետև Անա-  
յիս ձեր յաւիտենական հոգեղաւակը պիտի մը-  
նայ, դուք ճշմարիտ ծնողի մը պէս կը սիրէք  
զինքը, խնդրեմ մի՛ կասկածիք, ես բնաւ նպա-  
տակ չունիմ զինքը ինծի հետ տանելու, որով-  
հետև ամուսնանալու տարիքին մօտեցած է  
արդէն և պիտի չկարենայ ինձմէ անբաժան  
մնալ»:

— Ուրեմն հիմա Անայիսի հետ ազատօրէն կը  
տեսնուի՞ս, կը հարցնեմ:

— Ի՛նչպէս չէ. քիչ ետք հոս պիտի գայ, դուք  
ալ պիտի տեսնէք զինքը:

— Եթէ այդպէս է, զինքն ալ միասին առ-  
նենք և Պ. Կարապետին տունը երթանք. ո՞ր-  
քան ուրախ պիտի ըլլան հայրենակիցներդ:

Հաղիւ թէ հրամցուած սուրճը խմած էի  
դրան զանգը հնչեց:

— Անայիսն է, ըսաւ և գնաց դուռը բանար

Անայիս խնդումներես ներս մտաւ:

— Ա՛խ ըսի, փոքրիկ աղջկան խարտեաշ մազերը շոյելով, ի՞նչպէս չէի զիտեր որ դուն մեր զբացիին փոքրիկ աղջիկն ես:

— Կը յիշե՞ս հայր սուրբ, ըսաւ Անայիս, խընդրեցի որ ձեր լրագրով քոյրս փնտռէք, ահաւասիկ իմ Զեփիւռ քոյրը:

Քիչ ետք պատրաստուեցանք Պ. Կարապետի տունը մեկնիլ:

Ո՛րքան երջանիկ ժամեր անցուցին ինծի հետ, այս երկու քոյրերը՝ Պարտիզակցի ընտանիքներու յարկին մէջ:

Իեւ մութը չկոխած զիրենք տուն ընկերեցի, տեղեկանալով որ յառաջիկայ հինգշաբթի իրիկուն Զեփիւռ արդէն Բարիզ պիտի մեկնի և Անայիս ալ կայարան պիտի երթայ «երթաս արարօքի»:

Հինգշաբթի երեկոյ ես ալ կայարան դացի ողջերթի, միանգամայն ներկայ ըլլալու համար բաժանումին իմ երկու հայրենակից քոյրերուն, որոնք 1909-ի գարունին վարդեր կը քաղէին իրենց պարտէզին մէջ, և որոնք հիմա օտար աստղերու տակ զիրար գտած՝ զիրար սիրած՝ պիտի բաժնուին իրարմէ:

Շողեկառքը սուլեց: Զեփիւռ հրաժեշտի ամենաջերմ համրոյրը տուաւ Անայիսի, և վերջինս, արցունքը աչքերուն՝ գեղեցիկ ծաղկեփունջ մը տուաւ անոր:

Կարմիր ու ձերմակ հոտաւէտ վարդեր, ձիշղ նմանը անոնց՝ որոնք իրենց պարտէզին մէջ կը բացուէին:

Զեփիւռ, Անայիս և վարդերու փունջը անգամ մըն ալ ողջագուրուեցան:

Ես արցունքներս մութին մէջ սրբեցի: Այդ ըրովէին իմ զբացիին կործանած տունը պատկերացաւ մտքիս, և տեսայ որ այդ բազմամարդ տունին մնացորդները, երկու քոյրեր, անողոք ձակատագրին խաղալիք դարձած՝ իրարմէ կը բաժնուէին . . .

Վերջին անգամ մըն ալ սուլեց շողեկառքը: Զեփիւռ դէպի Բարիզ իսկ Անայիս իր տունը պիտի դառնար. նոր յարկը, ուր թէև կային զինքը սիրող հայրն ու մայրը, բայց կը պակսէին անշուշտ իրենց պարտէզի վարդերը:



Թուրքիոյ շատ մը գաւառներուն մէջ արդէն սկսուած էր տեղահանութիւնը:

Ռոստոսգոյի մէջ նախ քանի մը երեւելիներ քաղաքատուն կանչուած ու քշուած էին անակրնկալօրէն:

Այդ ատենները, շարաթ իրիկուն մը, Ռուրէն աղայի տիկինը կանթեղը վառեց և սովորականէն աւելի վեր հանեց անոր պատրոյզը՝ սենեակը աւելի՛ լուսաւորելու համար: Պատէն կախուած Ս. Աստուածածնայ պատկերին առջև երկու մոմ վառեց և Արշալոյս խնկամօնին բարկ կրակին վրայ քանի մը կտոր խուռնկ դրաւ և Պօղոսիկին ու Էֆթիկին հտեէ, որոնք մէկ մէկ մոմ բռնած էին՝ սենեակէ սենեակ տարաւ ձխացող խուռնկը:

Հայրիկը, Ռուրէն աղա «Եկեացէ»ն կը մըրմընջէր: Սենեակները սրբազործուեցան, պատերը խնկոտեցան, ինչպէս ամէն կիրակամուտքին. Նարեկացիին աղօթքով՝ ապահով դէերը հալածուեցան, խաւարը փշոտեցաւ Արշալոյս, մեծ աղջիկը այնպէ՛ս հաւատաց թէ ոչ ոք պիտի գայ իրենց ընտանեկան խաղաղ կեանքը խան-

դարեւո՞ւ, ինչպէս այդ օրերը շատ մը հայերու տուներուն մէջ:

Սենեակները խնկուելէն հոք Պօղոսիկ հօրը վիզը փաթթուելով հարցուց.

— Հայրի՛կ, քեզ աքսոր պիտի շտանին, այնպէս չէ՞: Մենք ամէն կիրակամուտքի սղօթեցինք Աստուած հայրիկին:

— Չէ զաւակս, դիս չեն աքսորեր, ես ծեր եմ և Աստուած հայրիկը միշտ կը լսէ ձեր աղօթքը:

Այս պատասխանին վրայ Արշալոյս թերահաւատի շեշտով հարցուց.

— Հապա Կարապետ ազան ինչո՞ւ աքսորեցին. ա՛ն ալ քեզի պէս թաղակրան էր. ա՛ն ալ քեզի պէս ամէն կիրակի ժամ կ'երթար ու կ'աղօթէր:

Արշալոյս հազիւ իր խօսքը վերջացուցած էր՝ վարի դրան ախը քանի մը անգամ զարնուեցաւ անտովոր ուժգնութեամբ մը:

Ռուբէն ազայի ղէժքը իրենց սենեկին պատին պէս ձերմկեցաւ. Պօղոսիկ զգաց որ հայրիկը կը զոզողար: Ամէն սրտերք թունդ ելան: Մայրիկը Աստուածածնայ պատկերին դարձած խաչակնքելով աղօթեց. «Չարխափան Ս. Աստուածածին, օչնութեան հասիր»:

Գուռը զարնողները երկու թուրք ոստիկաններ էին, որոնք առանց վեր ելլելու հրամայեցին Ռուբէն ազային՝ որ վար իջնէ:

Գառնուկի պէս համակերպեցաւ Ռուբէն ազա:

Պօղոսիկ՝ Աստուածածնայ պատկերին առջևի մոմը առած՝ հօրը հետ վար իջաւ: մինչդեռ Արշալոյս իր մօրը և Էֆթիկ քրոջը հետ յամրաքայլ վար իջան՝ առանց տեսնուելու այն դահիճներուն՝ որոնք եկած էին իրենց բարի հայրիկը տանելու:

Հրամանը խիստ էր.

-- Հետերնիս ոստիկանատուն կելուր:

Ռուբէն ազա նորէն զօզողաց:

Այդ կիրակամուտքին երկու ոստիկաններ Ռուբէն ազան տարին: Պօղոսիկ ու Էֆթիկ ի զո՛ւր «հայրի՛կ, հայրի՛կ» պտռացին ետէն: Հայրիկը մէկ անգամէն աւելի չկրցաւ իր յուզուած ղէժքը զաւակներուն դարձնել, ժամանակ ալ չտուին որ հայրական համբոյր զրոշմէ իր սիրատուն զաւակներուն երեսին:

Մայրը ուշաթափ եղաւ: Վերը՝ Աստուածածնայ պատկերին առջևի մոմը ինքնիրեն մարած էր. քիչ առաջուան լուսաւորուած սենեակը խաւարի մէջ էր կարծես: Կանթեղը այժմ կը վառէր, բայց այն մեծ կանթեղը, որ տան հայրիկն է՝ մարած էր:

Երկու շարաթ հոք Ռոտոսդոյի հայերն ևս ղէպի Գոնիա աքսորուեցան: Ռուբէն ազան ալ խառնուեցաւ այդ ղէպի մահ գացող կարաւանին: Հոն թողուցին իրենց տունը, ստացուածքը, հողին տակ պահեցին խուռնկն ու խնկամա-

նը: Մայրիկը սակայն իր հագուստներուն մէջ կարեց Աստուածածնայ պատկերը. Չարխափան Տիրամայրը իրմէ անբաժան պէտք է մնար:

Ո՞ր Ռոստոզոցին չէր ճանչնար Ռուբէն ազան: Հարուստներու շարքէն էր ան, բայց աքսորավայրին մէջ հարուստն ու աղքատը զանազանել կարելի չէր: Մեծաքսէ զգեստ հագնողները շուտով մերկացան և մարմիննին խանձեցին կիզիչ արեւին տակ: Աղքատներ՝ աւելի ճարպիկ գտնուելով՝ համեմատաբար աւելի բարեկեցիկ ապրեցան տառապանքի այդ ճամբուն վրայ:

Ռուբէն աղայի ընտանիքը շատ շուտով սպառեց իր ունեցած զբամբը: Անօթութիւնը ստիպեց որ Արշալոյս և Էֆթիկ շատ հեռուները երթան սափորներով ջուր բերեն, ծախեն և չոր հացի մը զբամբը ճարեն:

Այս վաստակներն ալ շուտով ցամքեցաւ. Արշալոյս հիւանդացաւ: Մայրը ճարահատ՝ գլխուն տակ դրաւ Չարխափանին պատկերը, ո՛չ մէկ օգուտ: Հիւանդը գետնէն չելաւ, շարաթ մը ետք հանդարտօրէն աչքերն ալ փակեց յաւիտենապէս:

— Մայրիկ, հապա ինչո՞ւ քոյրիկս մեռաւ, քանի որ մեզի հետ բերինք Աստուածամօր պատկերը, հարցուց Պօղոսիկ: Դուն ըսիր թէ Աստուածամայրը մեզ պիտի պահէ պահպանէ

եթէ ամէն օր անոր առջև ծունկ մը աղօթք ընենք: Մենք առատ-իրիկուն աղօթեցինք այդ պատկերին առջև:

— Խուենկ ու մոմ չունինք, զաւակօ, պատասխանեց մայրը միամիտ հաւատքով:

Այդ հաւատացեալ մայրը առանց մոմի ու խուենկի թաղեց իր սիրասուն զաւակը այդ պիղծ հողին մէջ:

Ասկէ ետք Էֆթիկ իր Պօղոսիկ եղբօրը հետ գնաց ջուր բերելու. Շարաթ մը, երկու շարաթ՝ անոնք ջուր ծախելով չոր հացին զբամբ կը վաստակէին: Անդու թերկինքը սակայն այդ չոր հացին վաստակէն ալ զրկեց զիրենք: Շարաթներով անձրև տեղաց, ընդարձակ դաշտը, սրուն վրայ աքսորեալներու վրանները զարնուած էին՝ լայնածաւալ լիճի մը երեւոյթը առաւ, այդ ջուրին մէջ երեցած անհամար վրանները փոքրիկ կղզիներու կը նմանէին:

Էֆթիկին մայրիկն ալ հիւանդացաւ: Եւ ի՛նչ սարսափելի բան էր այդ ջուրերուն մէջ հիւանդանալը: Ամէն վրան հիւանդանոցի վերածուած էր, առա՛նց բժշկի, առանց դեղի, առանց զբամբի:

Էֆթիկ ա՛լ չըմանալով մօր տառապանքին ի տես՝ ինքն ալ անօթի և ուժասպառ՝ ըսաւ. — Մայրիկ, ըսէ՛, ի՛նչ պիտի բնենք մենք եթէ դուն ալ մեզ հոս ձգես և քոյրիկս երթաս:

Մայրը չպատասխանեց, այլ իր կմախք դարձած բազուկներուն մէջ առաւ երկու զաւակները և լացաւ անոնց վրայ, յետոյ Աստուածածնայ պատկերին դարձած խաչակնքեց:

— Բայց մայրի՛կ, ըսաւ Պօղոսիկ, ինչո՞ւ ազօթք բնենք քանի որ ոչ մոմ ունինք և ոչ խունկ:

Մայրը իր վերջին շապիկը էֆթիկի տուաւ որ քաղաք երթայ վաճառէ զայն ու անոր գնով մոմ ու խունկ բերէ:

Էֆթիկ, թէ և ի՛նքն ալ կ'իսամերկ՝ թռաւ ջուրերուն մէջէն զէսլի մօտակայ Գոնիա քաղաքը:

Սարսափելի եղած է այդ ճամբորդութիւնը: Ան տեսած է որ բոլոր վրաններէն մեռելները դուրս կը հանեն: Տեսած է դիակներ ջուրերուն վրայ նետուած: տեսած է նոյնիսկ իրեն պէս փոքրիկ աղջիկներ, որոնք իրենց հիւսնղները և մեռելները վրաններուն մէջ թողած դուրս ելած էին, բուռնցքնին վէր, երկնքի Աստուծոյն բարձրացուցած կը սպառնային որ այսչափ կը տանջէ զիրենք:

Եւ ինքը էֆթիկ, փոխանակ զեղի և հացի՝ խունկ ու մոմ գնելու կ'երթար, վառելու համար գունաւոր լաթի մը առջև՝ զոր մայրը Չարխափան Ս. Աստուածածին կը կոչէր:

Այս ճամբուն վրայ միայն կասկածեցաւ փոքրիկ աղջիկը՝ գոյութեանը բարի և արդար Աստուծոյն:

\*\*\*

Ռոտոսզոցի աղաները շատ բան քաշեցին: Ի՞նչ հարկ պատմել այն զարհուրելի չարչարանքները, որոնք հին դարերու նահատակներուն վրայ կ'իրագործուէին:

Թուրք սատիկանները կարծէք կարգադամ ըլլային մեր վարք Սրբոցները, սորվելու համար տեսակները այն խոշտանգումներուն՝ որոնց ենթարկուեցան մեր պաշտելի մարտիրոսները:

Բանտէ բանտ, տանջանքէ տանջանք, անօթութենէ անօթութիւն: Ռուբէն աղայի կուրծքին վրայ քանի մը ամսուայ մէջ փառահեղ ճերմակ մօրուք մը փռուեցաւ: Բանտի տաժանելի կեանքը ո՞րքան վատուեցուցած էր զինք:

Ռուբէն աղա վերջապէս գիշեր մը երկու ընկերներով բանտէն փախաւ, գաւազան մը յենարան ընելով եօթանասնամեայ ծերունիի մը կերպարանքը առած՝ խանութէ խանութ գնաց չոր հացի մը դրամը խնդրելու:

Էֆթիկ իր մօրը շապիկը ծախելէ ետք խանութ մը մտած, խունկն ու մոմը գնելով դուրս

կ'ելլէր՝ երբ իր ղիմաց կու գար Ռուբէն աղա, որ յուզումէն գաւաղանը գետին ձգեց, բազուկներուն մէջ առաւ Էֆթիկը՝ որ սարսափէն կը դողդղար:

Ռուբէն աղա համբոյրներ դրոշմեց զինքը չճանչող աղջնակին ու կրկնեց.

— Հայրիկդ եմ Էֆթիկս, հայրիկդ եմ. ո՛ւր են մերինները:

Էֆթիկ քանի մը բողբոջ անզգայ՝ ապուշի պէս այդ մօրուսաւոր անծանօթին նայեցաւ առանց բերնէն բառ մը հանելու: Շուտով ինքն իրեն եկաւ: Այո՛, իր հայրն էր, անոր տաք համբոյրներն էին իր այտերուն դրոշմուած:

— Հայրի՛կ, այո՛. դուն ես: Ա՛խ հայրիկ . . . մենք ժամ մը հեռու, ջուրերու մէջ ենք: Մենք կ'ապրինք, Չարխափան Աստուածամայրը մեզ կը պահպանէ. ա՛խ եթէ քոյրիկս ալ հաւատար . . .

— Ի՛նչ . . .

— Քոյրիկս . . . քոյրիկս . . . մեռա՛ւ:

Խանութին առջև սնտուկի մը վրայ նըստած ալեւոր ձերունին, գիրկը կմախսացած կիսամերկ աղջիկը, լացին երկա՛ր ուշաթափ եղած:

Հօր ու գաւկիսն զգայուն սրտերը այս կենդանի պատկերը գծեցին Գոնխալի մէջ, խանութի մը առջև. բայց ոչ ոք հետաքրքրուեցաւ անոնցմով: Այսպիսի պատկերներ շա՛տ սովորական դարձած էին:

Էֆթիկն եղաւ լուռ թիւնը խոզով:

— Հայրի՛կ, մայրիկս ալ հիւանդ է. իր վերջին շապիկը ծախեցի, խուռնկ ու մոմ կը տանիմ Աստուածամօր պատկերին:

Հայր ու աղջիկ ճամբայ երան դէպի իրենց վրանը:

Ջուրերու մէջէ հասան վերջապէս փոքրիկ վրանի մը առջև. Էֆթիկ աղաչական շեշտով ըսաւ.

— Հայրի՛կ, նախ ես ներս երթամ, պատրաստեմ մայրիկը որ չյուզուի:

Այդպէս ալ ըրաւ:

— Մայրիկ, անա խուռնկ ու մոմ. ես կը հաւատամ որ Աստուածամայրը մեզ պիտի պահպանէ: Ինձի ըսին թէ հայրիկը Գոնխա կը զբտն ու

Մայրը գոհունակ դէմքով մտիկ ըրաւ իր դարձի եկող աղջկան այս խօսքերը:

Մոմերը վառեցան, խուռնկի ոլորումները վրանին մէջ կսխուռս Աստուածամօր պատկերին քով բարձրացան:

— Մայրիկ, շարունակեց Էֆթիկ, մեր ղրացի հայրենակիցները ինձի ըսին թէ հայրիկը քիչ առնէն մեզի պիտի զայ. մեծ, ւսկաակ մօրուք մը ունի եղբր:

Դեռ արեւը մարը չէր մտած, բայց ամպամած երկինքը փութացուցած էր մութը այս փոքրիկ վրանին մէջ:

Խուռնկին ըստու՞մը և երկու վառուած մոմերը մոռցնել տուին այս որբացած ընտանիքին իրենց քաշած բոլոր տառապանքները: Կարծեցին պահ մը թէ իրենց նախկին ընտանեկան յարկին մէջ են. հո՛ն ալ կար այս Չարխափան Աստուածածինը, որուն առջև ամէն կիրակամուտքի երկու մոմ կը վառէին և խուռնկ կը ծխէին: Հո՛ս ալ այդ միեւնոյն Աստուածամայրը իր մայրական սիրտը բաց՝ իրենց կը նայէր ա՛յն միեւնոյն անոյշ նայուածքով՝ ինչպէս իրենց տանը պատին վրայէն:

Յանկարծ էֆթիկ գլուխը վրանէն դուրս հանեց ու ըսաւ.

— Մայրի՛կ, ոտքի մը ձայն կ'առնեմ, կարծեմ . . . հայրիկն է . . . այո՛ հայրիկն է որ կու գայ. իրա՛ւ, ձերմակ մօրուք մը ունի:

Այդ վայրկեանին ներս մտաւ Ռուբէն աղա երբեմնի իր մեծ հաւատքով՝ «Նկեողէ ի վերայ իմ ողորմութիւն քո տէր» մրմնջելով:

— Ես չըսի՞ աղջիկս որ խուռնկ ու մոմ բերես Չարխափան Տիրամօր, ըսաւ մայրը դեռ չողջագուրուած իր այևոր ամուսնոյն հետ:

Հաւատացին թէ Տիրամայրը հրաշք մը գործեց:

\* \* \*

Էֆթիկենց զրացի վրանի մը մէջ Երզնկա-

ցի մայր մը մնացած էր իր Մաննիկ աղջկադ հետ: Այդ թշուառ կինը հայրենիքէն եկած էր շատ մը զաւակներով, զորս մէկիկ մէկիկ թաղած էր ճամբան: Հատ մըն ալ այս վրանէն դուրս հանեց մեռած:

Էֆթիկ ու Մաննիկ երկու քոյրերու պէս կը սիրէին գիրար:

Մաննիկ անշուշտ որ էֆթիկի պէս հարուստ ընտանիքի մը զաւակը չէր եղած. իր հայրը պատերազմէն առաջ Պուքրէշ գացած էր աշխատելու, ուսկից խնայուած դրամները տուներ կը գրկէր:

Մաննիկին մայրն ալ հիւանդացաւ, բայց ան չերաւ անկողնէն — Աստուածամօր պատկերը չունէին անոնք — ու քանի մը օր ետք ա՛ն ալ փակեց աչքերը իր մէկ հատիկ զաւակը քաղաքացի դրացիներուն յանձնելով:

Երբ հիւանդանալու կարգը Ռուբէն աղայի եկաւ՝ Մաննիկ էֆթիկի հետ գնաց ջուր բերելու: Ա՛յնքան մեծհոգի էր Մաննիկ որ երբեք չահարածին չընդունեց իրենց վաճառած ջուրի դրամէն, գոհ կ'ըլլար եթէ էֆթիկին մօրմէն պատառ մը չոր հաց ընդունէր: Ռուբէն աղան ու կինն ալ շա՛տ սիրեցին Մաննիկը, կարծես իրենց Արշալոյսն էր յարութիւն առած: Մաննիկ ու էֆթիկ առտու իրիկուն միասին էին, գիշերն ալ գիրար գրկած կը պառկէին:

Ի՞նչ դժբախտութիւն սակայն. ի՛նչպէս եղաւ՝ Երզնկացի քանի մը ընտանիքներ, որոնց մէջ էին Մաննիկի խնամակալ ազգականները, երբ Գոնիայէն Սուրիա քաղաքացան՝ այդ որբացած աղջնակն ալ միասին տարին: Շատ լացին երկու այդ աղջիկները, որոնք տառապանքի ճամբուն վրայ հարազատ քոյրեր եղած էին:

Ինչո՞ւ այլևս կրկնեմ այն պատմութիւնը՝ որ սովորական դառնութիւններով իր շրջանն ըրաւ Մաննիկի Գողգոթայի ճամբուն վրայ:

Սաչափ միայն պէտք է ըսեմ որ Մաննիկ, զինազաղարէն ետք 1910-ին բախտը ունեցաւ Պուքրէշ հասնելու և իր հօրը բազուկներուն մէջ իյնալու:

\*

1920-ին՝ Պուքրէշի Ազգային վարժարանը երբ վերաբացուեցաւ՝ քաղաքին զանազան թաղերէն մէկ-մէկ աշակերտներ եկան խմբուելու այդ կրթական հաստատութեան մէջ:

Մաննիկ անունով 14 տարեկան աղջիկ մըն ալ արձանագրեցի երրորդ դասարանի աշակերտներուն մէջ:

Ուշիմ աղջիկ մըն էր Մաննիկ. ամէնէն յառաջագէմը իր դասարանին մէջ: Ստէպ կը յիշէր իր աքսորային կեանքը, քաշած տառա-

պանքները, արար լաճերէն կերած ծեծերը, բայց երբեք չմատնեց իր ցաւը որ ունեցած էր, իր այդ տխուր ճամբուն վրայ գտած ընկերուհիէն բաժնուելուն առթիւ:

1921-ի սկիզբը նորանոր հայ ընտանիքներ եկան Պուքրէշի հայութեան թիւը ստուարացնելու:

Կիրակի օր մը, Ռոտոսդոյի Պ. Ռուբէն հոգարարձութեան ներկայացաւ իր զաւակները վարժարանին աշակերտ արձանագրելու համար: Իր հայրենակիցները «Ռուբէն ազա» կոչեցին զինքը ու ականջիս փափսացին «Ռոտոսդոյի թաղականներէն է»:

Ռուբէն ազա իր երկու զաւակներուն անունները տուաւ. — Էֆթիկ և Պողոսիկ և երեք ամսական թոշակները կանխիկ վճարեց:

Յաջորդ օրը շատ կանուխ եկած էին Ռուբէն ազայի զաւակները:

Համառօտ քննութենէ մը ետք Պողոսիկը երկրորդ, իսկ Էֆթիկը երրորդ դասարանը զրի:

Մաննիկ չարաթէ մը ի վեր կը բացակայէր, որովհետեւ հայրը ծանր հիւանդ էր, որը արդէն աչքերը յաւիտենապէս փակած և ուրբաթ օր ալ թաղած էին:

Երկուշարթի առտու Էֆթիկ ա՛յնքան խորասուզուած էր իր դասերուն մէջ, որ աչքերը և ոչ իսկ բացուող դրան կ'ուզէր տեսնելու ներս մտնող իր ընկերները:

Այդ առտու, քիչ մը ուշ դասարան մտաւ Մաննիկ, վերէն վար սե հագուեա՛ծ: Ընկերները կարեկցական նայուեա՛ք մը տուի՛ն անոր մաղձոտ ու տխուր դէմքին, ամէնքը ցաւ մը զգացին որ այդ ուշիմ ու բարի աղջնակը աքսորին մէջ կորսնցնելէ ետք իր եղբայրներն ու քոյրերը, յետոյ մայրը, հազիւ իր հայրիկին անուշութիւնը վայելած՝ զա՛յն ալ թաղած էր Պուքրէշի Հայոց գերեզմանատան մէջ:

Մաննիկի աչքերը լեցուեցան երբ նկատեց իր ընկերներուն ցաւակցական արտայայտութիւնը: Արցունքներէն անդին, մշուշի մէջ տեսաւ նոր ընկերուհի մը, գլուխը կախ գրքին վրայ, Էֆթիկն էր այդ նոր ընկերուհին, որ եթէ նոյնիսկ Մաննիկին ուղղէր իր դէմքը ամբողջապէս՝ վերջինս նորէն զայն պիտի չկարենար ճանչնալ, որովհետեւ Գոնիայի վրանին մէջ կիսամերկ թողած էր, կաշի-ոսկր դարձած:

Դէմ առ դէմ նստած էին Մաննիկ և Էֆթիկ:

Այդ ժամուն և՛ս էի այս դասարանին հայերէնի ուսուցիչը:

Իր կարգին՝

— Էֆթիկ, ընթերցումը դո՛ւն շարունակէ, հրամայեցի:

Էֆթիկ սկսաւ կարդալ ըսոյց նկատեցի որ Մաննիկ աչքերը սրբեց, զանոնք մեծ մը բա-

ցաւ. և յուզուեա՛ծ՝ անհամբեր կը սպասէր որ Էֆթիկ պարբերութիւնը վերջացնէ:

Ես, Մաննիկին այս հետաքրքրութիւնը այսպանելու համար՝ հրամայեցի.

— Մաննիկ, դո՛ւն առաջ տար ընթերցումը: Մաննիկ, անորոշութեան մէջ տանջուողի պէս՝ նայուեա՛ք ինձի դարձուց:

Այդ բոպէին Էֆթիկ, թռած տեղէն՝ բազուկները բացած՝ եկած, հասած էր իր աքսորի քրոջ մօտ: Այո՛, Մաննիկն էր, կյոր դէմքով Մաննիկը:

Երկու քոյրեր լեցուն աչքերով իրարու փաթթուեցան, առա՛նց իօսքի, կարծես չո՛ւնչ ալ չէին առներ: Անձայն իրարո՛ւ պլլուեցան աքսորի երկու քոյրերը, ձերմակ ու սե հագուստներով երկու աղջիկները:

Այդ ժամուն չկրցայ շարունակել դասաւանդութիւնը:

Երկու անբաժան սրտերը, Մաննիկն ու Էֆթիկ կրկնեցին մեզի իրենց պատմութիւնը ու մենք ամէնքս քարացած մտիկ ըրինք զիրենք, արցունքները մեր աչքերուն:

Այդ օրն իսկ Էֆթիկ Մաննիկը իրենց տունը տարած էր: Ազգականները ի զուր արդիւյ՛ած էին զինք որ օտար յարկի տակ չփորձէ փնտռել իրեն ասպատանարան:

Շարաթ երեկոյ Ռուբէն աղայի տունը այցելեցի: Սուենի հօտը մինչև բակը իջած էր, սենեկին պատին վրայ կախուած կար ճմրթըրկուած Աստուածածնայ պատկեր մը, բարի մօր մը նայուածքը վերէն վա՛ր կը նայէր, դէմքին վրայ երկու կաթիլ արցունք՝ որո՛նք վար չէին իյնար:

Այս պատկերին առջև երկու մօմեր կը վառէին և տիկինն ու զաւակները մօտիկ կ'ընէին Շնորհալիի «Հաւատով խոստովանի՛՞՞ք հայրիկին՝ բերնէն»:

Հօ՛ն, Ռուբէն աղայի զաւակներուն հետ էր Մաննիկ, սևեր հագած:

Աղօթքը վերջ գտնելէ ետք, Մաննիկ ու էֆթիկ մէկ մէկ մոմ ձեռքերնին, Պօղոսիկ խնկամանը ձեռքը, սենեկէ սենեակ գացին ամբողջ տունը խնկելու, ճիշտ այնպէս ինչպէս վեց տարի առաջ Ռոտոսդոյի իրենց տունը խնկեցին: Այդ վայրկենին մոռցած էին թէ Պուքրէշ կը գտնուէին:

Իրենց տանը պաշտպան Չարխափան Աստուածամայրը, որ հետերնին աքսորները գնաց, տեսաւ իր մշտաբաց աչքերով այն ճամբան որ ճիշտ Գողգոթայի ճամբուն կը նմանէր, ուրկէ իր անմեղ որդին տարին խաչը ուսը տուած,

խարազանելով: Այդ բարի Աստուածամայրը հիմա նորէն հոս Պուքրէշի իրենց տանը պատէն կախուած, մոռցնել տուած է չորս-հինգ տարիներու անյուր տառապանքը, անցեալի սևութիւնը:

1915-ին, այն վերջին կիրամուտքին երբ Ռոտոսդոյի իրենց տանը մէջ, այս միևնոյն Չարխափան Աստուածածնայ պատկերին առջև մօմեր վառեցին, խուսկ ծխեցին, այդ իրիկունը երբ ոստիկանները Ռուբէն աղան տարին ու աքսորի ճամբուն վրայ նետեցին, այս միևնոյն ընտանիքը իր հինգ անդամներով ծնրադրած էր Տիրամօր առջև և աղօթած էր որ զիրենք պահպանէ չարէն:

Հիմակ այ, երբ միլիոնէ մը աւելի հայ կեանքեր փճացան աքսորի ճամբուն վրայ՝ ճիշտ հինգ է այս բարեպաշտ ընտանիքին անդամներուն թիւը:

Գոնիայի մէջ մեռած Արշալոյսը՝ Մաննիկ եղած հտ դարձած է զերեզմանէն:

Անրաժան սրտերը գտա՛՛ծ էին զիրար:



Լևոն, պղտիկուց, Պարտիզակի Ս. Յակոբ  
եկեղեցիին երգիչն էր և իր հրաշալի ձայնով  
հաւատացեալները իր վրայ կը հիացնէր:

Եկեղեցասէր պառօււնները «Ս. Յակոբի սո-  
խակը» կը կոչէին այդ բոկոտն պատանին:

Բոլոր գիւղացիները, նոյնիսկ անոնք ու-  
րոնք եկեղեցիին ճամբան շատոնց մոռցած էին՝  
փողոցին մէջ իրարու մատով կը ցուցնէին այդ  
գեղեցիկ ձայնով Լևոնը, որ ամէն կիրակի և  
տօն օր անպակաս կ'ըլլար եկեղեցիէն, որուն  
ներկայութիւնը դասին մէջ կամ խորանին վրայ  
օրուան վեհութիւն մը կու տար, ճիշտ ա՛յնպէս  
ինչպէս երբ վեղարաւոր վարդապետ մը կամ  
թեմական առաջնորդը ներկայ կ'ըլլային:

Երբ ժողովուրդը Լևոնի բերնէն «Ովսան-  
նա ի բարձունս»ը լսէր՝ գետնի քարայտակը  
կարծես կը բաժնուէր հաւատացեալներու ոտ-  
քերէն, ամէնքը թևեր կ'առնէին սլանալու վեր,  
մինչև հոն՝ ուր Հօր Աստուծոյ գահն է դրուած:

Լևոն ձայնէն զատ ո՛չ մէկ համակրելի  
բան ունէր իր ղէմքին ու մարմնին վրայ. սա-  
կայն իր երգը լսողները, ակամայ ոտքերնուն

մատին վրայ բարձրանալով կը փափազէին տեսնել այն ոսկերերանը՝ ուսկից այդ գրաւիչ և յուզիչ ձայնը զուրս կը թրթռար:

Կոմիտաս վարդապետի աշակերտները Պարտիզակ ևս եկան և վարժարանի աշակերտներուն սորվեցուցին մեծ վարպետին նշանաւոր դարձած երգերը:

Երբ Լեոն լսեց այդ՝ իր համետագործ վարպետէն հրաման խնդրեց որ զպրօցականներու քառաձայն խումբին մէջ մտնէ: Կոմիտասի աշակերտը հիացաւ Լեոնի ձայնին վրայ և մեծ վարպետին «Տէր ողորմեա՛»ն առանձին սորվեցուց անոր:

Աստուածածնայ Վերափոխման օտոնին յաջորդ օրը, մեռելոցին, Լեոն առաջին անգամ Ս. Յակոբայ եկեղեցւոյն մէջ պիտի երգէր Կոմիտասի «Տէր ողորմեա՛»ն, բոլոր զիւղացիք զիտէին այդ:

Թաղականութեան ատենապետ Յովհաննէս աղային կինը ծանր հիւանդ է. բժիշկները յոյսերնին կտրած են և մէկ հատիկ դստեր Նուարդին սև զգեստները արդէն պատրաստուած էին:

— Յոյս չկայ ապրելու, ըսած էին բժիշկները Վերափոխման կիրակին, և տաներէցը արդէն այդ իրիկուն եկած ու վերջին թոշակը տուած էր մահամերձին:

Հագիւ Ս. Հաղորդութիւնը ճաշակեց հիւանդը՝ աչքերը բացաւ, քահանային ուղղեց նայուածքը, անգամ մըն ալ աղջկան, ու խնդրեց.

— Տէր-հայր, «Տէր ողորմեա՛» մը թող երգեն որ Աստուածամայրը առողջութիւն տայ ինծի:

— Մեծ է Աստուծոյ և Աստուածամօր ողորմութիւնը, զաւակս, վաղը ամէնքս պիտի աղօթենք քեզի համար և պիտի տեսնես որ հաւատքդ պիտի ապրեցնէ քեզ:

Յետոյ քահանան թաշկինակը աչքերուն արտասուող Նուարդին դառնալով բռաւ.

— Աղջիկս, վաղը դուն ալ ժամ եկուր և մեզի հետ աղօթէ մօրդ առողջութեան համար:

Նուարդ, որ այդ տարին շրջանաւարտ եղած էր Ազգային վարժարանէն, գեղին ամէնէն գեղեցիկ աղջիկն էր: Պարտիզակի բոլոր երիտասարդները դադտնօրէն կը մրցէին իրարու հետ ալդ աղջկան սիրտը գրաւելու և Յովհաննէս աղայի փեսան ըլլալու համար, բայց մինչև այդ ատեն ոչ ոք համարձակած էր Նուարդին մօտենալու, անոր հետ սիրարանելու:

Մեռելոցի օրը եկեղեցին ասեղ ձգելու տեսչկար: Ծեր ու պառաւ, երիտասարդ և օրիորդ եկած էին Լեոնի նոր «Տէր ողորմեա՛»ն լսելու:

Պատարագը արդէն սկսուած էր, աւագ խորանը հարիւրաւոր մօմի լոյսերով կը պսպարէ: Վայրագոյրը ծածկեց լուսազարդ խորանը, ծուն-

կի եկան դպիրները վա՛րը դասին մէջտեղ, իսկ սարկաւագները վերը վարագոյրին առջև:

Դպրաց դասը երբ «Տէր ողորմեա՛նները երգեց՝ ըստ հաւատացեալները իրենց մտքով ու հոգիով ինքզինքնին Յովհաննէս աղայի մահամերձ կնոջ անկողնոյ մօտ կ'երեւակայէին:

Լևոն երբ իր կարգին «Տէր ողորմեա՛ն թնդացուց Ամենասուրբ Երրորդութեան՝ աւելի՛ գեղեցիկ և աւելի՛ զգայուն ձայնով, այդ ըստ հաւատացեալ հոգիները իր ձայնին հետ չվե՛ր տարաւ, եկեղեցիին ձեղունէն վեր, ամպերէն վեր, երկնքի կապոյտէ՛ն ալ վե՛ր, Տիեզերքի արարչին մօտ, առողջութիւնը խնդրելու ծանր հիւանդ մօր մը համար:

Եւ երբ կարգն եկաւ Լևոնին երգելու

«Տէր ողորմեա՛, Տէր ողորմեա՛,

Տո՛ւր հիւանդիս առողջութիւն»,

Նուարդ, որ վերնատունը անկիւն մը քաշուած կ'աղօթէր լուռ՝ յանկարծ փղձկեցաւ և դառնօրէն սկսաւ արտասուել, յետոյ հետաքրքրուեցաւ նայուածքով զա՛յն փնտուել խորանին թերատուերին մէջ՝ որ ա՛յդքան մեծ հաւատքով Մեծ Բժշկէն առողջութիւն կը հայցէր իր սիրելի մօրը համար:

Կարելի րան չէ որ Աստուած այս գեղեցիկ ձայնը լսել չուզէ:

Պատարագը վերջացած, հազիւ ժողովուրդը

թախիծը դէմքին՝ տուն կը դառնար՝ լուրը տարածուեցաւ, թէ մահամերձ հիւանդը գէպի լաւը դարձած էր:

Բժիշկները, ընդհանրապէս անհաւատներ, շուարեցան այս անակրեկալ հրաշքին առջև: Հոս գիտութիւնը լռեց:

Այդ օրը, Յովհաննէս աղա՛ Լևոնը իր տունը ձաշի տարաւ:

Հիմա ո՛րքան ուրախ և երջանիկ է Նուարդ, տեսնելով որ մօրը աչքերը անուշ ժպտով մը իրեն աչքերուն հանդիպեցան: Մայրիկը ետ դարձած էր գերեզմանի ճամբէն:

Նուարդին համար ո՛րքան գեղեցիկ երիտասարդ մը դարձած էր Լևոն, ամբողջ ձաշի պահուն չէր կշտանար հոգեկան աչքերով դիտելէ այց դասիչ ձայնով հրաշագործ երգիչը:

Ասկէ ետք ամէն կիրակի Լևոն կոմիտաս վարդապետի «Տէր ողորմեա՛ն կ'երգէր, և ամէն կիրակի ալ Նուարդ վերնատունէն մտիկ կ'ընէր.

Նուարդի հարուստ և գեղեցիկ երիտասարդ թեկնածուները մէկիկ մէկիկ ետ քաշուեցան, վստահ էին թէ գեղին ամէնէն սիրուն և կրթեալ աղջիկը միայն համետագործ Լևոնին կ'ինք պիտի ուզէ ըլլալ:

Քանի մը շարաթ ետք, երբ Նուարդ ու Լևոն նշանուեցան՝ ո՛չ ոք մատ խաճաւ:

Չայնը այս հրաշքն ալ գործեց:

Սուգի մէջ էր աշխարհի մէկ խոշոր մասը  
Համաշխարհային պատերազմը ծայր տուած էր  
Ներսիսյանի մէջ, ուր հազարաւոր մայրեր իրենց  
սիրասուն զաւակներուն մահերը կ'ողորմին:

Ազգեր, մեծ ու փոքր, յաղթանակի դափ-  
նին խելու համար չէին խնայեր ո՛չ իրենցնե-  
րուն և ոչ թշնամիին կեանքերուն:

Տաճկաստանն ալ Գերմանիոյ կողքին ան-  
ցած՝ պատերազմ յայտարարած էր: Տաճկահայե-  
րը, ինչպէս և Պարտիզակցիք արցունքով զին-  
ուոր տուին իրենց մատղաշ կտրիճները:

Պարտիզակէն՝ նախ երիտասարդներ, ան-  
խտիր՝ ամուրիներ և ամուսնացածներ՝ իրենց  
սիրելի ծնողները և ղեռատի կիները թողուցին  
սուգի և արցունքի մէջ ու Գարամուսալ կամ  
Իզնիմիտ անցան: Քանի մը ամիս ետք տարի-  
քոտ հայրերը տարուեցան: Էնվէր զօրք կը պա-  
հանջէր հայերէն, կամ աւելի ճիշտ գիւղերը ա-  
ռանց հայու կ'ուզէր թողուր:

\*\*

Կառավարական շրջանակները կը զանգա-  
տէին թէ Պարտիզակցիք իրենց զաւակները կը  
պահեն և պետութեան ո՛չ պէտէլ և ո՛չ զօրք

կ'ուզեն տալ: Իզմիտի միւթէսարիֆը հազորդած  
էր ձերուռնի Ստեփանոս Արքեպիսկոպոսին՝ պա-  
տերազմական նախարարին այս զանգատը:

Առաջնորդը անձամբ Պարտիզակ անցած  
էր յորդորելու ժողովուրդը որ «կայսերը կայսեր,  
Աստուծոյն Աստուծոյ» տայ: «Կառավարութիւնը,  
ըսաւ, զօրք կ'ուզէ, Պարտիզակցիին մեծցուցած  
կտրիճները կառավարութեանն են, պէտք է  
մէջտեղ ելլեն բոլոր պահոււրտածները, Նասախին  
կամ Սոխմիարի լեռները ելած քաջերը, պէտք է  
հայրենիքը թշնամիէն պաշտպանելու համար  
կռուի երթան»:

Պատերազմի առաջին տարին էր: Առաջ-  
նորդին այդ քարոզը մեծ ազդեցութիւն ըրաւ:  
Ծնողները որոնք իրենց զաւակները մութ սեն-  
եակներու, առաստաղներու մէջ պահած էին՝  
ակամայ զոգզացին: Ամէնուն մտքին մէջ ղեռ  
թարմ էր քանի մը օր առաջ տեղի ունեցած  
տխուր պատկերը:

Բեռ մը «չպուխ» տարուած էր Ազգային  
վարժարանը, և միւտրիին ու զապիթներուն  
ներկայութեան, հո՛ն դպրոց տարուած էին գե-  
ղին գրեթէ բոլոր մտաւորականները, ուսուցիչ-  
ները, երիտասարդ քահանաները, և այդ բեռ մը  
չպուխը կտորուած էր այդ անմեղներու թիկուն-  
քին, բազուկներուն, գլուխնուն և սրունքնե-  
րուն վրայ:

Զօրք ու զէնք պահանջած էին «Քիւչիւք  
Հայաստան»էն:

Բոլոր ժողովուրդը, կին ու աղջիկ դպրոցին  
երկու բակերը խռնուած՝ աղի արցունքով լա-  
ցած էին ներսի աղիողորմ վայնասուեներուն ի  
լուր:

Այս տխուր պատկերը վերստին նկարուե-  
ցաւ Ս. Յակոբի եկեղեցիին մէջ խռնուած հայ  
հաւատացեալներու մտքին ու սրտին մէջ, երբ  
Առաջնորդը կը յորդորէր — ականայ անշուշտ —  
զօրք և զէնք յանձնել կառավարութեան:

\* \* \*

Ատենէ մը ի վեր արդէն չէր լսուած Լեոնի  
ձայնը Ս. Յակոբի խորանին վրայ, ո՛չ ոք հա-  
մարձակած էր փնտաել զինքը գիտէին անշուշտ  
թէ ա՛ն ալ լեռը ելած է: Բայց այն կիրակին  
երբ Առաջնորդը պիտի պատարագէր և վերևի  
յորդորական քարոզը պիտի տար՝ Լեոնն ալ վար  
իջաւ լեռնէն: Այլևս յոգնած էր այդ թափառ-  
կոտ և անորոջ կեանքը ապրելէ: Իր նշանածին  
և Յովհաննէս աղայի խորհուրդներուն մտիկը-  
նելով՝ ուզեց «կայսերը կայսեր տալ», որոշում  
տուլաւ զինուորը ըլլար:

Այն կիրակին, երբ ձերուհնազարդ Ստեփան-  
նոս Յովակիմեան Արքեպիսկոպոսը պատարագեց

Պարտիզակի Ս. Յակոբ եկեղեցիին մէջ, չեմ գի-  
տեր թէ իմ ծննդավայրը իր երկու հարիւր տար-  
ւայ պատմութեան մէջ այդպիսի տխուր օր մը  
ուենեցե՞ր էր, արցունքո՞տ, Աւագ Ուրբաթի լացի  
գիշերէն աւելի:

Այդ օրը եկեղեցիին մէջ աչքի չէր զարներ  
Աւագ Ուրբաթ օր խաչուող Յիսուս Նազովրեցիի  
պատկերը, ռայց այդ պատկերին տեղ իրրև կեն-  
դանի խաչուածներ, շատե՛ր շարուած էին Դա-  
սին մէջ: Մուխթարներ, Մտաւորականներ, Քա-  
հանաններ, Ուսուցիչներ, ոմանք գլուխնին, ու-  
րիշներ ձեռքերնին կապած: — Առջի օրուայ գա-  
նակոծուողները:

Սրբազանը՝ ծովածաւայ թաղմութեան ներ-  
կայացուց զանակոծուող երեւիյիները, որոնք կը  
հեկեկային տակաւին, պաղատեց որ ամէնքը ի-  
րենց զաւակնին զինուոր զրկեն, զէնքերնին,  
նոյնիսկ քիչ մը մեծ զանակնին ժամուն սեն-  
եակը յանձնեն:

Շատեր մտադրեցին անսայ Սրբազանին և  
Լեոն ալ որոչեց իր վերջին «Տէր ողորմեա՛ն»  
երգել և զօրք երթար:

Երկու ամիս է որ Ս. Յակոբի սոխակը այս  
տխուր կամարներուն տակ չ'ը երգած ու չէր  
ալ գիտեր թէ թաղականութիւնը արգիլած էր  
այս անսովոր օրերուն Աստուծո՛ւմէ «Ազգին Հա-  
յոց ազատութիւն» խնդրել:

Երբ Լեոն կոմիտաս վարդապետի «Տէր ոգորմեա՛ն»-ն երգեց՝ խո՛ր, մեռելային լուսթիւնը խորանէն մինչև ժամուն դուռը փռուեցաւ:

Դասէն՝ դպիրները, ամբողջ ժողովուրդը՝ ձերերը և տղաքները արձագանդեցին:

«Տէր ոգորմեա՛, Տէր ոգորմեա՛»:

Լեոն յուզումնալից թրթռումով մը, որ գնաց ունկնդիրներու մօտն ասեղ խոթելու սկսաւ.

Ամենասուրբ Երրորդութիւն,

Տուր աշխարհիս խաղաղութիւն:

Դպիրները՝

Եկեղեցւոյ պայծառութիւն,

Ննջեցելոց արքայութիւն:

Լեոն՝ դե՛ռ աւելի ուժգնօրէն:

Եւ հիւանդաց առողջութիւն,

Ազգիս Հայոց ազատութիւն:

Ամէնուն սրտէն սարսուռ մը քայլեց: Դասին մէջ շարուած դանակոծեալ երեւելիները փորձեցին խեղդել, անյսելի՛ ընել Լեոնի վերջին պաղատանքը, Ազատութիւնը Հայ ազգին և մեծ ճիգով երգեցին «Ազգին մերոյ սէր, միութիւն»:

Բայց անոնք ամէնքը առջի օրուայ ձեռին տակ տկարացածներ էին, անոնց ձայնը չկրցաւ ժամուն պատուհանէն դուրս ելլել, մինչդեռ Լեոնի զիլ և ուժեղ ձայնը թափանցեց եկեղեցւոյ զբմբեթը, երկնքի կապոյտը ու հասաւ անշուշտ վե՛ր, վե՛ր, ուր որ պէտք էր . . .

Եւ այդ ատեն շատ մը դէմքեր՝ Յովհաննէս աղային դարձան, թաղականութեան ատենապետին: Այդ նայուածքները բռել կ'ուզէին «փեսայիդ պատասխանատուն ես»:

Նուարդ նորէն փղձկեցաւ:

Պատարագէն ետք, թաղականները Լեոնը Առաջնորդին բերին ու ըսին.

— Դարման մը Սրբազան, ի՛նչ պիտի պատասխանենք:

Ի՞նչ պիտի ըսէր Առաջնորդը. «խաչեցէ՞ք» պիտի ըսէր:

— Տղա՛ս, բաւ դառնայով Լեոնին մենք ատենէ մը ի վեր Աստուծմէ մեր մտքովը կ'ուզենք Հայ ազգին ազատութիւնը, դուն աս նեղ օրերուն՝ երգելով ուղեցիր, Աստուած ձայնդ քեզի հետ պահէ տղաս, շատ ալ անուշ և բարձր երգեցիր, վախեմ՝ այսօրուայ քու աղօթքդ մինչև Ստամպոլ հասաւ:

— Սրբազան, այսպէ՛ս կ'երգէ կոմիտաս վարդապետ:

— Այո՛, մեր սիրելի վարդապետն է, գրարեան վարդապետ, այսպէս անուշ և բարձր կ'երգէ, Պօլիս ալ այսպէս երգած է, բայց կ'ըսեն թէ զինքն ալ արստրած են:

Լեոն խորխտարար պատասխանեց.

— Սրբազան հայր, ես այսօրուրէն զինուոր եմ:

Բոլոր թաղականներուն դէմքին վրայ խոշոր ժպիտ մը խաղաց:

Սրբազանը ևս զոհ՝ ձեռքը Լեոնի գլխուն վրայ դրաւ և օրհնեց:

Պոլսոյ թերթերը կը դրեն թէ պատերազմը շուտով պիտի վերջանայ: Յովհաննէս աղա այդ օրը Լեոնը իր սուէնը ճաշի տարաւ և Նուարդին ներկայութեան խոստացաւ մինչ խաղաղութիւնը իր ազջիկը նշանած թողուր:

Երկրորդ օրը կանուխ, Լեոնին որբեայրի մայրը, փոքրիկ կարպիս եղբայրը, Յովհաննէս աղան և Նուարդ Պարտիզակի նաւահանգիստը իջան: Լեոն Իզմիտէն եկող շոգենաւով Գարամուսայ «չիւպէ»նին պիտի երթար, հոն ներկայանալու և զինուորական համազգեստ ստանալու համար:

Ս. Յակոբի սոխակը պիտի հեռանար:

Նուարդ իր ցաւերուն մէջ պիտի չթառամէ՞ր արդեօք:

Սուր ձայնով Ֆշաց շոգենաւը, որ բեռնաւորուած էր երիտասարդ ճամբորդներով՝ դրեթէ ամէնքն ալ զինուորացու:

Լեոն իր բաժանման բոպէին չկրցաւ արգունքները զսպել, ակամայ արտասուեց իր մօր և Նուարդին հեկեկումներուն դիմաց: Յովհաննէս աղային աչքերն ալ լիցուեցան:

— Նուարդ, այս բաժանումը կը սոսկացնէ

զիս, արդեօք ողջ առողջ պիտի վերադառնա՞մ: Նուարդ աչքերը սրեց և շատ միամտօրէն առնական շեշտով մը պատասխանեց.

— Պատերազմի դաշտին վրայ եթէ բոլոր զինուորներն ալ մեռնին՝ դուն եթէ ուզես կ'ապրիս. «Տէր ողորմեա՛ն» երգէ: Տէրը քեզի՛ ալ պիտի ողորմի, ինձի ալ:

Շոգենաւը սուլեց:

— Երթաս բարով, պատերազմը շուտով կը վերջանայ, ցտեսութի՛ւն.

Շոգենաւին անիւները ա՛յնքան աղմկեցին՝ որ անլսելի բրին ցամաքը մնացողներուն ողջերթի և հրաժեշտի խօսքերը:

Այս օրէն ետք Պարտիզակի եկեղեցիին մէջ ա՛լ չլսուեցաւ Լեոնի «Տէր ողորմեա՛ն», կարծես սև բուեր կեցած անոր տանիքին վրայ՝ վա՛ր կը ճնչէին աստղազարգ ձեղունը և բոլոր աղօթող սրտերու վրայ երկիւղի, անորոշութեան ծանր կափարիչներ կը դնէին:

Ամէն կիրակի Նուարդ գլխիկոր կը կենար վերնատան մէկ անկիւնը, կարծես անակընկալ ցուրտէ մը խորշմած վտորդի կոկոն մը. ըլլար, որ կախուած կը մնար ճղիկի մը վրայ:

\*

Պատերազմը կը ճիւղաւորուէր: Շարաթէ

չարաթ մեծ ու պղտիկ ազգեր՝ նոր ճակատներ կը կազմէին. իրենց առկախ հաշիւները մաքրելու համար՝ զէն ի ձեռին կա՛մ Համաձայնականներուն և կամ Դաշնակիցներու կողքին կը կենային:

Տաճկաստան, ինչպէս ըսինք, Գերմաններու կողքին կուռեցաւ՝ ընդդէմ Ռուսիոյ, Ֆրանսայի, Անգլիոյ:

Թուրք պետութեան ճակատագրի վարիչները՝ վախնալով որ մի՛ գուցէ Հայերը ի նպաստ Ռուսիոյ գաղտնօրէն դաւադրեն իրեն՝ Գերմանիոյ խորհրդով որոշեց Անատոլուի մէջ հայ չձգելու Հայերը սերնն, իրրև թշնամի տարր տեղահանուեցան Երզնկայէն սկսած մինչև Իզմիտ, Էնկիւրի, Պարտիզակ: Նախ ամբողջ Բիւթանիոյ հայութիւնը կ'աքսորուի: Պարտիզակ իր 12,000 բնակչութիւնով զեռ իր տեղը կը մնար: Ժողովուրդը իր զէնքերը յանձնած էր արդէն կառավարութեան և յանձն առած էր պահանջուած կարմեր ոսկիները վճարել. ամէնքը այն լուսով էին թէ Պարտիզակ չպիտի տեղահանուի:

Մեր ազգային պատմութեան բոլոր էջերը մէկ մէկ վասակ ունին: Վասակուհի մը, դրժբախտարար Պարտիզակցի, եկաւ մրտտելու այդ մաքուր հայ ժողովուրդին պատմութեան էջերը: Այդ վասակուհին. — Թող այդպէս կոչենք այդ աղջիկը՝ առանց իր հայկական անունը տալու —

ապերախտ, հայատեաց միւտիրին կինն եղաւ, Բոլոր իր տարեկիցները թքին այդ ազգուրաց աղջկան երեսը և անիկա միւտիրին կինն ըլլալու համար պայման դրած էր.

— Բոլոր Պարտիզակցիները պէտք է տեղահանես, ըսաւ, որպէսզի առանց ամչնալու ման գամ փողոցները:

Եւ որպէսզի միւտիրը կարենայ տեղահանել՝ այդ մատնչուհին նոյնիսկ իր մերձաւոր ազգականներուն պարտէզներու մէջ թաղուած զէնքերու տեղերը յայտնեց:

Շատ շուտով եկաւ հրամանը՝ Պարտիզակը տեղահանելու:

Նախ գիւղին երևելիները բռնեցին և էսկիչէհիրի կողմը քշեցին: Նուարդին հայրն ալ այդ երևելիներուն մէջ էր իրրև թաղականութեան ատենապետ:

Ամբողջ չարաթ մը Պարտիզակցիք իրենց ունեցածն ու չունեցածը հրապարակ հանեցին՝ Պոլսէն հասած հրեաներուն և չրջակայքէն եկած Կիւրճիներուն և Յոյներուն վաճառելու համար:

Ա՛յնքան շատ էր վաճառ հանուած ապրանքը, և ա՛յնքան քիչ գնողներու թիւը՝ որ չնչին գիներով կը տրուէին թանկագին առարկաները:

Մուստիկը վերջին իրիկուսը շուկային որոշեալ սովորական անկիւնները իր աղիոզորմ

ձայնով միևտրին հրամանը յայտարարեց: Յաջորդ օրը սամէնքը պետք է գիւղէն նաւահանգիստ իջնեն:

Երկրորդ օրը, դեռ արևը Դեղնթան ազրիւրի կանաչ ծոցէն չեյած՝ բոլոր ժողովուրդը տասր հազարէ աւելի հայ բազմութիւնը, իր երեք հարիւր տարուայ օճախը թողուց, ամայութեան և լռութեան մէջ ձգեց իր Լուսազրիւրը, Սոխմիարը, Յատկան ջուրը և նաւահանգիստ իջաւ: Նուարդին մայրիկը և Լեոնին մայրը կողք կողքի նստան սպասելու նաւի մը որ զիրենք իզմիտ անցրնէ:

Գացին այդ անտիրականները քաղաքէ քաղաք, գիւղէ գիւղ, ապրեցան այն սոսկալի կեանքը՝ որ կրկնութիւնն է այն միկնոյն պատմութեան՝ որուն ենթարկուեցաւ 1915 թուին Հայաստանի և Անատոլուի մէջ ապրող հայ ժողովուրդը:

Նուարդին և մօրը միակ մխիթարութիւնն եղաւ՝ այդ դառնայից օրերուն Յովհաննէս աղային հանդիպիլ Էսկիչէհիբի մէջ:

Էսկիչէհիբի դաշտը, որուն հորիզոնին վրայ կապոյտ երկինքը կ'իջնայ՝ ամիսներով անկողինն եղաւ մօտ 100 հազար հայութեան: Անօթութեան և ազտատութեան հետեանքով ծայր տուին փոխանցիկ հիւանդութիւններ: Զուրի պակասը մեծապէս նպաստեց հայ կեանքերը

քաղելու գործին: Հազարներով հայեր մեռան. այդ թուին մէջ էին նաև Նուարդին հայրը և Լեոնին մայրը: Հիւանդկախ մայրը դեռ կ'ապրէր:

Ախ, սրբան սրտանց աղօթած է Լեոնս. «Եւ հիւանդիս առողջութիւն»:

Թայեաղէն հրաման կու գայ հիւանդ մեծ կարաւանը զէպի առաջ, զէպի խորերը քշել, զէպի աւագները՝ ուր արեւը աւելի կիզիչ է, սւր ջրոյ սովը պիտի նպաստէ դե՛ռ աւելի արագօրէն խլելու հայ կեանքերը:

Նուարդին մայրն ալ չդիմացաւ այլևս այդ տաքին ու անօթութեան, քիչ ետք թէ՛ ինք և թէ՛ մայրը վրանին տակ անկողին ինկան:

— Ախ, «Տէր ողորմեա՛» մը Լեոն, կը կրկնէր միամիտ աղջիկը իր նոպաներուն մէջ, կարծելով որ մօտն է նշանածը:

Այդ վայրկենին, Լեոնի փոքր եղբայրը կարպիս պտիկ մը ջուր կու տար, սւ Նուարդ երբ կը սթափէր՝ կը սկսէր լալ ինքնիրեն հարցնելով.

— Արդեօք տակաւին կ'ապրի՞ Լեոնս. եթէ կ'ապրի ինչո՞ւ չազօթեր ինձի համար:

Նուարդ ականջը երևակայուած ձայնի մը կու տար. Լեոնն է որ կ'երգէ Պարտիզակի եկեղեցին մէջ. Ա. Յակոբի սոխակն է որ կը գոռայ.

«Ազգիս Հայոց ազատութիւն,  
Եւ հիւանդաց առողջութիւն»

Կը դառանցէ նորէն նուարդ: Գուրսը ո՛չ  
ժամ կայ և ո՛չ խորան, ո՛չ մոմ կը վառի և ո՛չ  
քահանան կ'ազօթէ խորանին վրայ . . . զուրսը  
մ'եռելային լուսութիւն մը կայ միայն, մարդիկ,  
հայ մարդիկ կը մեռնին զիակնին աւազին վրայ  
թափթփելով և խո՛ւ ձայն մը միայն կը լսուի . . .

«Աշխարհ ամենայն

Առ իս նայեցեալ

Ախտակից լերուք,

Տէր ողորմեա՛, Տէր ողորմեա՛, Տէր ողորմեա՛ . . . »  
Հայ մեռելներու քայլերդ:

\*  
\*  
\*

Լեոն Գարամուսայ հասած օրն իսկ զին-  
ուորական հին ու պատռտած համազգեստ մը  
վրան առնելով՝ թուրք զինուոր մը եղաւ: Իր  
տասնապետը շատ կը չարչրկէր զինքը և ամէ-  
նէն ծանր գործերը անոր կը յանձնէր:

Որովհետեւ էնվէր կը վախէր հայոց ձեռք  
հրազան տար որ չըլլայ թէ օր մը զայն իրենց  
շէմ գործածեն Ռուսին կողքին՝ Գարամուսայի  
հայ և յոյն զինուորները Եւրովայի մօտ եղող  
«մինաս»ները զրկեցին, իբրև թէ տաժանակիր  
աշխատանքի դատապարտուածներ ըլլային: Լե-

ւոնն ալ ատոնց մէջ էր. ինքն ալ 100 մէթր  
խորը, մութին ու ջուրին մէջ աշխատելու  
իջաւ:

— Բանէ՛ կեալուռ. կ'ըսէր իրեն թուրք տաս-  
նապետը՝ հրացանին կոթով անոր թիկունքին  
հարուած իջեցնելէ ետք: Ու Լեոն կը բանէր  
անընդհատ:

Օր մը, տասնապետին բացակայութեան՝  
Լեոն «Տէր ողորմեա՛» մը երգեց մութ ու խո-  
նաւ աշխատանոցին մէջ: Բոլոր միւս զինուոր-  
բանուորները՝ Յոյներ, մեծ մասամբ հայեր՝ գոր-  
ծերնին ձգած զմայլանքով մտիկ ըրին: Զգա-  
ցին որ խուռնկի հոտ կու գար պատերէն, մոմեր  
կը վառէին կարծես ամէն աշխատաւորի քով:

— Դուէն երգէ՛, մի՛ աշխատիր, մենք քու  
տեղդ ալ կը բանինք, բսին նոյնիսկ Յոյները:

Հարիւրապետը որ այցելելու եկած էր՝ գամ-  
ուած կեցաւ երբ Լեոնի երգը լսեց. յետոյ անոր  
մօտենայով՝ ձեռքը ուսին վրայ դրած ըսաւ.

— Դուէն տղաս, հոս ի՞նչ գործ ունիս. այս  
խոնաւութիւնը քու ձայնդ կը փճացնէ:

— Պատրաստ եմ ձեր հրամանին, պատաս-  
խանեց Լեոն:

Լեոն Եւրովայի դպրոցին երգի ուսուցիչ  
անուանուեցաւ, փոքրիկ խմբերգ մը կազմեց,  
քանի մը մեծ տղոց ջուլթակ սորվեցուց:

Լեոնի գործը այլևս հանգիստ էր. միայն

Թէ իրեններուն և Նուարդին կարօտը կը քաշէր: Չափէն աւելի մտահոգուեցաւ, լրագիրներէն իմանալով թէ Պարտիզակի ժողովուրդն այ տեղահանուած է:

Լուր հասաւ թէ երկու շարաթ վերջ էնվէր փաշան Եալովայէն պիտի անցնէր: Հարիւրապետը հրամայեց Լեոնի որ աշակերտներուն թըրքական քայլերզը սորվեցնէ որպէսզի փաշային հասնելուն երգեն:

Էնվէր չէր սպասեր այս շքեղ ընդունելութեան. թուրք տղաքը ջութակներու ընկերակցութեամբ ազգային մարշը երգեցին. Լեոն թէ՛ ջութակահարեց և թէ՛ երգեց: Իր ձայնը ա՛յնքան հրաշալի էր՝ որ փաշան աչքը անոր յառած մտիկ ըրաւ. յետոյ իր քով կանչեց Լեոնը, դրամ տուաւ տղայոց բաժնելու համար և հարցուց թէ ի՛նչ կը փափագի խնդրել:

— Վէսիքա մը, փաշա, երթալու մայրս տեսնելու:

— Տուի, պատասխանեց էնվէր:

Երկու օր ետք Լեոն այդ վէսիքայով դէպի Գոնիա մեկնեցաւ իր մայրը և Նուարդը գտնելու համար:

Թայէադ և էնվէր որոշած էին բնաջնջել

թուրքիոյ սահմաններուն մէջ բնակող հայու-թիւնը, բայց կը խնայէին իրենց փամփուռներուն:

Ի՛նչ անուշ մահ պիտի ըլլար մեռնիլ ա-կընթարթի մը մէջ, առանց այն երկար և տա-ժանելի հոգեվարքին ենթարկուելու:

Նուարդին մայրը այդ անտանելի հոգե-վարքին մէջ՝ զետնին վրայ կը շարչրուի իր ազջկան աչքերուն զիմաց:

Երեզճ ազջիկը իր թաշկինա՛կն ալ ծախած էր պուտ մը ջուրի համար:

Չէր գիտեր, «Տէր ողորմեա՞» մը ըսէր իր մօրը առողջութեան համար, թէ խնդրէր Աստուծոմէ որ զիրենք ալ հայրիկին քով կանչէ:

Յանկարծ տեղատարափ անձրև մը սկսաւ, որ երեք օր տեեց. Նուարդին մօր այրուող մար-մինը ջուրերու մէջ մնաց: Վրանը ջրով լեցուե-լով լճակ մը դարձաւ, ինչպէս դուրսի դաշտը մեծ ծով մը:

Նուարդ, օր մը, այս անվերջ շարշարանք-ներուն մէջ յուսահատած՝

— Մայրի՛կ, ըսաւ, պիտի դա՞յ օր մը որ կա-րենանք տունի մը պատին տակ նստիլ:

Մայրը չպատասխանեց: Ան անձայն, առանց հառաչանքի իր յաւիտենական քունը քնացած էր: Նուարդ ատոր չէր անդրադարձած:

Դուրսէն ուրիշ մէկը պատասխանեց.

— Պիտի գայ Նուարդ այդ օրը պիտի գայ  
չուտով . . .

Լեոնն էր ներս մտնողը:

Նուարդ նախ երազ կարձեց. բայց չէ՛, ինքն  
է, այս՝ Լեոնն է:

— «Տէր ոգորմեա՛» մը Լեոն, մայրս միայն  
մնաց, հիւանդ է . . .

Երկու նշանածներ ջուրին մէջ ծուռկի  
եկան ու մեղմօրէն երգեախ՝.

«Տէր ոգորմեա՛, Տէր ոգորմեա՛»:

Հիւանդը բաց աչքերը չգործուց իր զաւա-  
կին, միշտ վերը, վերը յառած մնացին անոնք:

Ազճիկը այլայլած մօրը այս երեոյթէն՝ ա-  
նոր ձեռքերը իր ձեռքերուն մէջ ուղեց առնել:  
Սոսկաց, սառէ՛ն աւելի պօղ էին անոնք: Չոր-  
ցած աչքերէն արդունքներ սահեցան և Լեոնին  
հետ հեկեկալով միասին շարունակեցին երգել.

«Ամենասուրբ երրորդութիւն

Տուր աշխարհիս խաղաղութիւն,

Ննջեցելոյս արքայութիւն,

Ազգիս Հայոց ազատութիւն»:

Դեռ իրենց մեռելը չէին թաղած երրօտի  
կանները հրամայեցին վրանները վար առնել և  
աքտորի ճամբան շարունակել:

Անգութ պաշտօնեաները ո՛չ հիւանդը նա-  
յեցան, ո՛չ մեռելը. ժողովուրդը առաջ քշեցին  
հրացաններու կօթով, առաջ, դէպի Տէր-Չոր,

այդ չորցած, կմախք դարձած հայութեան մնա-  
ցորդը:

Այդ տեղափոխութեան ատեն, — գիտեն  
բոլոր այդ Գողգոթայէն դարձողները— հրաման  
մը եկած էր երիտասարդ երկուս սերունդը ան-  
ձանօթ վայրեր տանելու: Շատ մը աղջիկներ և  
տղաքներ ուրախութեամբ զատուեցան իրենց  
ծնողքէն, կարծելով թէ երջանկագոյն կեանք  
մը ապրելու կ'երթան:

Ու տարուեցան անոնք բոլորովին անյայտ  
տեղեր: Քանի մը հարիւր այդ երիտասարդները  
երբ կիրճի մը մէջ հասան՝ հրամայուեցաւ հոն  
մնալ ու առաջ չերթալ:

Նուարդ, Լեոն և Կարպիս այս խումբին մէջ  
էին, անբաժան իրարմէ:

Յաջորդ օրը մեր այս նահատակները սոս-  
կումով տեսան հարիւրաւոր հրացանակիր զին-  
ուորներ:

Ձապիթները հրամայեցին որ կարգաւ շար-  
ուին: Յիսուեն քայլ հեռու զիմացնին զիրք բըւ-  
նեցին հրացանակիր զինուորները:

Բարձրագոյն զինուորականը գէթ գութը  
ունեցաւ հրամայելու՝ որ այդ անմեղ զատա-  
պարտեալները իրենց այս նորօրինակ և անս-  
կընկալ հոգեվարքին մէջ ազօթեն Աստուծոյ:

Ինչպէ՛ս ազօթէին անոնք՝ որ վեց ամիս-  
ներէ ի վեր աւազուտ անապատներու վրայ,

կամ ցեխոտ դաշտերու մէջ. կամ գիակներով  
ծածկուած յեռներու կողքին չէին հանդիպած  
իրենց բարի Աստուծոյն, զոր թողած էին իրենց  
գիւղերը, իրենց եկեղեցիներուն մէջ . . .

Քարսիրտ դարձած՝ — չրսելու համար չար-  
սիրտ դարձած — երբեմնի աստուած սվ սխ երի-  
տասարդները չուզեցին իրենց աչքերն իսկ վեր,  
երկինք բարձրացնել, զթութեան հայեացք մը  
ուղեղու համար Արդար Աստուծմէ:

Այս հողամասին վրայ Այլահր կ'սպրէր, ա՛ն  
կ'իշխէր, զոր մեր բոլոր նահատակները կ'ատէին:

— Աղօթքնիդ բռէ՛ք Այլահրն, սաստիօրէն  
հրամայուեցաւ ծուռկի եկած անու: մահուան  
սպասողներուն:

— Այն ատեն Նուարդ ու Կարպիս Լեռնի վի-  
զը ինկան, աղաչեցին որ «Տէր ողորմեա՛» մը  
երգէ:

Լեռն ու քանի մը հայրենակիցներ երգե-  
ցին, իսկ միւսները մտքերնին դէպի իրենց սի-  
րելիները՝ աչքովնին երկնքի կապոյտին մէջ  
փնտռեցին իրենց բարի և արդար Աստուածը:

«Տէր ողորմեա՛, Տէր ողորմեա՛

Ամենասուրբ Երրորդութի՛ն».

Տուր աշխարհիս խաղաղութիւն,

Եւ գերեզոյս ազատութիւն».

Յասկարծ Նուարդին դէմքին վրայ յոյսի և  
աղատութեան ժպիտ մը խաղաղ: Ան փտահ էր

թէ մայրը գերեզմանէն ետ դարձնող բարի Աստ-  
ուածը գուժ պիտի տար դահիճներուն ու զի-  
րենք պիտի աղառէր մահուան ճիրանէն. պիտի  
չթողուր որ զինուորներու հրացանները բանէին:

Աղօթքը շարունակուեցաւ.

«Տէր ողորմեա՛, Տէր ողորմեա՛,

Յիսուս փրկիչ, մեզ ողորմեա՛»:

Ու անա, բոպէ մը ետք հարիւրապետին  
հրամանին վրայ՝ հրացանները երկու երեք ան-  
գամ շաչեցին. գնդակները հորիզոնական ուղ-  
ղութեամբ խրուեցան հայ մատղաշ սրտերու  
կամ կուրծքերու մէջ, ու ակնթարթի մը մէջ  
հարիւրաւոր ստուերի նմանող մարմիններ զի-  
ակ եղած՝ ինկան չոր աւաղին վրայ:

Այդ ատեն, մարը մտնող արևը տազնա-  
պած՝ ամպի կտորներ կը փնտռէր անոնց ետին  
պահուրտելու համար:

Սեփսե ամպեր եկած էին կապոյտ երկին-  
քը ծածկելու, որպէսզի մեր բարի Աստուածը  
չտեսնէ եղածը և չսէ:

«Տէր ողորմեա՛»ն:

\*

Հեռուն, հորիզոնին վրայ արիւնտտած ամ-  
պերու ծոցէն արթնցաւ Արևը:  
Լուռ էր ամբողջ կիրճը:

Ո՛չ մէկ միջատ չէր բզզար, ոչ մէկ թռչունն էր համարձակէր այդ օդը խաղելու:

Արևը կարծես կարմիր ամպեւէն չէր ուզեր ելլել, իր մեղմ ճառագայթները չցցելու համար այն շատ մը արիւնշաղախ դիակներուն վրայ՝ որոնք փռուած էին գետինը, կամ ինկած իրաբու վրայ:

Այդ հարիւրաւոր սպաննուածներէն ոչ մէկը կը շնչէր, ամէնքն ալ լուռ էին, յաւիտենականօրէն լուռ, ինչպէս գետինը սիրուցան ինկած քարերը:

Բայց յանկարծ տղեկ մը սրթնցաւ, մեծ ահուզողով գլուխը վեր բարձրացուց մեռած կուրծքի մը վրայէն: Նայուածքը մինչև հեռուն պտտուց, ուր մօտի դիակներուն պէն մարմիններ փռուած էին:

Ո՛չ մէկը կար երէկուան գինուորներէն՝ որոնք, լաւ կը յիշէր, հրացանին իրենց վրայ ուղղեցին երբ դեռ կ'աղօթէին:

Այս պատանին իր մօտը պառկող երիտասարդին դարձաւ, ճանչցաւ, իր եղբայրն էր, ձայն տուաւ.

— Եղբայր, լեռն եղբայր:

Եղբայրը չուզեց արթննալ մահուան քունէն:

Տղեկը միւս կողմի դիակին դարձաւ ու անո՛ր ալ ձայն տուաւ.

— Նուա՛րդ քոյրիկ, նուա՛րդ քոյրիկ  
Նուարդն ալ չուզեց արթննալ:

Այդ ատեն սարսուռով նորէն քիչ մը հեռուն դիտեց:

Կարծես, քիչ մը հեռուն, ուրիշ պառկող մը կամաց մը գլուխը վեր հանեց և իր սրտին վրայ ժպիտ մը ծաթեցուց:

Այո՛, վերջապէս ուրիշ մէկն ալ կ'ապրէր:

Ոսկրոտ պատանի մը, կիսամերկ, որ իրեն մօտեցաւ սոգոսկելով և հարցուց.

— Անունդ ի՞նչ է, հայրենակից:

— Կարպիս, հապա քո՛ւկդ:

— Իմ անունն Յովհաննէս է:

— Ո՞ր կողմերէն ես:

— Ակնցի եմ:

— Ես ալ Պարտիզակցի եմ, ըսաւ Կարպիս:

Ու մօտի երիտասարդը ցոյց տալով՝ ըսաւ.  
«աս եղբայրս է, աս ալ իր նշանածը»:

Յովհաննէս և Կարպիս ամբողջ օրը քով քովի պառկեցան, իրրև թէ գնդակահարուածներ ըլլային: Ու իրիկունը, երբ աստղերը երեւալ սկսան՝ երկուքը ծուռկի եկան մեռելներու այդ բացօդեայ գերեզմանին մէջ ու միասին աղօթեցին:

«Ամենասուերը Երրորդութիւն,

Տուր աշխարհիս խաղաղութիւն,

Ննջեցելոց արքայութիւն,

Ազգիս Հայոց ազատութիւնն  
Տէր ողորմեա՛, Տէր ողորմեա՛,  
Յիսուս փրկիչ մեզ ողորմեա՛»:

Նուարդ իր միամիտ նայուածքով, կեանք  
Չերմեռանդ հաւատք արտայայտող զեմքով հոն  
գեանին վրայ մնացին: Չշարժեցան բնաւ:

Յովհաննէս և Կարպիս միասին, գաղտա-  
գողի փախան զիակներու մէջէն:

Երէկուան գնդակահարութենէն միայն այս  
երկուքը ազատած էին:

Տէրը միայն իրե՛նց էր ողորմեր:



## Ն Ո Ր Մ Ո Վ Ս Է Ս Ո Ի Հ Ի Ն

Անձրեռտ օր մը, իրիկուան դէմ երբ Ար-  
մառանի փողոցներուն մէջ ոչ ոք կ'երթնեկէր՝  
երեք ձիաւորներ բռնաւորուած երկերկու պար-  
կերով յովի ու յողնած կանգ առին քաղաքին  
ամենէն գեղեցիկ մէկ տանը առջև:

Կող մըն էր ձիապանը, որ դրան ախը եր-  
կու անգամ հնչեցուց և տան տիկինը իր աղ-  
ջրկան հետ շտապեց անակընկալ հիւրը ներս  
առնելու:

Հիւրը անծանօթ մը չէր, զիրար բարեկէ  
հտք՝ տանտիկինը հարցուց.

— Իրմէ՞ն է:

— Այո՛, նամակ մըն ալ կայ, պատասխանեց  
ու զայն անոնց յանձնեց:

Աղջիկը աճապարանքով մը նամակը առաւ  
և մայրիկին հետ ներս քաշուեցան, մինչդեռ  
ձիապանը երեք ձիերուն պարկերը վար առաւ,  
ձիանը ախոռը տարաւ և իրրե ընտանիքի հին  
ծանօթ մը ներս գնաց:

Մայր ու աղջիկ սկսան նամակը կարդար.

«Սիրելի կինս,

Նորէն վեց պարկ ալիւր կը զրկեմ «Ստամ-

պոլու ալիւր»էն. ճեփճերմակ հաց պիտի ուտէք: Չմեռը կը մօտենայ, տպրելու համար պաշար պէտք է. մերիններուն ալ մաս հանէ մէջէն: Երբ անոնք իմ գրովս քեզի ներկայանան՝ անոնց ալ տուր պէտք եղածը: «Սով պիտի ըլլայ» կ'ըսեն, ուշադրութիւն ըրէ:

#### Ս.մ.ու.սինդ»

Գրիգոր էֆէնտին էր նամակը ստորագրողը: Եւ ո՞վ չէր ճանչնար զինքը, պատանիներն անգամ լսած էին անոր անունը, մայրամիւլքի տէր. Արմտանի գեղեցիկ տունը անորն էր. ուսումը Պարտիզակի բարձրագոյն վարժարանը ըրած ըլլալուն՝ «ինկիլիզ»երէն ալ գիտէր:

Բայց, ոմանք կը զարմանային թէ այդպիսի ուսեալ և հարուստ մարդ մը ինչո՞ւ էր տունը տեղը թողած օտար և հեռու տեղեր տարիներով զարիպ կը մնայ ու Պոլսոյ խաներուն անկիւնները կը գիշերէ:

Գրիգոր էֆէնտին կինը գեղեցիկ առտու մը լուսցուց: Արեւ ի՛նչ մաքուր կ'արթննայ իրենց տանը զիմացի կանաչներուն մէջ: Երէկուտան յորդ անձրևները կարծէք լուացած էին զայն, այնպէս ջինջ էին անոր ճառագայթները:

Տիկինը գնաց ձիապանն ալ արթնցուց. Շապին Գարահիսարէն անընդհատ ճամբորդելէ ետք յոգնած էր խեղճը և չէր ուզեր աչքերը բանալ, բայց պէտք էր արթնցնել: Առտու կանուխ ընելիք գործեր ունէր:

Կաղը, իր քովի մէկ նամակն ալ, որ կտոր կտոր ըրած զգեստներուն մէջ կարած էր՝ իր հասցէին տարաւ:

Սիմոն (ասոր ուղղուած էր նամակը) անմիջապէս Գրիգոր էֆէնտին տիկնոջ ներկայացաւ: Պարկերը բացին: Ի՛նչ պատուական ալիւր: Բիչ մը խորը կարծր բան մը եկաւ տիկնոջ ձեռքը. չստկաց, առաջին անգամը չէր որ ան Ստամպուլու ալիւր կ'ընդունէր և մէջէն ծրարներ կը հանէր:

Լրադիրներով փաթտուած ծրար մը, զայն բանալու պէտք չունէին, գիտէին թէ ի՛նչ կը պարունակէր. կամ վեցհարուածեան և կամ փամփուշտ:

Ու հիմակ մեր ընթերցողները չպիտի զարմանան թէ ինչո՞ւ Գրիգոր էֆէնտին տունն ու տեղը, կինն ու զաւակները ձգած Պոլսոյ խաներուն անկիւնները կը լուսցնէր:

Գաւառի հայութիւնը ա՛լ յուսահատած թուրքին ու քիւրտին ըրած աւարտութենէն, պատիւի բռնարարումէն, առևանդումներէն չատոնց արդէն ըմբոստացեր էր, և ազատութեան զաղափարին փարած հայորդիներ յեղափոխական զրօշը պարզած էին, զէնքին ապաստանած, իրենց ինչքը և պատիւը փրկելու համար:

Հնչակեան կուսակցութիւն էր այդ անդրաշնիկ յեղափոխական կազմակերպութեան անունը:

և Գրիգոր էֆէնտին այ երբ Պարտիզակէն դարձաւ՝ այդ կուսակցութեան անդամ և համակիր՝ բոլոր իր հայրենակիցները յեղափոխական ըրաւ և ուզեց դամէնքն ալ զինել:

Գրիգոր էֆէնտի Պոլիս կեցած զրամ կը ճարէր և զայն Շապին Գարահիսարի իր ընկերներուն կը ղրկէր, որոնք ալիւրի պարկերով Արմըտան կը հասցնէին զէնք և փամփուշտ:

Այդ օրն իսկ պարկերը պարպուեցան, և իրիկունը, երբ մուտք կոխեց՝ հիւրերը Գրիգոր էֆէնտիին տունէն մէկիկ մէկիկ զաղտագողի դուրս ելան: Ամէնքն ալ ծանրարեւնուած էին զէնքերով:

1914-ի ամառն էր: Արմտանի մէջ խուչ լուր մը տարածուեցաւ, յետոյ լրագերներուն մէջ ալ կարդացուեցաւ թէ համաշխարհային պատերազմ սկսած է:

Գրիգոր էֆէնտին Պոլսէն չէր դառնար, հակառակ անոր որ իր երկրորդ աղջիկը Նարդուհի անդրանիկ զաւակ մը ունեցած էր:

Ի՞նչ սիրուն թոռնիկ մը, երբ իր թուխ զէմքին վրայի վառվառն աչքերը կը բանար՝ կարծես իրկու աստղեր կը ծնէին պայծառ երկինքին վրայ: Անունն ալ Արևայոյս զրին: Ո՛չ

մէկ կնքահայր ուրիշ յարմարագոյն անուն չպիտի գտնէր:

Ամիսներ կ'անցնին, Արևայոյսը օրէ օր կը մեծնայ և կը զեղեցկանայ:

Համաշխարհային պատերազմը կը շարունակուի, երբ Արևայոյս հաղիւ կը սկսի ոտքի ելլել՝ Արմտանի հայ կտրիճներն ալ զէնքի տակ կը կանչուին: Թուրքն ալ պատերազմին սկսած է մասնակցիլ: Շատերը չեն ուզեր թուրք բանակին ծառայել, խուճար խուճար զինուած սարերը կ'ապաստանին: Լուր կը հասնի թէ ուրիշ դաւառի հայերը սկսած են տեղահանուիլ: Ժողովուրդը անորոշ ապագային առջև կը դողդալ:

Գրիգոր էֆէնտիին կինը շուարած է, մեծ փեսան Ամերիկա գացած է, պղտիկն ալ, Արևայոյսին հայրը, զէնքի տակ կանչուած, ու ամուսինը տակաւին Պոլսէն չի դառնար:

Չարաբաստիկ ուրբաթ առտու մը, երբ դեռ տունէն ոչ ոք ելած էր՝ քանի մը մուսնետիկներ Արմտանի փողոցներուն մէջ իրենց ամէնէն զօրաւոր ձայնով միւտիրին հրամանը յայտարարեցին: Աքսորէն երեք օր առաջ էր: Հայերը պէտք է որ իրենց կարասիները պազար տանէին վաճառելու:

Մարիամ հանրմ, ինչ որ ունէր վաճառեց, ստակները ոսկիի վերածեց և ամէնուն մէջքին մէկ մէկ քէմէր կապեց: Ամէնէն մեծ քէմէրը Արևայոյսին վիճակուեցաւ:

Երկուշարթի առտու, երբ բոլոր հայ ժողովուրդը իր պապենական օճախները թողուց ու արցունքով հեռացաւ՝ այդ օրն իսկ գուժուեցաւ ոպանութիւնը Արևայոյսին հայրիկին:

Դեռ արցունք ունէին աքսորականները. երկու ժամուայ ճամբան հայ արցունքով թըրջուեցաւ:

Թուրք ոստիկանները թոյլ տուին որ դաշտին վրայ վրանները շտկեն և հոն գիշերեն:

Յաջորդ օրը դեռ արևը չելած ժողովուրդը վրանները վար առաւ և ստիպուած ճամբան շարունակելով Եփրատին մէկ ճիւղին վրայ գլտնուող Հասանապատ գիւղը հասաւ: Տեղւոյն հայրնակչութիւնը օր մը առաջ արդէն աքսորուած էր: Հազիւ թէ այս գիւղը հասան՝ ոստիկանապետը հրաման ըրաւ որ այր մարդոց ձեռքերը կապուին ու ծառերու վրայ կախուին:

Ի զո՛ւր ժողովուրդը կու լար ու կը պաղատէր որ ազատ արձակուին:

«Մինչև որ 12 Արմտանցիները երևան չելին՝ ոչ մէկը պիտի ազատեմ» կ'ըսէր ոստիկանապետը:

Քանի մը ունևորներ դրամ հաւաքեցին և ոստիկանապետին տալով կրցան մէկ-երկու ժամ ուշացնել մահապատիժը:

Նորէն ճամբայ ինկան և հասան Եփրատի եզերքը:

Եփրատը ինչպէ՛ս կատաղօրէն իր ճամբան կր կտրէ: Եւ ինչպէ՛ս կը սոսկայ ժողովուրդը՝ երբ վազող այիքներուն հետ մ'անուկներու և մեծերու անչնչացած մարմինները կը տեսնէ, որոնք ո՛վ գետէ ո՛ւսկից կու գան և ո՛ւր կ'երթան, բայց յայտնի է որ անոնք ամէնքն ալ հայ զինակներ են:

Ոստիկանապետը կը մոռնայ երէկուայ իր ընդունած հարիւրաւոր կարմիր ոսկիները:

— Պայմանաժամ լրացաւ, կ'ըսէ և հրաման կ'ընէ այր մարդիկը ջարդելու:

Կիները, մատղաշ աղջիկները իրենց հայրերը և եղբայրները ազատելու համար ոստիկաններուն ոտքը կ'իյնան, նոյնիսկ պատիւնին կ'ուզեն զոհել իրենց սիրելիներուն կեանքերը վերկելու համար:

Երբ աքսորականներու դժբախտ խուժանը պատիւին ու կեանքին կոխը կը մղէր իր մէջ, այեհեր ծերունի մը բարձր քարի մը վրայ ելած, սրտին վրայ աւետարանը, աջ ձեռքով վեր բարձրացուցած խաչը՝ յուզուած շեշտով գոչեց.

«Միրելի ժողովուրդ . . .»

Բոլոր ղէմքերը, պզտիկին ու մեծին, նոյնիսկ թուրք ոստիկաններուն, ղէպի ծերունին դարձան:

Ս. Ղևոնդի կենդանի պատկերն էր կարծես, սպիտակ մօրուքը խորչամած ղէմքէն

կախուած՝ կը փռուէր լսյն կուրծքին վրայ:

Հառաչները, լալիւնները, խօսքերը լռեցին վայրկեան մը: Արժտանի անբասիր տէրհայրն է, Տէր Երեւոմ քահանան, հայրը ժողովուրդին: Ինքն էր որ երիտասարդ սերունդը իր ձեռքով մկրտած, շատերը պսակած էր:

Տէր Երեւոմ, երբ բոլոր աչքերը իր վրայ դարձած տեսաւ՝ այնքա՛ն յուզուեցաւ որ ձեռքի խաչը օդին մէջ երերալ սկսաւ:

Կրկնեց զէպի Եփրատ դարձած.

— Սիրելի ժողովուրդս, այս ջուրով մկրտեցի ձեզ ու այս տէրունական խաչով օրհնեցի զամէնքդ: Քրիստոնեայ ապրեցաք երկնքի արքաքայուցեալ արժանանալու համար: Ո՛չ խաչը ուրացէք և ոչ պատիւնիդ ծախեցէք: Մեր նախնիքը արհամարհեցին սուրն ու հուրը՝ նախընտրեցէք ջուրը նետուիլ քան թէ ուրանալ մեր հայրերուն հաւատքը:

Քանի մը ոստիկաններ գաւազաններով յարձակեցան Տէր Երեւոմի վրայ ու մեղ հարուածներ տուին անոր թիկունքին մինչև որ ան իր քարէ պատուանդանէն գետին ինկաւ:

— Տէրտէր, պիտի սպաննենք քեզ, ըսին կատաղի նայուածքներով ոստիկանները:

— Պատրաստ եմ մահին, պատասխանեց հաւատացեալ եկեղեցականը իր կուրծքը բանալով անոնց զիմաց:

Այդ բոպէին երրորդ ոստիկան մը եկաւ ձերուսիին Դօրուքը փետեց, ուրիշ մը գաւազանի հարուածներ իջեցուց անոր գլխուն. քիչ վերջ սուրերը շողշողացին Տէր Երեւոմի վրայ, մինչդեռ ծողովսուրդը այնպիսի վայնասուուն մը փրփրցուց՝ որ կարելի չէր վրդոված Եփրատի ալիքներուն ձայնը լսել:

Երէցկի՛նը մինչդեռ անդին ուշաթափ գետին կ'իյնար, քանի մը երիտասարդ հայ աղջիկներ ճանկերով յարձակեցան իրենց բարի քահանան չարչարող ոստիկաններուն վրայ:

Չարդի հրամանը տրուած էր:

Տէր Երեւոմ, առաջնորդը Արժտանի, խաչը ու աւետարանը կուրծքին, արիւնյուլայ, իր վերջին ճիգերով գոռաց:

— Քաջութի՛ւն, սիրելի ժողովուրդս, ես կը մեռնիմ մեր նախնեաց հաւատքով, ամէնքդ ալ իմ ետեէս եկէք:

Հայ գլուխները գետին կ'իյնան: Կոյսերու, ծերերու ու մանուկներու գլուխները: Հայ զիւակներէն հոսող արիւնը սկսաւ Եփրատը կարմիր ներկել:

Այն ատեն զիւղին ժամկոչը՝ այս զժոխալին տեսարանին առջև յիմարացած մազերը փետելով զիակներուն ու սուրերու մէջէն կը վազվրզէր երկինքին ու Եփրատին հետ խօսելով. «ի դուր ծառայեցի քեզի, խարուեր եմ, սուտ

են եղեր խաչն ու աւետարանը, թուրքին Ալլա՛նը  
յաղթեց հայուն Քրիստոսին»:

Իսկ երիցագոյն թաղականը, Յարեթ, այն-  
քան մոլեռանդ՝ որ ոչ մէկ առտու և ոչ մէկ ի-  
րիկուն եկեղեցիէն չէր բացակայած՝ այնպիսի  
հայհոյանքներ ուղղեց երկնքին որ շատերը սար-  
սափահար և յուսահատ իրնք գիրենք Եփրատ  
նետեցին, գացին այիքներուն հետ մեռնելու:

Գրիգոր Էֆէնտիին կինը, Մարիամ հանրմ,  
ճարահատ իր թուռերը մէկիկ մէկիկ Եփրատի  
այիքներուն տուաւ. Արևայոյսը միայն մնաց, որ  
այս րոյոր վայնասուններուն, սղրուկոծերուն  
մէջ կը ժպտէր իր մեծ մայրիկին երեսին:

Քանի մը անգամ փորձեց զայն ջուրը նե-  
տեր, բայց փոքրիկը կարծելով թէ մեծ մայրը իր  
հետ կատակ կ'ընէ, սարձրածայն կը խնդար:

Յանկարծ ջարդի հրամանը ետ առնուեցաւ,  
րոյոր արիւնտ սուրերը պատեան մտան: Ժողո-  
վուրդը աւելի՛ ևս տխրեցաւ. Այդ օրը ո՛րքան  
անուշ էր մահը: Գրիգոր Էֆէնտիին մեծ աղջի-  
կը Աղաւնի, երս կեսուերին և կեսարայրին զիակ-  
ներուն հանդիպեցաւ՝ խերագարի պէս վազեց  
զէպի կամուրջը և ինքզինքը ջուրը նետեց:

Մարիամ հանրմ այս տեսնելուն՝ Արևայոյ-  
սին երկու աչքերը համրուերեց և զայն ալ գետը  
նետեց իր միւս թուռներուն ետեէն:

Նարգուհին երբ տեսաւ որ իր քոյրը խոր

տեղ մը չիյնալուն չէր կրնար խեղդուել՝ իր մօր  
ձեռքէն բռնած ըսաւ:

— Մայրի՛կ, այս կողմը նետուինք, հոս աւե-  
լի՛ խոր է:

Այդ վայրկեանին չէթէները հասան բռնե-  
ցին թէ Մարիամ հանրմը և թէ Նարգուհին, ու-  
րիչներ ալ գացին Աղաւնին աղատելու, մինչդեռ  
այիքները փոքրիկ Արևայոյսը Եփրատի եզերքէն  
զէպի վար կը քչէին:

Ծառի ճիւղ մը Եփրատն ի վար կու գար  
երբ Արևայոյս գետ նետուեցաւ:

Ազատարար ձեռքի մը պէս այդ փայտին  
մէկ ճղիկը Արևայոյսին զգեստներուն անցաւ ու  
չթողուց որ այդ գեղեցիկ արարածը գետամոյն  
ըլլայ:

Հազիւ թէ երկու վայրկեան գացին, փայտդ  
ու Արևայոյս կողք կողքի՝ գետեզերքը քարի մը  
ղիմաց կանգ առին:

Քիչ մը հեռուն քրտարնակ գիւղակ մը կար:  
Դեռատի քրտուհի մը իր ոչխարները ա-  
ռած առտընէ ի վեր կ'արածէր զանոնք Եփ-  
րատի եզերքը:

Քրտուհին այլևս յողնած էր զիտելէ չարա-  
նը հայ զիակներուն:

Քիչ վերջ յանկարծ նշմարեց իր մօտիկը  
քարի մը առջև կանգ առած փոքրիկ մը որ  
աչքերը երկնքին կը ծիծաղէր:

Հինգ տարուան հարս եղած էր այս քըր-տուէին առանց զաւակի մը մայր ըլլալու:

— Ըներ է, — խորհրդածեց մանկամարդ կինը — քանի որ Եփրատին ալիքները խնայած են այդ անմեղ փոքրիկին կեանքին, իմ ալ պարտքն է զայն ազատել ջուրէն ու ինծի որդի ընել:

Եւ այդ խաւարի մէջ մեծցած ու ապրած քրտուէին, հին օրերու Փարաւոնի աղջկան պէս Եփրատի ալիքներէն ազատեց Արեւայոյսը. ինչպէս Իսրայէլի ժողովուրդին փրկիչը Մովսէս:

Արեւայոյս, մէկուկէս տարեկան այդ գեղեցիկ աղջնակը, երբ մանկամարդ կ'ընձ գիրկը ինկաւ, երկու թաթիկները բացած՝ փաթթուեցաւ անոր վզին:

Այս սրտաճմլիկ վայրկեանը բաւական եղաւ որ Քրտուէին իր ամէնէն տաք սիրով որդեգրէ անձանօթ կեաժուրին այս աղջնակը:

Անմիջապէս Արեւայոյսին թաց զգեստները հանեց ու իր ֆէրէճէն գետին փռելով՝ անոր մէջ փաթաթեց:

Փոքրիկին մէջքին «քէմէր» մը կ'ապուած գտաւ: Սիրտը զսղզղալ սկսաւ: Նայուածքը չորս կողմ պտտցուց: Եփրատին ալ նայեցաւ, անոր ալիքներուն հետ գացողները կոյր զիակներ էին: Այն քը կը դիտէր զինքը:

Քրտուէին հիմա սիրտը հանգարտ՝ քէմէրը քակեց ու համրեց մօտ 50 կարմիր ոսկի:

«Ով գիտէ ո՛ր դժբախտ մայրը կ'ապած էր այս ոսկիները» խորհրդածեց:

Ժամ մը չանցած Արեւայոյսին հագուստները չորցան, Քրտուէին իր առջև ձգեց ոչխարները, զիրկն առաւ նոր Մովսէսուէին և սովորական ժամէն շատ կանուխ տուն ուղղուեցաւ:

Քրտուէին ամուսինը երկու ամիսէ ի վեր զինուորութեան կանչուած էր: Տունը՝ պառաւցած հայստեաց կեսուր մը ունէր, որ այս տարածամ վերադարձին համար սրտենդած՝ ոչ խար ներուն նայեցաւ, որոնց փորերը երէկուան հոն լեցուած չէին և բարկացած ըսաւ.

— Ի՞նչ պատահեցաւ . . . ո՞վ է այդ փոքրիկը:

Արեւայոյս իրրե թէ իր մեծ մայրիկն ըլլար այդ պառաւը՝ երկու թաթիկները երկնցուց:

— Մամա, մամա . . . աղաղակելով:

— Կեաժուրի լակոտ է:

Արեւայոյս թաթիկները նորէն երկնցուց:

— Մամա, մամա, կրկնեց:

Պառաւը իր դէմքին քիչ մը անուշութիւյ տուաւ, խիստ շեշտն ալ մեղմացուց և շարունակեց.

— Ի՞նչ գեղեցիկ աչքեր ալ ունի:

Այն ատեն մանկամարդ Քրտուէին սիրտ առած ոսկիին քէմէրը պառաւին ամբողջը քրաւ ըսելով.

— Ալլահը տուաւ մեզի թէ՛ այս սիրուն աղջնակը և թէ՛ այս ոսկիները:

— Մամա, մամա, կը կրկնէր Արեւոյոյս:

Պառաւեր ոսկիները անու թին տակ սեղմած գրկեց՝ Արեւոյոյսը և անոր այտերը համբուրելով ըսաւ. «Անուշիկ թոռնիկս Հազրէ»:

Այդ օրէն Հազրէ անու նով մեծցաւ Արեւոյոյս՝ քիւրտի այս պարզունակ տունին մէջ:

Մինչդեռ Արեւոյոյս ջուրէն աղատած, իրքե նոր Մովսէսուհի մը, քրտական յարկին տակ ապաստան կը գտնէ՝ անդին իր մայրիկը և մեծ մայրը գարնուրեկի նոր-նոր տանջանքներու մէջ կը դալարուին:

Այդ օրերուն յուր առաւ Մարիամ հանրմ թէ Պարսամ եղբայրը քիչ վարը սպաննուած է: Իր աղջիկները առած հոն շտապեց:

Պարսամ արիւնջուայ անշնչացած գետին իռուած էր. եղբոր կինը յուսահատած՝ զաւակները առած գետ նետուած էր:

Մինչդեռ Մարիամ հանրմ իր եղբոր դիակին վրայ ինկած անոր եղերական մահը կ'ողբար՝ քանի մը չէթէներ հայու մ'ը առաջնորդութեամբ եկան զինք գտան և մէկ կողմ կանչելով բսին.

— Քու ամուսինդ Ամերիկայէն դրամ բերել տալով զէնք գնած և Արմտան զրկած է: Կառաւարութիւնը կը պահանջէ որ այդ զէնքերը իրեն յանձնես:

Մարիամ հանրմ անյողողղ շեշտով ըսաւ.

— Ոչ զէնքի տեղ գիտեմ և ոչ ալ այդպիսի յուր մը ունիմ:

— Լաւ խորհէ, զէնքերը երևան հանէ, որ թէ դուն և թէ աղջիկներդ ազատուիք:

— Ոչ յուր ունիմ և ոչ ալ զէնքի տեղ գիտեմ, կրկնեց Մարիամ հանրմ:

Այդ վայրկեանին փոքրիկ տղայ մը եկաւ Մարիամ հանրմին փաթթուեցաւ:

— Հօրքո՛ւր, մայրիկս ու եղբայրներս խղղուեցան. միայն զիս աղատեցին. ա՛խ հայրիկս, ո՛ւր էր թէ զիս ալ չաղատէին:

Այս պատանին՝ Պարսամի ամէնէն փոքրիկ զաւակն էր, Թաթուլ. ուշիմ և աշխոյժ տղեկ մը:

Չէթէները մէկդի հրեցին Թաթուլը ու նորէն իրենց խնդրին դառնալով՝ ըսին Մարիամ հանրմին.

— Աս զիչեր հոս սա վրանին տակ պառկեցէք, վաղը պէտք է ձեզ Արմտան տանինք որ պահուած զէնքերուն տեղը ցուցնէք մեզի:

Աղաւնի և Նարզուհի արցունքը աչքերուն կողք կողքի պառկեցան: Իսկ Թաթուլ իր հօրաքրոջ ծոցը կծկուեցաւ:

Գիչերը իր բոլոր տխրութիւնով մտաւ վրանին տակ՝ ուր պառկած էր այդ զօրախառն տանիքը: Թաթուլ տեսաւ որ հօրքուրը բնաւ չէր կրնար քնանալ. ստէպ լսեց երկու հարսե յուն խորունկ հառաչները:

— Հօրքուր, ինչո՞ւ չես քնանար, հարցուց թաթուլ Մարիամ հանրմին ականջին փսփսայով։  
Մարիամ հանրմ բերանը թաթուլի ականջին մօտեցուց։

— Տղա՛ս, ըսաւ, մեղմէ զէնք կ'ուզեն, զէնք չկայ, վաղը մեղի պիտի սպաննեն։

— Եկո՛ւր փախչինք։

— Չէթէները դուրսն են։

Թաթուլ կամաց մը հեռացաւ հօրքուրէն։

— Հիմա կը դառնամ, ըսաւ և վրանէն դուրս ելաւ։

Գուրսը մթուեթիւնը իր սեռեթիւնը փռած էր վրաններուն, Եփրատին և դիակներուն վրայ։  
Թաթուլենց վրանին մօտիկ կը խռկային զէնք պահանջող չէթէները։

Թաթուլ նորէն վրան մտաւ։

— Հօրքուր, ըսաւ, ելէք փախչինք, ամէնքը կը քնանան։

Մարիամ հանրմին աղջիկները իսկոյն իրենց կարծր անկողնէն վեր ցատկելով՝

— Երթա՛նք մայրիկ, ըսին, լաւ է Եփրատը նետուինք։

Մարիամ հանրմն ալ ելաւ և երբ չորսը մէկանց դուրս պիտի ելլէին վրանէն՝ ստուերի պէս մէկը մօտեցաւ։ Առաջին բուպէին չորսին սրտերը թունդ էրան, բայց շուտով խաղաղեցան՝ երբ լսեցին հայրենակից Գէորգի ձայնը որ կը հարցնէր։

— Ո՛ւր այսպէս, Մարիամ հանրմ։

— Աղջիկներս առի որ Եփրատը նետուինք։

— Հայտէ՛, մեր սարերը երթանք։

Մարիամ հանրմ քիչ մը տատամսեցաւ, 4րկնեց որոշումը — Լա՛ւ է մեռնինք։

— Չէ հօրքուր, վրայ բերաւ թաթուլ, հոս վերը սարերը մենք ազգականներ ունինք անո՛նց երթանք։

Նարդուէին միայն դժկամակեցաւ, որովհետեւ այդ օրը իր զաւակը Եփրատին էր տուած և ինքն ալ կը բաղձար անոր ետեէն երթալ։

Մեծ քոյրը, Աղաւնին, իր քրոջ թէն ինկաւ ու անցան Եփրատի կամուրջէն։

Եփրատի ալիքները այս մթուեթեան մէջ օրօր կ'ըսէին Արեւոյտին զլխուն վերև, թէ դայն կ'ողորային։

Նարդուէի այդ անձանօթ երգէն նորէն ջղայնտուեցաւ, և քանի մը հառաչանքներէ ետք գետին ինկաւ։

Մայր ու աղջիկ շիեցին դժբախտ դեռատի մօրը թեւերն ու կուրծքը, քիչ մը ջուր տուին Նարդուէի սթափեցաւ, ուժ առաւ և նորէն սկսաւ իր սե ճամբան շարունակել։

Քալեցին, քալեցին անոնք թաթուլին ետեէն՝ մինչև որ ձորի մը եզերքը հասան։

Արեւելքը արդէն սկսած էր կարմրիլ, երկնքի աստղերն ալ մարիլ սկսած էին։

— Հոս, այս քարայրին մէջ մնանք, որ ցորեկով ճամբարնիս շարունակելը վտանգաւոր է, ըսաւ Գէորգ:

Մտիկ ըրին ու ձորին քովիկը քարայրը մտան և քնացան:

Արևը ձորին ջուրին վրայ զարկած էր՝ երբ արթնցան: Գուշակեցին թէ կէսօր եղած է: Բայց Նարգուհին դեռ կը քնանար:

Թաթուլ գաղտագողի հեռացաւ քարայրէն ու կանաչներու մէջէն գնաց զիտելու այն սարերը՝ որոնց վրայ ապաստանած էին Արմտանի յեղափոխականները:

Քարայրին մէջ ամէնքը լուռ՝ յանկարծ Նարգուհիին դարձան, որ թևերը բացած քուշին մէջ սա խօսքերը կ'ըսէր.

— Եկո՛ւր, եկուր Արևայոյս, մայրիկդ եմ:

Մարիամ հանրմ նշմարեց որ Նարգուհին քուշին մէջ ձիգ մը կ'ընէր վազելու:

Շուտով արթնցաւ դժբախտ մայրիկը և տատամտտ նայուածքը մօրը և քրոջը տալէն ետք ըսաւ.

— Հո՞ս ենք: Ես Եփրատի եղերքն էի հիմամե՛ղք որ երազ էր. ի՞նչ աղուորիկ էր Արևայոյս, մամա ըսելով երկու ձեռքերը ինձի երկընցուցած ջուրէն դուրս կ'ուղէր ելլել վազեփորձեցի զինքը գրկելու ջնամար: Ա՛խ, ինչպ'օ արթնցայ:

— Երանի՛ իրեն որ գնաց երկնքի մէջ հրեշտակ մը ըլլալու: Ի՞նչ մեղք ունէր այդ անմեղ մանուկը մեղի հետ շարչարուելու:

Քիչ վերջ դարձաւ Թաթուլ Նորեան Աղաւնիի մը պէս աւետելու թէ՛ իրենց սարերը հեռու չեն, ուր կարծած էր տեսնել իր կտորի՞ հայրենակիցները:

Հաղիւ թէ մ'ութր կոխեց՝ ճամբայ ինկաւ Մարիամ հանրմ: Թաթուլը միշտ առջևէ ինկած էր:

Իրիկուան դէմ հասան այն սարերը որ Արմրտանի զիմացը կը բարձրանային: Անոնք ապանատես եղան լոյսերու երթևեկին: Թուրքերը տունէ տուն մտնելով կը կողոպտէին հայ օճախները:

Գէորգ ժայռի մը ետև նստեցուց իր հետեւորդները ըսելով.

— Սպասեցէք հոս՝ մինչև որ վերադառնամ, ես Արմտան երթամ և պահած զէնքերս առնեմ դամ:

Մինչ այդ՝ անոնք անօթի ծարաւ սպասեցին գրեթէ մինչև առտու:

Գէորգ զէնքերով բեռնաւորուած դարձաւ երբ արդէն լուսնայ սկսած էր:

Արևը դեռ հաղիւ ելած զիմացի սարերը՝ ոսկեղօծել սկսած էր՝ Թաթուլ յանկարծ բացապանչեց.

— Հօրքո՛ւր, տե՛ս, հոն քարայրին մէջէն գը-  
շուխ մը դուրս ելած է:

Ամէնքը իրենց նայուածքը Թաթուլի ցու-  
ցամատին ուղղութեան տարին և տեսան յիրա-  
ւի գլուխ մը, թէև չկրցան ճանչնար:

— Ապահով մեր կտրիճներն են, ըսաւ Գէորգ,  
շտապենք, հո՛ն երթանք:

Թաթուլ միշտ առջևէ ինկած էր: Այս ան-  
գամ այդ փոքրիկ կարապետը փամփուռներով  
զարդարած էր իր մէջքը և ուսին վրայ ալ կը  
կրէր հրացան մը:

Երբ քարայրին մօտեցան՝ Թաթուլ իր քայ-  
լերը արագեց կամացնելու համար թէ եկողները  
թշնամիներ չեն:

Թիւով 12 ծանօթ երիտասարդներ կային  
այդ քարայրին մէջ:

Մարիամ հանրմին երևումը արեւէն աւելի  
հաճելի էր այդ կտրիճներուն:

Հայ ֆէտայիներուն խմբապետն էր Գուր-  
գէն, Պարսամի եզրօրորդին և Թաթուլի հօրեղ-  
բօրորդին, որ շժրախտարար ծունկէն վիրաւոր-  
ուած ըլլալուն՝ իր հրամանները անկողնէն կու  
տար:

Փոքրիկ Թաթուլը իր անվախ սրտով և  
յանդուզն քայլերով հուրին ու ջուրին մէջ կը  
մտնէր՝ հրը հրամանը իր երէց հօրեղբօրորդիէն  
կու գար:

Կիները հայ կտրիճներուն կերակուր կ'եփէ-  
ին, փոխնորդները կը լուային: Մարերուն վրայ  
նոյնիսկ հաց եփելու փոքրիկ փուռեր շինած էին:

Երկաթ ամիսներ անցուցին անոնք միշտ  
սարէ սար փոխադրուելով և երբեմն ընդհարում-  
ներ ունենալով թուրք չէթէներու հետ:

Օր մը, երբ Մարիամ հանրմ Գուրգէնի սը-  
նարին քով նստած էր մտածկոտ՝

— Հօրքո՛ւր, ըսաւ Թաթուլ, ես այս գիշեր ձեր  
դրացի Շապան աղային պիտի երթամ իրեն ծա-  
ռայելու:

— Ոչ զաւակս, մենք առանց քեզի չենք մնար:

— Դուն թող տուր որ երթամ, լաւ պիտի ըլլայ:

Այդ իրկունն իսկ Թաթուլ անյայտացաւ:

Շապան աղան Մարիամ հանրմի դրացի  
թուրք մըն էր, իր երիտասարդութեանը Գրիգոր  
էֆէնաթի հօրը մօտ ծառայած ըլլալուն՝ երախ-  
տապարտ մնացած էր այդ ընտանիքի պարագա-  
ներուն:

Շապան երբ իր կիները հողին յանձնեց՝ Ակնցի  
հայ որբաշարի մը իր տունը բերաւ ըսելով:

— Քեզ չեմ բռնադատեր, դուն քու կրօնքիդ  
և ազգութեանդ մէջ մնացիր:

Այդ ամուսնութիւնը օրհնութիւն մը եղաւ  
այդ տեղի հայոց համար, որովհետև ո՛չ թէ Ակնցի  
կիներ թրքացաւ, այլ Շապան աղան զաղտնօրէն  
հայացաւ և ձեռքէն եկած օգնութիւնը հասցուց

բոլոր այն դժբախտ հայերուն՝ որոնք աքսորի օրերուն իրեն տունը ապաստանեցան:

Իրկուն մը, երբ Շապան աղա աքսորի ճամբէն փախած հայ ազջիկներու հետ հացի էր նստած, կամաց մը փողոցի դուռը զարկին:

— Նորէն քուկիններէդ պիտի ըլլան, վախճալով զարկին զրանը, ըսաւ Շապան աղա իր կնոջ:

Կինը անմիջապէս դուռը բանալու գնաց:

— Թաթուլ, ուսկի՞ց կու գաս այս ժամուն:

— Հօրքուրէս շատ մը բարե բերի:

Շապանի ուրախութիւնը չափ չունէր: Իր Պարսամ բարեկամին այդ փոքրիկը շատ կը սիրէր:

Թաթուլ երբ ներս մտաւ՝ հայ ազջիկները ձգած իրենց ճաշը՝ «Ա՛հ, Թաթուլն է, Թաթուլն է» ըսելով վրան խուփեցին: Ոմանք կու լային:

— Լալու ի՞նչ կայ:

— Ի՞նչ լաւ կ'ըլլար եթէ քոյրդ Սաթենն ալ մեզի հետ դառնար:

— Ի՞նչ, քոյրս կ'ապրի՞:

— Այո՛, ա՛ն ալ չէր խեղդուած, զի՛նքն ալ ազատած էին: Սաթեն մեզի հետ մինչև Սերաստիա եկաւ, և որովհետև ան մեր մէջ ամէնէն գեղեցիկն էր՝ Սերաստիայէն զապիթ մը զինքը իր տունը տարաւ:

Թաթուլ դէմքը երկու ձեռքերուն մէջ առած սկսաւ լալ և ուզեց դուրս ելլել:

— Ո՛ւր այսպէս Թաթուլ, հարցուց Շապան աղա:

— Երթամ քոյրս ազատեմ: Լաւ էր որ մեռնէր Եփրատի մէջ քան թէ թրքանար:

— Տղա՛ս, տեղդ հանգիստ նստէ. Սերաստիան մեր տանը զիմացը չէ, չորս օրուայ ճամբայ է: Ըսէ՛, ուսկի՞ց կու գաս:

— Մարիամ հանրմէն բարե բերի:

— Ի՞նչ, կ'ապրի՞ն, ո՞ւր են:

— Մի՛ գիտնար ուր ըլլալին, միայն գիտցիր թէ կ'ապրին և անօթի են:

Շապան աղա անմիջապէս երկու մեծ հաց և ուտելիք պատրաստել տուաւ ու զրկեց:

— Վաղը իրիկուն պիտի գամ և հոս պիտի մնամ, ըսաւ Թաթուլ և սարերու ճամբան բռնեց:

Դեռ աստղերը երկնքի վրայ չէին մարած լուսինն ալ մինչև Մարիամ հանրմի թաքստոցը իրեն ընկերեց: Թաթուլ երբ քարայրին մօտեցաւ իրենց յատուկ նշանը տուաւ երկու անգամ կրկնելով «փո՛ւ, փո՛ւ»:

— Մայրիկ, Թաթուլն է, ըսաւ Նարդուհին:

— Վա՛յ, աչքդ չեղէ, չկրցա՞ր Շապան աղային տունը գաննել:

— Գտայ, հաց ալ բերի:

Թաթուլ փղձկեցաւ.

— Հօրքուր, Սաթենը կ'ապրի եղեր, պէտք է աղատեմ:

Երկրորդ օրը Թաթուլ նորէն Շապան աղայի տունը գնաց և յաջորդ օրը կ'մին աղայի քով մտաւ իրրե հովիւ:

Բոլոր թուրքերը զինք կը սիրէին և Թալիբ կը կոչէին: Էմին ազան ալ կը սիրէր:

Շարաթ մը ետք Էմինի ոչխարներէն մէկը պակսած էր: Գրեթէ ամէն շաբաթ մէկ մէկ հաս կը պակսէր: Անդին, սարերու վրայ ապաստանող մեր հայ կտրիճները ամէն կիրակի ոչխար մը կը մորթէին: Իսկ Թաթուլ կեղծ արցունքներով կ'ըսէր Էմին ազալին. «Այսօր դայիերը ոչխար մը տարին»: Ազան կը պատասխանէր. «Դուն ողջ մնացիր»:

Յետոյ անդրադարձաւ Մարիամ հանրմ թէ ինչո՞ւ հովիւ եղած էր Թաթուլ:

Իրիկուն մը Արմտանի մէջ հրացանաձգութիւն սկսաւ: Սարի ազաքը կարծեցին որ քաղաքին մէջ մնացած հայ ծերերը և պառուսները կը սպաննուին: Մարիամ հանրմ քարայրին մէջ իր ազջիկներուն հետ կծկուած էր երբ Թաթուլ հեռուէն կրկնեց «փո՛ւ, փո՛ւ»:

Նարդուհին մօրը դարձաւ.

— Մայր, Թաթուլն է, կ'երևի ջարդէն ազատած է:

Անմիջապէս ներս մտաւ Թաթուլ և ըսաւ.

— Հօրքուր, Շապան ազան զրկեց ըսելու որ քնաւ չլախէք հրացանաձգութենէն, թուրքերը

«տօնանմա» կ'ընեն . . . իբր թէ Պաթումը գրաւած են:

Երկրորդ օրը Մարիամ հանրմ Շապան ազալի խորհուրդով Արմտան իջաւ և ատեն մը իրենք ալ մնացին այդ բարի թուրքին տունը:

Քանի մը ամիս ետք, երբ Ռուսերը մինչև Երզնկա հասան, թուրքերը նորէն նեղեցին հայերը, և բոլոր տուները խուզարկելով բռնածնին զէպի Սերաստիա քչեցին:

Թաթուլ Մարիամ հանրմին հետ աքսորուիլ ուզեց՝ որպէսզի իր քոյրը ազատէ:

Քանի մը հարիւր կանոնաւոր զօրքեր սարերը ելան, զիմադրող հայ ֆէտալիները սպաննեցին և քանի մը կտրիճներ ալ դերի բռնեցին: Սպանուածներուն մէջ էր նաև Գուրգէն:

Սերաստիոյ մէջ խոհարարի մը մօտ աչկերտ մտաւ Թաթուլ, իր քրոջ տեղը իմացաւ, ստէպ անոր տեսութեան կ'երթար և կը յորդորէր որ փախչի, բայց քոյրը չէր ուզեր հանգիստը թողուր:

— Ա՛խ Սաթեն, եթէ այս շուներուն քով պիտի մնայիր լաւ չէ՞ր որ դուն ալ մեռնէիր:

Օրէ օր կը հաւէր ու կը մաշէր Թաթուլ. «Ա՛խ հօրքուր, ո՛ւր էր թէ չիմանայի որ Սաթենիկը կ'ապրի»:

Հօրքուրը ի զուր համբերութեան կը յորդորէր պատանի Թաթուլը:

-- Համբերեմ, համբերեմ, հապա եթէ վաղը զինքը թուրքի մը կի՛նը ընեն:

Թաթուլի իր բոլոր կորուստները մուցաւ աչն օրը՝ երբ իր քոյրը ազատեց գրեթէ մերկէ Այդ օրը իրեն համար ո՛չ աքսոր և ոչ ալ պատերազմ գոյութիւն ունէր: Երջանիկ էր:

\* \* \*

1917-ի գարնան արդէն խօսուածութիւնները մեղմացած էին: Մարիամ հանրմ իր աղջիկները առած՝ Թաթուլին և քրոջը հետ նորէն Արմտան դարձաւ:

Այդ տեսները Արմտանի մէջ երեցաւ 8 տարեկան տղեկ մը, «էթէմ» կը կոչէին զինք, շատերը անծանօթ թուրքի մը զաւակ կը կարծէին, և արդէն ինքն ալ իբրև թուրք ներկայացած էր ու լայով պատմած էր թէ հայերը ի՛նչպէս սպանած էին իր հայրն ու մայրը:

Բոլոր խանութպանները ամէն օր տասը փարա տալ այդ որբ էթէմին՝ խեր կը համարէին, բայց ոչ մէկ թուրք կին իր տունը կը տանէր մաքրելու համար զայն:

Թաթուլ օր մը շուկային մէջ լսած էր անոր բերնէն հայ հառաչանք մը, և անկիւն մը կանչելով ըսած էր.

— Մա՛նչ, դուն հա՞յ ես:

— Այո՛, դո՞ւն ալ հայ ես:

Ու յանձնարարած էր հեռուէն իրեն հետե-

ւիլ մինչև Շապան աղայի տունը ուր կը մնային: Մարիամ հանրմ իսկոյն լոգցուց Արչակը և նոր զգեստ տուաւ:

Ճաշի ատեն Նարգուհին երբ Արչակին կը նայի — որուն մէկ աչքը Արևայտոյին աչքին նման քիչ մը չիլ էր — միտքը կ'իյնայ իր անդրանիկ զաւակը՝ զոր երկու տարի առաջ Եփրատի ալիքներուն տուած էր և կը սկսի լար:

— Ինչո՞ւ կու լսա քուրիկս:

— Իր կորսնցուցած զաւակը յիշեց, կը պատասխանէ Մարիամ հանրմ:

— Հոգ մի՛ ըներ քուրիկս, Աստուած մեծ է, ես ալ իմ քուրերս կորսնցուցած եմ, կ'րսէ Արչակ տարիքաւորի մը լրջութեամբ:

Ամէն իրկուն, Արչակ թուրքերուն մէջ կը մտնէր անոնց զազանի լուրերը Մարիամ հանրմենց հաղորդելու համար: Օր մ'ըն ալ լուր բերաւ Արչակ թէ՛ Ռուսաստանի մէջ յեղափոխութիւն ծագած է և պատերազմը վերջացած:

1917-ի աշնան, Մարիամ հանրմի դրացուհի մը, որ շատ անգամներ գրկած էր Արևայտոյը և անոր անուշ աչքերը համբուրած՝ մօտակայ աքսորավայրէն կը դառնայ՝ ճամբան տունէ տուն հայ մուրալով:

Եփրատի եզերքը, քուրտի մը տան դուռը կը  
զարնէ: Պառաւ քրտուէի մը իր մեռած զինուոր  
տղուն հոգւոյն կէս հաց կու տայ հայ կնոջ:

Փսքրիկ հինգ տարեկան աղջնակ մը երբ  
տեսաւ որ մեծ մայրը հաց տուաւ այդ օտարին՝  
ինքն ալ իր ձեռքի անգամ մը միայն խածած  
չերտ մը հացը անոր երկնցուց գթութիւն ար-  
տայայտող անուշ նայուածքով մը:

— Ապրի՛ս Հազիրէ, ըսաւ պառաւը զայն շոյե-  
լով: մինչդեռ հայ կինը այդ փոքրիկին վրայ  
Նարդուէի հէմքը տեսնելով՝ Արեւոյոյսին ա-  
նուշ աչքերը գտաւ անոր վրայ և չկրնալով  
ինքզինքը զսպել՝ համբուրեց անոր աչքերը և  
չարունակեց ճամբան զէպի Արմտան:

Երկրորդ օրը այս զրացի հայուէին Նար-  
դուէին առած՝ քրտուէիին տունը գնաց հաց  
խնդրելու պատրուակով:

Տանը առջև քանի մը փոքրիկներ կը խա-  
ղային, անոնց մէջ էր նաև Նարդուէիին աղջը-  
նակը՝ որուն զէմքը արեւի պէս կը բոցավառէր:

Տարակոյս չկար. Արեւոյոյսն էր, անոր ա-  
նուշիկ աչքերն էին:

Նարդուէին ինքնիրմէ դուրս ելած՝ զրկեց  
իր սիրասուն զաւակը, սեղմեց զայն իր կարօտով  
լեցուն սրտին վրայ, մինչդեռ Արեւոյոյս կու լայ,  
ազատիլ կ'ուզէ իր հարազատ մօր զրկէն և քրտե-  
րէն բառերով իր մեծ մայրը օգնութեան կը կանչէ:

Բուրտ պառաւը և հարսը երբ անձանօթ  
կնոջ մօտ հասան՝ մէկ խօսք չկրցան արտասա-  
նել: Ան, Նարդուէին, ճիշտ Հազիրէին դէմքն  
ունէր և ինքը միայն կրնար մայրը ըլլալ ջու-  
րէն ազատուած այդ աղջնակին:

Նարդուէի երբ նշմարեց մանկամարդ քրո-  
տուէին՝ գնաց ողջագուրեց զայն որ Եփրատէն  
ազատած ու խնամած էր իր Արեւոյոյսը, մինչ-  
դեռ անխեղձաս աղջնակը՝ ուրախ, ազատած  
ըլլալուն անձանօթ և օտար կնոջ մը բազուկնե-  
րէն՝ դացեր էր մեծ մօր քղանցքին տակ պահուելի:

— Աստուած քեզի խնդալ տուաւ, ինչպիսի  
օր մըն ալ մեր զինուոր զաւակը կու գայ դը-  
ներնիս զարնելու, ըսաւ պառաւը Նարդուէիին:

— Մենք, ըսաւ հարսը, ներկայիս ի վիճակի  
չենք ձեզի վերադարձ ելու այն յիսուն ոսկին՝  
որ Հազիրէի մէջքին կապուած գտանք:

— Հէլալ ըլլայ ձեզի, ըսաւ Նարդուէի, և նո-  
րէն ուզեց բազուկներուն մէջ առնել իր հոգե-  
հատոր զաւակը:

Արեւոյոյս լալով նորէն փախաւ:

Նարդուէի պիտի չկարենար Արեւոյոյսը տուն  
տանիլ՝ եթէ պառաւ քրտուէին խորհուրդ չտար  
որ հարսն ալ քանի մը օր միասին մնայ՝ մինչև  
որ Հազիրէն իր հարազատ մայրիկին վարժուի:

Այսպէս ալ ըրին և դեռ արևը մայրը չմտած  
Նարդուէի իր զաւակին հետ տուն հասաւ:

Ամիս մը ետք Արևալոյս այնպէ՛ս մը իր հարազատ մեծ ու պզտիկ մայրերուն կը փարէր՝ որ կարծես երեք տարուայ ի զուր վատնուած սէրը կ'ուզէր զգար:

Ջուրէն ազատած այս Նոր Մովսէսուհին սպեղանի մը դրաւ Մարիամ հանրմի սրտի խոցերուն վրայ: Կարծես մեծ մայրը մոռցաւ իր անղարմանելի կորուստները . . .

\*:

Ձինաղաղարէն ետք Արևալոյս իր մօրը, մօրքրոջը, Թաթուլին ու Սաթենին հետ Ամերիկա գնաց, իսկ մեծ մայրը և Գրիգոր էֆէնտին Պուքրէշի մէջ իրենց թոռնիկին կարօտով կը տոչորին, որ, Ջուրէն ազատած, իբրև Նոր Մովսէսուհի մը, ովկիանոսներէ անդին, Նոր Աշխարհի մէջ կ'ապրի:

Ո՛ւր մնաց Արշակը: Ա՛ն մարգարէացաւ թէ Նարգուհին պիտի գտնէր Արևալոյսը: Արդեօք ինքն ալ գտա՞ւ գէթ իր մէկ քուրիկը:

«Ահաբ լերան չի հանդիպիր, բայց մարդը մարդուն կը հանդիպի» ըսած է իմաստուն ժողովուրդը:



## Փ Շ Ր Ո Ի Ա Մ Ձ Ա Ն Գ Ա Կ Ն Ե Ր

Թրանսիլվանիոյ Եղիսաբեթուպոլիս հայաքաղաքին մէջ դար ու կէս առաջ Մխիթարեաններու կառուցած վանքին մէջ է խցիկս 1915-ին, վանքը կը գտնուի քաղաքի հրապարակին վրայ և իր մայր մուտքի դրան ճակատը կը կրէ ճերմակ մարմարիոնի վրայ հետեւեալ արձանագրութիւնը.

«Մի՛ Մեջ Տէր, Մի՛ Մեջ . . . »

Ինչո՞ւ այս արձանագրութիւնը Չեմ ուզեր մեկնիչ մը ըլլալ և ոչ ալ պէտք կը զգամ երկրորդ տողը կարդալու. «Մի՛ մեզ Տէր, մի՛ մեզ» . . . աս բաւական է:

Ջարդերու, աւարառութեանց տառապանքէն փախած կործանուած Անիի մնացորդ հայորդիները՝ Ղրիմէն Պեսարապիա, Մոլտովա և յետոյ հոս ինկած ու անհայրենիք ծիծեռներու պէս իրենց բոյնը չինած՝ երբ տարերային արհաւիրքի կամ իրենց սերունդը բնաջնջել ուզող բանակներու ստնաձայնը կ'առնեն՝ այսպէ՛ս պէտք է աղօթեն աշխարհը կառավարող Երկնքի Տիրոջ.

«Մի՛ մեզ Տէր, մի՛ մեզ»:

«Այ յազնա՛ծ ենք և ուժասպառ եղած, Տէ՛ր»

Թող հեռու մնան մեզմէ արհաւիրքն ու հարս-  
ժանքը, հուրն ու սուրբ: Մենք տեսանք մեր  
պապերուն ու հայրերուն կեղեքուելը, պանդխ-  
տութեան սև օրերու մէջ անոնք մեր առջև  
արտասուեցին՝ կործանուած Անիի կարօտը քա-  
շելով:»

«Մի՛ մեզ Տէր, մի՛ մեզ այդ տխուր օրերը:»

\*

Ոցիկիս մէջ նստած՝ կը շարունակեմ գրա-  
կան մէկ աշխատանքս կ'ուզեմ ա'յնպիսի գործ  
մը թողուլ՝ որ իմ բոլոր ազգակիցներուն օգտա-  
կար ըլլայ, ամէնքը պէտք ունենան անոր. վեր-  
ջապէս կ'ուզեմ անունս ապրեցնել գրքի մը հետ  
ու այդ գիրքը զրկել հեռաւոր արեւակիցներուս:

Ու առաւօտէն մինչև իրիկուն կ'աշխատիմ  
պատմական, մատենագրական, քաղաքական հայ  
անունները կարգի դնել՝ խառնած հայրենի աշ-  
խարհագրական անուններու՝ համառօտ ծանօ-  
թագրութիւններով:

Տարիներ աշխատած եմ ու դեռ շատ տա-  
րիներ ալ պիտի աշխատիմ:

Դուրսը պատերազմ կայ: Տարիէ մը ի վեր  
Եւրոպայի «քաղաքակիրթ» կոչուած ազգերը  
գազանային կիրքերով զիրար կը վիրաւորեն,  
զիրար կը սպաննեն և փոխադարձ իրարու դիւ-  
շեր կ'այրեն կամ կը կործանեն:

Ի՞նչ փոյթս:

Մենք հայերս, ա'յնքան տառապելէ հաք՝  
թող ուրիշներն ալ տառապին մեր ցաւերուն  
խորութիւնը ըմբռնելու համար:

Ի՞նչ հոգս, թէ իմ դրացի հունգարուհին  
Ռուսական ձակատին վրայ երէկ ինկած իր ա-  
մուսինը կ'ողբայ: Ի՞նչ հոգս, թէ հարիւրաւոր  
վիրաւորներ կը հասնին, թէ հիւանդանոցները՝  
դօրանոցները և նոյնիսկ դպրոցները լեցուած են  
վիրաւորուածներով:

Հայ կինն ալ իր ամուսինը կորսնցուց, և  
քիւրտը անոր ինչքն ալ յափշտակեց, դե՛ռ աւե-  
լին՝ ազջիկն ալ առևանդեցին: Օտարները հոգ-  
ըրի՞ն մեզի համար:

Անզգայ եղած եմ օտարներու արիւնոտ  
դազաղներուն հանդէպ:

Առաւօտէն մինչև իրիկուն կ'աշխատիմ  
Առձեռն Հայ Համայնագիտակիս վրայ, մինչդեռ  
դուրսը հունգար, գերման, պուլկար և նոյնիսկ  
թուրք մարշերը կը նուազեն ու կ'երգեն:

Լրագիրներէն առաջ՝ հեռագիրները կը հաս-  
նին քաղաքապետարան. «Լեմպերկր ինկած է  
ռուսական բանակին առջև, ռուսերը Սուչավան  
և Չերնովիցը գրաւած են»:

Հեռագրական այս լուրերը, որոնք յետոյ կը  
հաստատուին լրագիրներով, սկսան զիս անհան-  
գիստ ընել. Չէ՞ որ այդ քաղաքները իմ Համայ-  
նայինն էին:

նագիտակիս մէջ անցուած են իբրև Հայաքաղաքներ, ուր մեր նախնիքը՝ սերունդ մը և պատմական նշխարներ թողած են:

Իսնի մը օր յետոյ լուր կու գայ թէ «Իերմանները Վարչաւիան կը գրաւեն, ոուս բանակը բազմաթիւ զոհեր կը թողու»:

Սարսուռ մը կ'անցնի մէջէս, մինչ զուրը տեղացի ժողովուրդը ցնծութեան մէջ է:

Ռուսական բանակին մէջ անշուշտ որ կան Ղարարաղի, Ալեքսանտրապոլի, Երևանի իմ արենակիցները:

Հունգար օրաթերթերը որ կը բացուին առջև՝ ինձի կը բերեն վառօդի հոտը և թնդանօթներու սրտուամը:

Մէկ ճակատի վրայ Ռուսը կը յաղթանակէ, միւս ճակատին վրայ Մաճառը: Երկու պարտուած բանակներուն մէջ իմ գեղին զաւակները կը զոհուին: Չեմ գիտեր, ո՞ր բանակին յաղթութեան համար աղօթեմ:

Դժբախտ Հայ ազգ:

Միակ հայերէն լրագիրը զոր կ'ընդունէի՝ Պուլկարիա հրատարակուած «Հայաստան»ն էր:

Թուրքիա, իբրև զաշնակից Աւստրիա-Հունգարիոյ, պատերազմ յայտարարեց Համաձայնականներու դէմ: Հոն ևս հայերը ճակատամարտի առաջին գծին վրայ դուրեցան, պաշտպանելու համար այն պետութիւնը՝ որ իրենց ծնողքը կը

տեղահանէ ու հեռաւոր տեղեր կ'աքսորէ:

Ամէն օր լրագիրները տխուր լուրեր կը բերեն Թուրքիայէն: Ճիշտ այն օրը երբ յայտնի գրող Ռուբէն Զարգարեանի մասին կը գրեմ Համայնագիտակիս մէջ՝ «Հայաստան» լրագիրը կ'ընդունիմ, ուր կը կարգամ թէ Թուրքերը զինքը գիտատած են: «Հայաստան»ի նոյն թիւին մէջ կը կարգամ թէ Մուշի, Կարինի, Զէյթունի, Սասունի հայ բնակչութիւնը իր տունն ու տեղը թողած՝ քշուած է Արարիոյ անապատները և շատերը հոն նահատակուած են սուրով կամ գընդակով:

Արդեօք որո՞ւ յանձնեցին զարեք է Վերկանդուն մնացած գեղեցիկ եկեղեցիներն ու ուխտատեղիները, վանքերը, թանկագին հին ձեռագերներն ու հրաշագործ մագաղաթեայ աւետարանները, և մանաւանդ իրենց սիրելի մեռելները:

Ուրեմն պէտք է աւրե՛մ վերև յիշուած քաղաքներու հայ բնակչաց թիւը:

«Հայաստան» լրագրի յաջորդ թիւը մահը կը գուժէ Վարուժանի և Ռ. Սևակի, որոնք Թալեթ փաշայի հրամանով սպաննուած են:

Չկրցայ արցունքս զսպել. յացի իմ երկու սիրելի բանաստեղծներուն մահը, բացի Համայնագիտակս և ասոնց անուններուն առջև մէկ մէկ սև խաչ զրի՛:

Այլևս եռանդ չեմ զգար Համայնագիտակիւ վրայ աշխատելու:

Ինչո՞ւ աշխատիմ և որո՞ւ համար: Ապագայի իմ ազգակից ընթերցողները իրարու ետևէ կ'աքսորուին և աքսորի ճամբուն վրայ կ'իյնան անօթի, ծարաւ, յոգնած, կաշի-ոսկր դարձած:

Թայեաթ և էնվէր փաշաները իրենց դազտանի ծրագիրը կ'իրագործեն, այն է ընաջնջել հայութիւնը՝ առանց բացատուծեան, ըլլան հոգեւորական կամ ուսուցիչ, ըլլան զրոզ կամ քրեափոխան:

Հրամանը խիստ էր: Բոյոր հայերը պէտք է տեղահանուին. քար քարի վրայ պիտի չմնայ: Ո՛չ մէկ հայու իրաւունք կը տրուի իր պապենական յարկին տակ մնալու. ո՛չ մէկ հայ իրաւունք ունի իր պարտէզին պտուղը ճաշակելու. ամէնքը մահուան դատապարտուած են:

«Հայաստան» լրագրի վերջին թիւին մէջ գրուած է թէ «Իդնիմիտ իր շրջակայ հայ գիւղերով տեղահանուած է»: Սիրտս կը գողգոջայ, որովհետև իմ հայրենիքը, Պարտիզակ ևս իզմիտի դաւառին մէջ կը գտնուի:

«Հայաստան» յաջորդ թիւին մէջ կը կարդամ որ բացառաբար միմիայն Պարտիզակը պիտի չտեղահանուի, որովհետև ժողովուրդը երկու հազար կարմիր ոսկի խոստացած է վճարել կառավարութեան:

Անհամբեր՝ յաջորդ լրագրին կը սպասեմ, ո՛հ, արդեօք իմ հայրենակիցները վճարած են խոստացուած փրկանքը: Ո՛րքան տնչափ է ուրախութիւնս, վճարած են: Հիմա հանդիստ է հոգիս, եռանդով սկսայ Համայնագիտակիւ վրայ աշխատիլ:

Շարաթ օր մը դուրս կը նայիմ պատուհանէս, առջև է հրապարակը. ժողովուրդը լեցուն է, չորս կողմերէն եկած են տօնավաճառի. մաճառ, սաս և ոսման կիներ կարգաւ կեցած են իրենց հաւն ու հաւկիթը, սոխն ու գետնախորնձորը վաճառելու:

— Երջանի՛կ հայ տիկիներ, կ'ըսեմ ես ինծի, դուք հոս ամէն ուղածնիդ կրնաք գնել, մինչդեռ անդին, շա՛տ հեռուն, Արարիոյ անապատներուն մէջ ձեր ազգակիցները անօթի ծարաւ կը մեռնին:

Հրապարակին վրայ շատ քիչ այր մարդ կ'երևի, որովհետև մինչև 40 տարեկանները զինուոր տարուած են:

— Փո՛ստա:

Նամակարերը ինծի կու տայ «Հայաստան»ը: Ամէնէն առաջ վերջին լուրերուն աչք մը կու տամ:

«Պարտիզակ տեղահանուած»:»

Լրագիրը վար կ'իյնայ ձեռքէս. յետոյ Համայնագիտակս կ'առնեմ ու գետին կը նետեմ:

Ինչո՞ւ չարունակեմ աշխատիլ, քանի որ ամբողջ Հայաստանը գերեզմանի վերածուած է: Թմբած ու արցունքով թրջուած բազուկիս վրայէն վեր կը վերցնեմ գլուխս, կը լսեմ որ դուրսը հրապարակի եկեղեցւոյն զանգակը կէսօրուայ «Հրեշտակ»ը կը զարնէ:

Ինձի ա՛յնպէս թուեցաւ իրրև թէ մահագոյժ գանգն ըլլար, երկնքի ողոր մեռելներու վրայ: Իրրև թէ մեծ դազաղ մը կը տարուէր առջևէս Պարտիզակի գերեզմանի ճամբուն վրայ, որուն մէջ իմ տասը հազար հայրենակիցները, ծերն ու երիտասարդը, ազքատն ու հարուստը ողջ-ողջ թաղուելու կը տարուէին: Դժբախտ ժողովուրդ:

Չանգը լռեց, դազաղը անյայտացաւ երևակայութենէս, հրապարակի վրայ քանի մը հոգի միայն մնացեր են: Համայնագիտակց գետինն է դեռ, որուն բաց էջին վրայ կը կարգամ, «Բրիտտափոր, անձնուրաց հայրենասէր, որուն նպատակն էր Հայաստանը ազատագրել . . .»: Հիմա հայ ազգը, առանց իր սոցատութեան երջանիկ օրը ողջունելու, դէպի մահ կ'երթայ: Լրագիրը գրասեղանիս վրայ փռուած է.

«ՊԱՐՏԻԶԱԿ ՏԵՂԱՀԱՆՈՒՄ»:

\*

Եղիսարեթուպոլսոյ մէջ բոլոր ազգութիւն-

ներն ու յարանուանութիւնք իրենց առանձին եկեղեցիները ունին: Բնականաբար իրրև հայոցմէ հիմնուած քաղաք՝ ամէնէն փառաւոր և ամէնէն մեծ եկեղեցին Հայոցն է: Քաղաքին կեդրոնը, քաղաքապետարանին քով, մեծ հրապարակի վրայ, հինգ լայն քարէ աստիճաններ մեր եկեղեցւոյ մայր մուտքը կ'առաջնորդեն:

Հունգարացի Ս. Եղիսարեթի անուանով կը կոչուի հայոց այս եկեղեցին, ուր պետական տօներուն շրջակայքէն ամէն ազգեր կու գան զԱստուած փառաբանելու: Մարմնոյ և Արեան տօնին հայ, հունգար, լատին և ռոման լեզուներով կը կարգացուի Աւետարանը:

Վերափոխման տօնին — Հայոց Աստուածածնին — ուխտի կու գան նոյնիսկ շատ հեռուներէն:

Այս հրաշագործ եկեղեցւոյ ճակտին վրայ կը բարձրանան երկու աշտարակներ, որոնց վրայ ազուցուած պղինձը Մարիա Թերեզա թագուհիէն նուիրուած է: Շատ հեռուներէն կը նշմարուին փայլիլոզ այս երկու աշտարակները, որոնց մէջ գետեզուած են զանգակները:

Հոս ապրող ժողովուրդը, անխտիր, գլխարկը վար կ'առնէ, գլուխը խոնարհեցուցած կը խաչակնքէ և միասին կ'աղօթէ հայ զանգակներուն հետ՝ որոնց ձայնը շատ հեռուները կ'երթայ:

Եթէ ո՛ր և է օտար այս քաղաքը այցելէ,

—ուր հազիւ 160 հայ կ'ապրի— ապահով այս մեծ եկեղեցիին դարձած պիտի հարցնէ.

— Ո՞ւր է այս շքեղ և մեծ եկեղեցին կանգնողներուն սերունդը:

Հայերը իրենց հայրենիքէն հալածուած և հոս հաստատուած՝ ա՛յն հաւատքով և ա՛յն կամքով կանգնած են այս մեծ եկեղեցին՝ որ անոր հովանիին տակ ապրին ու բազմանան, և ամենօրեայ զօգանջը այս զանգակներուն օր մը աւետէ իրենց.

— Յնձաջէ՛ք: Հայաստանը ազատագրուած է կարող էք ձեր նախնեաց հայրենիքը վերադառնար:

Երբ առաջին անգամ, հրապարակին վրայ եկեղեցիին մօտ ճանչցայ 80 տարու Շիմի պաշին, ձեռացած՝ բայց զեռ երիտասարդ իր մտքով և զգացումով, որ Քրիստոսի օրերուն ապրող Սիմէոն ձերուների հաւատքով զեռ կը յուսար Հայաստանի ազատութիւնը ողջունել, այս պատկառելի ձերուներն զողզղացող ձեռքը եկեղեցիին դարձուցած բաւ.

— Մեր նախնիքը այդ մեծ զանգակները անո՛ր համար հոգ, վերը հանած են, որպէսզի օր մը մեզ ամէնս մեր իսկական հայրենիքը կանչեն:

Խեղճ ձերուների, մեռա՛ւ՝ առանց իրականացած տեսնելու իր երազները:

Համաշխարհային պատերազմի սկզբնաւո-

րութեան, օր մը մահը գութեցին իր ամէնէն փոքր զաւկին Յակորի, որ պատերազմի զաշտին վրայ ինկած էր: Ուժաթափ եղաւ և քիչ ատենէն հրածեշտ առաւ զանգակներէն և իր հետաւոր հայրենիքէն, յաւիտենապէս փակեց իր աչքերը:

Քանի մը օր ետք, հայ զանգակները աղի-նոցորմ ողբերով զինքը յաւիտենական հանգըստարանը տարին, վերջին հայր:

Չանգակները շարունակեցին ամէն առտու միշտ և հեռուները հնչել, աւետելու նոր սկսող օրը. Հայ Չանգակները:

\*  
\*

Բո՛ր արտասահմանեան այն հայերը որոնք Եգիպտոսի թուրքոյիս այցելած են, անպատճառ պատեհութիւնը ունեցած են ճանչնալու Տոքտոր Սիմոն Զաքարիայը, զոր ամէն ոք «Շիմի Պաշի» կը կոչէր: Տոքտոր Զաքարիայ, իսկական հայ զիմագծով և սպիտակ մօրուքով՝ ամէնքէն ճանչցուած ու սիրուած էր: Երբ երիտասարդանալ ուզէր՝ մօրուքը կը կարճեցնէր, իրրե պետական բմիչկ արդէն հանգստեան կոչուած էր, քայց նորէն շատեր զինքը կը կանչէին իրենց հիւանդը դարմանելու: Շիմի պաշի բոլոր ընկերական հաւաքոյթներու անպակաս կ'ըլլար, ինքն

էր ընկերութեան ոգին, հակառակ յառաջացած տարիքին դեռ լաւ կը ջուլթակահարէր, և շատ անգամ ջուլթակին կ'ընկերէր խաղտտ ձայնով: Երբ ծանր հիւանդի մը այցելութենէն տուն կը դառնար՝ իր աշխատութեան սենեակը կը քաշուէր և փոխանակ բժշկական գրքերու մէջ փրնտուելու յանձնարարելիք զեղերը՝ ջուլթակը ձեռք կ'սռնէր:

Շիմի պաշիին բնակարանը «նէմէշ» ուցցային (Ազնուականներու փողոց) վրայ կը դասուէր, պապենական հին տուն մը:

Այս ընտանիքն ալ շարքէն էր այն քսանի մօտ ընտանիքներուն՝ որոնք իրենց զրամով «Ազնուական» տիտղոսը գնած էին Մարիա Թերեզա թագուհիէն: Ասոր վկայ է մագաղաթեայ այն արտօնագիրը՝ ստորագրուած Թերեզա թագուհիէն՝ որ կը պահուի Շիմի պաշի տունը, քանի որ ինքն էր ամէնէն տարեցը Չաքարիաշ ընտանիքին:

Քաղաքս այցելող բոլոր հայերը անպատճառ այցելած պիտի ըլլան հիւրասէր Շիմի պաշիին տունը, որ հայ սրտին խօսող փոքրիկ թանգարան մըն է Լնդուներութեան սրահի առաստաղին վրայ նկարուած է Արարատ լեռը՝ Նոյի տապանը գագաթը: Այս կողմի հին հայերը, արցունքով հրածեշտ տալով Արարատի՝ բաժնուած են առանց անոր պատկերը ջնջելու իրենց սրտէն:

Սենեակին մէջ պատերէն կախուած են հին նկարներ, Շիմի պաշիին պապերն ու մամերը: Ինչ տարօրինակ արտայայտութիւնով զէմքեր, որ զիրենք զիտողին կը նային հայ աչքերով: Շատ տարիէ ի վեր հեռացած եմ Եզիսարեթուպոլիսէն, բայց նոյնիսկ այս վայրկեանիս ինձի կը նային անոնք:

Օր մը, պատկերներուն մօտեցայ, կրցի անունները կարդալ ու ըսի.

— Բայց, Շիմի պաշի, քու մականունդ Չաքարիաշ է, իսկ ասոնք Չատիկ կը կոչուին:

— Անոնք այդ անունով եկած են Մոլտովայէն ու յետոյ Չաքարիաշի փոխած. Մոլտովայի մեր ազգականները հոն զեռ մինչև այսօր Չատիկ կը կոչուին:

Իրաւունք ունէր Շիմի պաշին, ես ալ եկեղեցական տոմարներու մէջ ստէպ հանդիպած եմ «Չատիկ» մականունով ընտանիքին:

Շիմի պաշին մեծ դուրդուրանքով կը պահէր հին հայ ձեռագրի պատասիկներ և հայկական քանի մը դրամներ:

Հազիւ հիւր եղայ այս հայաքաղաքին 1911-ին, այս ծերունին եղաւ առաջինը որ զիս ճաշի հրաւիրեց: Նահապետական սեղանի մը շուրջ բոլորուած էին իր ամուսնացած աղջիկները՝ չորս փեսաներուն հետ, զաւակները՝ հարսերուն հետ, թոռնիկները զժրախտարար սակաւաթիւ էին

համեմատած իրենց ծնողաց տարիքին: Տխու՛ւր պատկեր:

Ճաշէն առաջ փոքրիկներէն մին ոտքի ելաւ խաչակնքեց ու բաներ մը ըսաւ, բան մը չհասկցայ բացի «ամէն»էն, սակայն ենթացրեցի որ «Հոյր մեր»ը կ'ըսէր ան հունգար լեզուով ու հայ սրտով, որուն հետ հայերէն կը մըմնջէր Շիմի պաշին:

Հայկական ճաշասեղանը հայ աչքերով ու հայ սրտերով բոլորուած էր. Շիմի պաշին էր միայն որ «հայնակ կի զիրուցէր» ինծի հետ. ինքն էր միայն մնացած օղակը հին ու նոր սերունդները իրարու կապող: Այո՛, վստահ եմ որ այս նոր սերունդը տակաւին լաւ հայ կը մնայ հագիով ու սրտով, բայց քանի որ անտեղեակ է իր մայրենի լեզուին՝ կը նմանի մեքենայի մը՝ որ չի բանիր:

Տանտիկինը կու գայ սեղանին գլուխը կը նստի, ան հոգ նստած կը պատուէ բարձր հիւրերն իսկ, ազախինը իր մօտիկը կը դնէ կերակուրները և տիկինը կը բաժնէ իր ձեռքով:

Նախ ականջապուրը կը բերուի:

Շիմի պաշին կ'ըսէ. — Մենք ասոր անկաճապուր կ'ասինք, հասըլ հայի ուտելիք է: Տէյիններն (հունգար) ա շատ կի սիրին զինքը:

Յիրուի համեզ է: Երբ կ'իմացնեմ թէ առաջին անգամն է որ ականջապուրը կը ճաշա-

կեմ՝ Շիմի պաշի այս արտառոց լուրը սեղանակիցներուն կը յայտնէ. մեծէն մինչև պզտիկը, մօտ քառասուն աչքեր մինչդեռ զարմացումով ինծի կը նային՝ փոքրիկներէն մէկը քանի մը խօսքով դամէնքը կը խնդաղնէ:

Շիմի պաշին ժպտով ինծի կ'ըսէ.

— Գիտի՞ս ինչ կ'ասի էթուչքանս կ'ասի թէ դուն հայ չիս: Հայերը սև պէտք է ըլնին:

Ե՛ս իսկ կը ժպտիմ իմ ճերմակութեանը լրաց երբ կ'անդրադառնամ թէ քսան սեղանակիցներս այ չէրքէզներու պէս թխաղէմ են:

— Կովկասեան հայեր էք դուք, մինչդեռ ևս Պոլսոյ մօտերը ծնած եմ, կ'ըսեմ:

Ճաշէն ետք, Շիմի պաշի իր տնտեսական հարստութիւնը ցոյց տուաւ ինծի. նախ պարտէզը տարաւ, ուր ամէն տեսակ կանաչեղէն, սոխէն սկսած մինչև սխտորը անպակաս էր: Իմացուց ձերունին թէ իր տիկինը պարտէզին վրայ անձամբ կը հսկէ: Յետոյ ցուցուց հաւերը, խոզերը և այլն: Գաշնամուրին ձայնը հասաւ մեզի, փութացինք ներս, հիւրասրահը:

Շիմի պաշի ջութակը ըրել տուաւ, երկու աղջիկները նստեցուց զաշնամուրին առջև, նոթա մը դրաւ անոնց դիմաց. քսան բերանները մէկանց լեցին պատէն կախուած իրենց «Չատիկ» պապերուն պէս: Ութսունամեայ ձերունին արիտասարդի աւիւնով սկսելու նշանը տուաւ.

քաշեց ազեղը ջութակին ու ինքը ևս երգեց. —  
Բա՛մ փորտտան, բարձուստ բոմբիւնք Այրարատ-  
եան դաշտն ի վայր . . . » Ոչ մէկ ատեն այս-  
քան անուշ չէր հնչած հայ քայլերզը՝ որքան  
հոս այս մաճառազած հայերու տունին մէջ, ո-  
րուն առաստաղին վրայէն իր շուքը կ'ընէ Մայր  
Հայրենիքը խորհրդանշող Արարատը . . .

Երբ ծափերը լսեցին՝ լսեցինք զա՛նգը հայ  
եկեղեցիին: Ի՛նչ անուշ ու խորհրդաւոր ձայն:  
Հայ շո՛ւնչը:

Տիկինը արդէն պատրաստ է եկեղեցի եր-  
թալու:

Թրանսիլվանիոյ մէջ՝ հայ կիներ իր տան-  
տիկնութեամբ մեծ դեր ունեցած է հայ աւան-  
դութիւններու պահպանումին մէջ:

Հայկական կերակուրները, բազալման, հե-  
րիսան, կաթան կապուած են տարուայ եղանակ-  
ներուն և տօներուն հետ՝ մինչև այսօր:

Զարմանալի չէ որ հունգար բարձր դասա-  
կարգի անձնաւորութիւններ կը նախընտրեն  
հայուհիներու հետ ամուսնանալ՝ երջանիկ օձախ  
մը հիմնելու համար: Զարմանալին ա՛յն է, որ  
Թրանսիլվանիոյ մէջ երբ հայուհին հունգարէ մը  
կը խնդրուի՝ ծնողը սրայման կը դնէ որ զաւակ-  
ները հայ եկեղեցւոյ մէջ մկրտուին, «էօսմէն»  
(հայ) կոչուին:

Հայ մայրը միշտ իր թուխ դիմագիծը կը

դրոշմէ զաւկին, և հօր կողմէ շատ մը հունգար-  
ներ կը ստիպուին հայ ներկայանար:

Բայց նորէն ժամանակն ու միջավայրը  
տարուէ տարի բան մը կը կրճեն հայ հոգիէն, և  
դժբախտարար վտան ենք որ այս երկու հարիւր  
տարուան հայութիւնը վերջ ի վերջոյ պիտի  
ձուլուի մեծամասնութեան մէջ, ինչպէս որ անց-  
եալին հայ միջավայրին մէջ ձուլուած են Պար-  
թեաներ, Յոյներ, Պարսիկներ և նոյնիսկ Հրեաներ:  
Հայ Զանգակները, այսօր չէ վազր, այդ  
տխուր անազանզը պիտի հնչեցնեն անկասկած:

Դուրսը պատերազմը կը շարունակուի Հա-  
յերը զինուոր կ'ըլլան հունգար բանակին մէջ:  
Դրեթէ առանց բացառութեան մեր բոլոր հայրե-  
նակիցները, շնորհիւ իրենց ստացած բարձր ու-  
սումին՝ սպայի աստիճանով կը մ'անեն բանակը:  
Առտու մը, անսովոր ժամուն, հայ զան-  
գակները հնչել սկսան:

Պատուհանէս հրապարակ կը նայիմ ու ե-  
կեղեցւոյ առջև կը տեսնեմ զինուորական բա-  
նակ մը որ հայ քահանային օրհնո թիւնը կ'առ-  
նէ պատերազմի դաշտը երթալէ առաջ: Յետոյ  
երգերով ոգևորուած կայարան կ'իջնեն, որոնց  
կ'ընկերիմ և ես Շիմի պաչիին հետ: Այս խում-

բին մէջ է Շիմի պաշինն Վիկտորը: Երբորդ որ-  
դին է որ պատերազմի կ'երթայ՝ անդրանիկ դա-  
ւակ մը թողլով դեռատի կնոջ բազկին վրայ:

Ես Վիկտորը շատ կը սիրէի, ան սուտերով  
համեմուտած դիւրհասկնայի պատմութիւններ  
պատմելով սորվեցուց ինծի հունգար լեզուն:

Երբ գինուորները հրաժեշտի գինուորական  
բարեւ տուին ողջերթի եկող բազմութեան՝ հայ  
և հունգար օրիորդներ ծաղիկներ դրին իրենց  
հայրենիքի պաշտպաններուն հրացանին, գլխար-  
կին վրայ: Հոն է քաղաքապետին աղջկը պար-  
թե հասակով, ոսկեգոյն խոպոպ մագերը ուսե-  
բուն վրայ, որ ամէն իրիկուն հպարտ արտայայ-  
թիւն մը իր լուսաւոր դէմքին՝ հրապարակին  
մայթերուն վրայ կը ձեմէր:

Ո՞վ չէր գիտեր այդ հպարտ ու գոռոզ օրի-  
որդին էրժի անունը:

Օրիորդ էրժի շատ մը թեկնածուներ ճամ-  
բած էր. ևս յսած էի, Վիկտորն ալ խնդրած է և-  
ղեր այդ գեղեցիկ աղջկան ձեռքը և մերժուած:

Երբ շոգեկառքը առաջին անգամ սուլեց  
մեկնելէ առաջ և Շիմի պաշի վերջին համրոյրը  
զրոյմեց պատերազմի դաշտ մեկնող իր երբորդ  
զաւկին ճակտին, քաղաքապետին հպարտ աղջի-  
կը կասկարմիր մեխակ մը զետեղեց Վիկտորի  
սրտին վրայ, սր անյակէս մը զգաց իրը թէ սուր  
փուշ մը խրէին սրտին մէջ և իսկոյն կարմրե-

ցաւ ճիշտ իր կուրծքին վրայ դրուած մեխա-  
կին պէս:

Շոգեկառքը անգամ մըն ալ սուլեց և Զան-  
գակները սկսան ողջերթը հնչել:

\*

Հայերը, շուրջ 1675 թուականին, այլևս  
չգիմանալով Մոլտովայի Վալախ փոյտաներուն  
(իշխան) կրօնական հալածանքներուն՝ ստիպուե-  
ցան դաղթել: Այդ թուականներուն ընդօրինակ-  
ուած ձեռագիրներուն յիշատակարանները ար-  
ցունքով կը պատկերացնեն մեզի՝ այդ տխուր  
չրջանը:

Հայերը «հերետիկոս» կը կոչուէին մոլեռանդ  
կղերէն և կ'ատուէին ուսմէն ժողովուրդէն:

Ժէ դարուն վերջերը՝ շատ մը ընտանիք-  
ներ նորէն զաղթականական ցուպը ձեռք առած՝  
անցան Թրանսիլվանիա: Մէկ մասը մնաց Պոթո-  
շանէն ոչ շատ հեռու ձէրձօ Սէնթ Միքըլ քա-  
ղաքը, ուր դեռ մինչև այսօր մօտ 700 հայու-  
թիւն կայ իր ամրակառոյց եկեղեցիով և քահա-  
նայով: Մանեայ, Յարան, Ադոնց, Սափա և շատ  
մը ընտանիքներ սրոնք այս քաղաքը կ'ապրին՝  
դեռ մինչև այսօր իրենց համանուն ազգական-  
ներն ունին Ռումանիոյ մէջ:

Փոքր թիւով, աւելի երկրագործութեամբ

գրադոզներ ձէրձօ Սէնթ Միքըլշէն քիչ հեռու «Սեփ-Վիզ» (գեղեցիկ ջուր) անունով գիւղ մը հիմնեցին, որ այսօր Ֆրուժոսաս կը կոչուի. հօն հազիւ հարիւր հայ ժողովուրդ կայ իր փոքրիկ եկեղեցիով ու քահանայով:

Մեծամասնութիւնը աւելի հեռացաւ և Սամոչ ջուրին մօտը հիմնեց Սամոչուշվար քաղաքը, զոր Հայաքաղաք կոչեցին, այսօրուայ Կերլան, ուր մօտ հազար հայութիւն կայ, իր եկեղեցիներով, կրթական հաստատութիւններով և թանգարանով: Տեղւոյն հայերուն գլխաւոր գրադումն է անասնաժառուցութիւն:

Մէկ մասն ալ, աւելի հարուստներ, եկած հիմնած են Եղիսարեթուպոլիսը՝ Արաֆի իշխանին օրով:

Երբ Շիմի պաշիի պապերը Մոլտովայէն բաժնուեցան, մէկ եղբայրը, Զատիկ մականուանով, Եաչ մնաց. անոնք հօրենական ժառանգութիւնը բաժին ըլլալէ ետք՝ իրենց հօրն ու մօրը նկարներուն ընդօրինակութիւնը ընել տուին, և այդ նկարներուն մէկ զոյգը Թրանսիլվանիա բերուեցաւ, իսկ միւսը մնաց Եաչ:

\*

Վիկտոր քանի մը օր մ'իշտ իր բարախուն կործքին վրայ պահեց Էրժիին մատներով հօն

գրուած կարմիր մեխակը, յետոյ երբ չորնալ սկսաւ՝ իր նոթատետրին մէջ դրաւ զայն: Թընդանօթներու թնդիւնը շուտով մոռցնել տուաւ մեխակն ալ, Էրժին ալ: Իր հոգւոյն խռովքը անհետացաւ:

Տխուր օրեր անցուց Վիկտոր Պեսարպիոյ ճակատին վրայ. անգամ մը թեթևօրէն վիրաւորուեցաւ, յետոյ նորէն գնաց խոնաւ խրամներուն մէջ իր միսը փակցնելու. տկարացաւ և յայտնեց թէ այլևս ուժ չունէր իր հետ տանելու հրացանը:

Վիկտոր, երբ կրկին հիւանդանոց փոխադրուելու խնդրագիր տուաւ՝ Ռուսմէն յաջող յարձակում մը զինքն ալ գերի բռնեց:

Վիկտոր նիհարցած՝ սկսած էր հազալ, տաքութեան աստիճանը 39-ի կը բարձրանար. զինքը քննող բժիշկը հրահանգ տուաւ որպէսզի հիւանդանոց փոխադրուի:

Այդ ատենները լրագիրները Բասթալ Զատիկ անուանով զօրավար մը պանծացուցին: Հայ մըն էր ան ծագումով, պատուարերի բումէն քաղաքացի մը՝ որ իր ռազմագիտական հմտութիւններով քանի մը յաղթանակներ տարած էր հունգար բանակին դէմ:

Այսպէ՛ս է հայը: Ան հաւատարիմ զաւակը կը զառնայ այն երկրին՝ որուն օդը կը շնչէ:

Զատիկ զօրավարին ազգակիցներն ալ, նոյն-

իսկ ազգականները, հաւատարիմ հունգար քաղաքացիներ դարձած են Թրանսիլվանիոյ մէջ։ Անոնք ալ մինչև մեծ պատերազմի վերջին օրը և անկէ ալ շատ ետք՝ միշտ հունգար մնացին իրենց հոգիով ու սրտով։

Զօրավար Զատիկ ինքն ալ ունի իր պապենական տունը, որուն հիւրասրահին մէջ պատէն կախուած են այն միեւնոյն ղէմքերը իր պապին ու մամին՝ որոնց հանդիպեցայ Շիմի պաշին տունը։

Զօրավարը դեռ մինչև այսօր իր ղէմքին վրայ քանի մը եղական գծեր ունի, որ յատուկ են իր ընտանիքին, իր թուխ ղէմքին վրայ այն աչքերը կը բոցավառին՝ զոր ժառանգած է իր նախնիքներէն։

Վիկտոր, իր պղտիկութենէն, իրենց հիւրասրահին մէջ, այդ աչքերուն մօտիկ խաղացած, խնդացած, լացած ու մեծցած էր։

Հայր Ռումէն եղած է։

Հայր Հունգար եղած է։

Երկու եղբայրներ տարրեր հողերու վրայ սնած, տարրեր պետութիւններէ հիւրասիրուած՝ հիմակ անգիտակցարար ղէմ առ ղէմ կը կռուին, զիրար կը սպաննեն, իրարու օճախները, հայ օճախները կը քանդեն։

Ո՛վ ճակատագիր այս անտիրական ազգին։

Ո՛վ վայրագութիւն գազան մարդկութեան։

Ո՛ւր տեսած էք դատաւոր մը որ հրամայէ դահիճին իր հարազատ եղբայրը գլխատել։

Բայց այդ կրակի և արիւնի օրերուն ինչ հոգեկան վայելք էր հանդիպիլ թշնամի տարազով զինուորի մը, որուն ղէմքին վրայ իր ցեղին աչքերը կը բոցավառին։

Ո՛չ։ Ոչ մէկ ուժ կամ բռնութիւն կարող է ցեղային արիւնը փոխել։ Ո՛չ ոք կրնայ ոչ մէկ գնով իր արիւնը ծախել։

Վիկտոր լուրջ հիւանդ է։

Պատերազմի ատեն բախտ մըն է քաղաքակիրթ երկիրներու սահմանները գերի խնայ։

Կարմիր խաչերով օրիորդներ, հիւանդանոցէն ներս իրենց խնամքին յանձնուած հիւանդներու ճակտին վրայ ազգը չէ՛ որ կը փնտռեն կարդալ, այլ մարդը, նոյնիսկ եղբայրը։

Եաչի հիւանդանոցին մէջ Վիկտոր հայ մը եղած է։ Եւ մահճակալին վրայ դրուած ցուցանակին վրայ իր անունին քով գրուած է նաև «Հունգարահայ»։

Հիւանդապահուհիները կարծէք իր ազգակիցներն ըլլային, այնպէս կը գուրգուրան վրան։ Չեն խորհիլ անոնք թէ այդ հիւանդը երէկ չէ իր գնդակները ուղմէններուն ղէմ կը տեղացնէր։

Վիկտոր պապական բերնին քիչ մը լեմոնատ կ'ուզէ, օրիորդը կու տայ ամենայն սիրով։

Չի՛ խորհիլ, «արդեօք ամիս մը առաջ իմ

եղբայրը այս թշնամիին զնդակով չինկա՞ւ կըռուի դաշտին վրայ»։ Լա՛ւ որ չի խորհիր։ Սարսափելի է։ Բայց ի՛նչ մեղք այս ողորմելի հիւանդին՝ որ իր կիսնն ու զաւակը ձգած՝ ակամայ եկած է կռուելու։

Վիկտոր քիչ մը լաւանալ սկսաւ։

Չիւանդանոցը ստէպ կ'այցելեն ուսմէն բարձր դասակարգի օրիորդներ, երբ անոնք այդ գթութեան շէնքէն ներս կը մտնէին մէկ մէկ սպիտակ շապիկ հագած կաս-կարմիր խաչեր իրենց թևերուն վրայ՝ անուշ ժպիտը դէմքերնուն անխտիր կ'այցելէին բոլոր հիւանդներուն։

Այդ շէնքին մէջ թշնամի կամ բարեկամ ազգութիւն գոյութիւն չունի։ Եղբայրներ են ամէնքն ալ և իրենք հարազատ քոյրեր։

Զատիկեան ընտանիքէն էր այն բարձրահասակ թխադէմ օրիորդը, որ ծնած Եաշի մէջ, առանց իր մայրենի լեզուէն բառ մը գիտնալու՝ միայն ծագումով հայ ըլլալը գիտէր։

Յեղային արիւնը քաշեց զինքը Վիկտորի խոր աչքերու նայուածքով, ան ստէպ անոր սընարին մօտն է։ Անվնաս ուտելիքներ կը բերէ և բարձին տակ կը դնէ։ Օր մըն ալ մանձակալի ցուցանակին վրայ կարդաց «Զաքարիայ Վիկտոր, Հունգարահայ»։ Ուրեմն այդ զիմագծով հիւանդը հայ է եղբր, աչքերը լեցուեցան։

Ո՞վ ըսաւ թէ գթութեան այս յարկին մէջ

ազգութիւն գոյութիւն չունի։ Ինչո՞ւ հապա օրիորդ Աննան կ'իմացնէ անոր՝ մեծարժէք գանձ մը գտնողի ուրախութիւնով։

— Պարոն, ես ալ հայ եմ։

Երկու հայ սրտեր՝ որոնք չեն կրնար իրենց մայրենի լեզուով խօսիլ, որոնք նոյնիսկ չեն կարող իրարու միտք հասկնար։ Անոնք խօսած են զիւրիշ նայուածքներով։

Օրիորդը իր ազգակցական սէրը յայտնեց գուրգուրանքով, կրկնապատկուած խնամքով։

Իսկ Վիկտոր անոր փոխարէն օր մը բացաւ իր նոթատետրը, և հոն չորցած կարմիր մեխակին թերթիկները տուաւ օրիորդ Աննային։

Էրժիէն նուիրուած մեխակին կէսը։ Այդ էր Վիկտորի թանկարժէք առարկան։

Վիկտոր սկսաւ ոտքի ելլել։ Ամէն օր քիչ մը պարտէզ կ'իջնէր։ Զերմը նուազեցաւ, հազը մնաց, ան ալ կ'անցնի։

Զօրավար Զատիկ քանի մը օրուան արձակուրդով Եաշ եկաւ։ Գերիներուն և նոյնիսկ գերի հիւանդներուն ալ այցելեց։

Զօրավարը, բարի հօր մը կամ խզճմտանքաւոր բժշկի մը պէս ամէնուն մօտեցաւ, զիտեց ու քննեց զամէնքը և խօսեցաւ անոնց հետ՝ որոնք ուսմաներէն քանի մը բառ կը թոթովէին։

Վիկտոր, հեռուէն, կարծես իր պապն էր որ

տեսաւ: Զօրավարին դէմքը իրեն ծանօթ կ'երևար:

Զօրավարը երբ Վիկտորի մօտեցաւ՝ օրիորդ Աննա մօրեղբոր ականջին փափսաց, «Սա սեաշոււի երիտասարդը հունգարահայ է»:

Զօրավարը կեցաւ քանի մը րօպէ, Վիկտորին նայեցաւ: Երկու հայերու սեաշքերը, երկու Ձատիկներու նայուածքները՝ այդ քանի մը լուսավայրկեաններուն շատ բան ըսել տուին իրարու, երկուքին աչքերն ալ լեցուեցան. Հայ Զօրավարին և Հայ Գերիին աչքերը:

Երկրորդ օրը օրիորդ Աննա Վիկտորը Զօրավարին տունը տարաւ:

Վիկտոր երբ հիւրասրահ մտաւ՝ իրենց տունը կարծեց ինքզինքը. հոն ալ պատէն կախուած էին նոյն այն պատկերները՝ որոնց արտայայտիչ նայուածքին տակ մեծցաւ:

Երբ զօրավար Ձատիկ հիւրասրահ մտաւ՝ Վիկտորի առաջին խօսքն եղաւ.

— Ժենեռա՛յ, իմ ազգականներու պատկերներն են ասոնք:

Գերին ու Զօրավարը զիրար ողջագուրեցին իրենց պապերուն նայուածքին տակ: Մինչդեռ օրիորդ Աննա և ընտանիքին անդամները ասպշահար այս ողջագուրումը կը դիտէին՝ Զօրավարը ըսաւ անոնց. — Ձեզի կը ներկայացնեմ մեր մերձաւոր ազգականներէն Վիկտորը, երկու եղբայրներու թոռներ ենք:

Ինծի չպատմեց Վիկտոր թէ ի՛նչ հանգրտաւէտ կեանք անցուց Ռուսաստանի մէջ իր ազգականներուն մօտիկ, ատոր սպացոյցը այն է՝ որ կրցաւ իր կեանքը մինչև խանձարուրը քաշքըչել՝ հակառակ անոր որ երկու թոքերն ալ կը կրծուէին:

\* \* \*

Պատերազմի օրով, կարուած յարաբերութիւններէ՝ կարօտը կը քաշէի հայ դէմքին ու հայ լեզուին:

Օր մը, իրիկուան դէմ, երկու հարիւր ռուս գերիներ Եղիսարեթուպոլիս բերուեցան: Երբ յոգնած զոյգ զոյգ իմ առջևէս կ'անցնէին՝ հայ շուկնիս և հա դէմքին ծարաւի՝ մութին մէջէ գացող գերիներուն հարցուցի. — Հայ կա՞յ:

— Հայ եմ հայրենակից, Հայ:

Անխիղճ սպայ մը — Աստուած չընէ որ հունգարահայ մը ըլլար — սուրին հակառակ կողմով հարուած տալով լեցուց հայ ձայնը:

Երկրորդ օրը օրինաւոր ճամբով գտայ հայրենակից գերին: Ղարաբաղցի յաղթանդամ երիտասարդ մը, որ արցունքը աչքերուն ինծի փաթթուեցաւ. — Հայ ես և տէրհայր, հառաչեց:

Տասը վարկեան միայն խօսակցութեան հրաման տրուեցաւ, որ կրակի պէս շուտով ան-

ցաւ: Երբ պիտի բաժնուէի իրմէ՝ քսակը հանեց  
և իբր ժամուց՝ իր ունեցած քուրոնները ուզեց  
ինձի տար:

— Ի՞նչ կ'ընես. ե՛ս քեզի պիտի օգնեմ, ըսի:

— Թողուցէք տէրհայր, որ ուրախութիւնս ա-  
սով արտայայտեմ, ըսաւ այնպիսի աղաչական  
շեշտով մը՝ որ ստիպուեցայ ընդունել արիւն-  
քբախնքով վաստկուած այդ քանի մը քուրոնը:

Ղարաբաղցին այլևս գերի չէր, ամէն կիրա-  
կի հայոց տունները կը հրաւիրուէր «անկաճապուր»  
ուտելու:

Վիկտորի մօրեղբայրը, նշանաւոր երեսփո-  
խան Իգէգուց, գերիներու հրամանատարութե-  
նէն խնդրեց՝ որպէսզի քսանի չափ հայ գերիներ  
զրկէ իր կայուածներուն մէջ աշխատելու համար:

Ո՛րքան հրճուանքով կը զիտէի երբ ամէն  
կիրակի իրիկուն կը տեսնէի հայ երեսփոխանը,  
որ շրջապատուած հայ գերիներով կը նստէր մեծ  
հրապարակը՝ ամէնուն գարեջուր հրամցնելով:

— Պ. Իգէգուց, ըսի օր մը երբ գարեջուրի  
գաւաթները իրարու կը զարնէին, վստահ եղէք  
թէ ձեր քեռորդի Վիկտորն ալ փոխադարձ այս-  
պէս երջանիկ է հայ յարկի մը ներքև:

\* \*

Մինչդեռ Վիկտոր հոս գթութեան օտար  
յարկերու տակ օրէ օր կը հալի ու կը մաշի՝ ու-

րիշ ճակատի մը վրայ իր փոքր եղբայրը Յակոբ  
իւր կեանքը վրայ կու տայ:

Տխուր լուրը շուտով Եղիսարեթուպոլիս հա-  
սաւ: Յակոբ՝ Շիմի պաշիի Բենիամինն էր, ծե-  
րութեան զաւակը. ո՛րքան կը դուրգուրար ա-  
նոր վրայ:

Յակոբի մահուան քառասունքին՝ հոգե-  
հանգստեան պատարագ ըսուեցաւ: Եկեղեցին  
սևերով ծածկուած էր: Օսկը հեծեծանքով կ'ըն-  
կերէր մեյամաղձոտ երգերուն, մահարեմը խուն-  
կի ծուխերուն հետ վեր կը բարձրանար՝ երբ  
քահանան Յակոբի հոգւոյն լուսաւորութեան  
համար կ'աղօթէր և հայոց եկեղեցիին զանգակ-  
ները լայով կը հնչէին: Բայց Շիմի պաշիին հո-  
գին ոչ մէկ կերպով չկրցաւ մխիթարուիլ: Ժպի-  
տը իսպառ հեռացաւ դէմքէն, ճերմակ մօրուքին  
ա՛յ մկրատ չղպաւ, անոր քայլերը դանդաղեցան,  
զլուխը կսւրձքին վրայ միշտ կախ կը մնար, աչ-  
քերը գեանին էին, կարծէք հողին կարօտ: Առ-  
տու մըն ալ լացի ևս դառնօրէն, Էրբ ըսին թէ՛  
«Շիմի պաշին իրկուընը պառկեր՝ առտուն չէ ե-  
լեր», ինչպէս նախապէս ըսինք՝ ան, վերջին հա-  
յը, իր աչքերը փակած էր յաւիտենապէս:

Կարծէք զանգակատունները փյան:

Այն զանգակները, որոնք բարձրացած էին  
օր մը այս գաղթական հայոց իսկական հայրե-  
նիքը ազատութիւնը աւետելու, այդ միևնոյն

Պանդակները իրենց հեկեկանքով, ընդհատ ընդհատ տը՛նկ, տը՛նկ կոծերով գերեզման տարին Շիմի պաշին:

\*

Պատերազմը կը սաստկանայ: Գերման բանակները մէկէ աւելի մայրաքաղաքներ զբաւած են: Գիմանայու համար ղէնքի և մարդու պէտք ունին, մինչև յիսուս տարեկանները զինուոր տարին:

Տուներէն թոյր արոյրէ և պղնձէ առարկաները ժողված էին. հիմակ ալ մարդկային արիւնի ծարաւ գազանային սրտով մարդիկ, և կեղեցիներու զանգակները զինագործարան կը տանին՝ անոնցմով թնդանօթ շինելու և մարդ սպաննելու համար:

Պատերազմի այս տագնապալից օրերուն, երբ երիտասարդ կիներ իրենց ամուսինները կուռի դաշտ ղրկեցին, ուրիշներ երբ լուր առին թէ իրենց զաւակները վիրաւորուած են, քոյրեր՝ երբ եղբայրներու մահը լսեցին, այդ սարսափի օրերուն՝ երբ թշնամիին բանակները դէպի իրենց քաղաքը կը մօտենային, սրբան մը խիթարանք և քաջայերանք կու տային այդ զանգակները, երբ իրիկուան մթնշաղին՝ անոնք հսկումի կը կանչէին թոյր տառապած և տագնապած հոգիները:

Եւ հիմա կ'ըսեն թէ՛ Հայ եկեղեցիին զանգակներն ալ պիտի փչրուին և զինարան տարուին ...

Դեռ կանաչ խոտ չէր բուսած Շիմի պաշիի գերեզմանին վրայ, երբ օր մը յաղթանգամ գերմանացիներ, իբրև թէ տէրը ըլլային հայ եկեղեցիին՝ զանգակատունը ելան իրենց տրուած հրամանը գործադրելու: Վար առին պղնձէ զանգակները, իսկ ամէնէն մեծ երկու զանգակները, որոնց ձայնը օրը քանի մը անգամ շատ հեռուի հաւատացեալներուն հիւզակները կ'այցելէր, այդ մեծ զանգակները որ 150 տարիէ ի վեր առտու իրիկուն հնչած էին՝ քառասուն մէթր բարձրութենէն վար ձգեցին:

Ես չէի գտնուած քաղաք մը ուր ուսմը մը պայթէր, կարծեմ անոր պայթիւնը աւելի զօրաւոր և աւելի անաւոր չէր որքան սարսափեցնող այս ձայնը Փչրուած Զանգակներուն:

Ամբողջ քաղաքի բնակչութիւնը հրապարակ լեցուեցաւ, շրջապատեց կտորները այն սըրբազան զանգակներուն, որոնք կտոր կտոր եղած էին մէկ կամ երկու Հայկազեան զրբի իրենց վրայ կրելով:

Փչրուած զանգակները:

Խորտակուած երազը այս քաղաքը հիմնող հայ հայրենակիցներուն:

Կու լային ամէնքը: Ամէնուն մտերիմ մե-

ուելներն էին ջախջախուած, կտոր կտոր եղած փշրուած զանգակները:

Ո՞վ ըսաւ թէ Քիչնեւի կամ Ա.ք.քէրմանի հայ եկեղեցիներու զանգակներն ալ չփշրուեցան: Ո՞վ կ'երաշխաւորէ թէ ոուս բանակը Չերնովիցը գրաւած պահուէն հայ զանգակները այսպէս փշրուէր փշուէր ըրած զինագործարան չղրկեց:

Խաղաղութեան հնչակ հայ զանգակները՝ վաղը թնդանօթի փոխուած՝ իրենց ուղմբերով կուռի դաշտին վրայ հայ կեանքեր պիտի քաղեն:

Զինաղաղարը արդէն եղած էր և 1919-ին հունգար գերիները իրենց ծննդավայրը վերադարձած էին:

Մինչև այդ թուականը Եղիսաբեթուպոլսի քաղաքապետին գոռոզ աղջիկը, էրժի, սաքսերու դրամատան տնօրէնին կինն եղած էր և մանչ զաւակի մը մայրը:

Վիկտոր թէև իր թշնամի արեւակից ազգականներուն մօտ ամէն հանգստութիւն վայելած էր, բայց ո՛չ բժիշկները և ոչ դեղերը չէին կրցած զինքը մաշեցնող տաքութեան սև հազին վերջ տալ:

Բժիշկները չէին ըսած անոր թէ անողոք հիւանդութիւն մը, որ ոչ դեղ ունի ոչ դարման — թոքախտը — արդէն երկու տարիէ ի վեր իր ճիրաններուն մէջ առած էր զինքը:

Վիկտոր երբ Եղիսաբեթուպոլիս հասաւ՝

տեսաւ որ անարկու ուրական մը անցած էր իր ծննդավայրին վրայէն:

Ո՛չ առտուն և ո՛չ իրիկունը կը լսէր զանգակներուն անուշ ձայնը: Փոթորիկը կործանած էր կարծես հայ եկեղեցւոյ զանգակատունները և փշրած զանգակները:

Թրանսիլվանիան Ռումանիոյ մաս կը կազմէ այսօր: Հունգարները աւելի չուտով դաւաճանած էին իրենց հայրենիքին, իսկ հայերը որ գացին մինչև օտար հողերն ու սահմանները իրենց կուրծքով ու կեանքով Հուսեղարիան պաշտպանելու՝ մինչև վերջ հաւատարիմ մնացին զիրենք հիւրասիրող պետութեան:

Ես, 1920-ին, անգամ մը այցելեցի Եղիսաբեթուպոլիս, ուր 6—7 տարի ապրած էի: Հոն պատերազմի չրջանին հեռուէն լսած էի թնդանօթներուն ձայները:

Առաջին այցելութիւնս եղաւ Շիմի պաշիբնակարանը երթար Զուլթակը փոշիներու տակ մնացած էր: Սև աչքերով թոռնիկները մեծցած էին, սևեր հագած: Շիմի պաշիբն ձայնը լսած էր այս յարկին մէջ՝ ուր 80 տարիներ ապրած էր:

Հիւրասարհը սպասեցի որ Վիկտոր անկողնէն ելլէ ու գայ:

Պատերը դիտեցի: Զատիկները դեռ միևնոյն արտայայտիչ նայուածքով կը նային ինձի: Անոնց կողքին Շիմի պաշիբն նկարն ալ կախուած էր:

«Այս զանգակները, ըսած էր ինծի քանի մը տարի առաջ, օր մը պիտի հնչեն մեզի մեր հայրենիքը կանչելու «Արարատ»ին մօտ:»

«Երազ մըն էր անցաւ զնաց» կ'ըսեմ ես ինծի՝ երբ կմտիք զարձած Վիկտորը իր խօսքէն առաջ հազաց և ըսաւ «Իշթէն հողդո» (Աստուած բերաւ): Այո՛, Վիկտորն էր, Հունգարիոյ սահմանները պաշտպանող Վիկտորը: Պէտք էր այդ մահին վաղոյ բարեկամիս չցուցնէի իմ արցունքը որ աչքերէս զուրս կ'ուզէր յորդիլ բարեկամիս մօտալուտ մահը գուշակելով:

— Ի՞նչպէս ես, սիրելի Վիկտոր:

— Լաւ: Միայն քիչ մը հազ ունիմ: Հիմակ աւելի քիչ կը հազամ: Եթէ խորժս ալ գայ՝ անչուշտ ջերմս կ'անցնի և մենք նորէն պատելու կ'երթանք Քիւլքիւլէօ դետին եղերքը:

— Ի՞նչպէս անցուցիր Ռումանիոյ մէջ:

— Շատ հանգիստ էի, Լաւ որ գերի ինկայ: Սարսափելի բան էր մեզի զէնք առնել: Գիտէ՞ք մենք հոն հայրենակիցներ ունինք, նոյնիսկ մօտ ազգականներ: Զատիկներու հիւրը եղայ: Այս պատէն կախուած պապս ու մամս անոնց տունն ալ տեսայ: Եւ մարդիկ մեզ զրկեցին որ մեր մօտիկ ազգականները սպաննենք: Սարսափելի բան:

Վիկտոր հազալով ընդհատ ընդհատ իր պատմութիւնը պատմեց և ըսաւ. «Էրժիին մեխակին կէսը տուի այն օրիորդին որ զիս խնամեց և որ իմ ազգականն էր:»

— Լաւ միտքս ինկաւ, աւելցուց Վիկտոր, այդ մեխակին կէսը Նոթատետրիս մէջ է, պէտք է զայն էրժիին ցուցնեմ: Իր տուած մեխակը: Ես գացի իր նախնիքներուն սահմանները պաշտպանելու, և ինքը զնաց սաքսոնի մը կիներ և դաւ:

Այդ օրը Վիկտորենց ճաշեցի:

Ճաշէն վերջ Վիկտոր առաջարկեց որ մինչև գերեզման միասին պտոյտի երթանք: Գեղեցիկ էր հայոց գերեզմանին զիրքն ու ճամբան:

Վիկտոր ստուեր մը եղած էր: Կեանքի ստուերն էր անս Այդ օր իր զինուորական մեծ վերնազգեստը հագաւ, թեւ ինկաւ իր տիկնոջ և ես իմ քայլերս ստիպուեցայ իր քայլերուն հետ առնել թօքախտաւորի քայլերու պէս:

Նէմէշ ուցցայէն (ազնուական փողոց) դեռ դուրս ելած չէինք երբ նշմարեցի բարձրահասակ տիկին մը դարուների պէս վառվռուն դէմքով և կեանքով. ձախակողմն էր աղախին մը վերէն վար ճերմակ հագած, որ տիկնոջը կ'ընկերէր քըշելով փոքրիկ կառք մը՝ որուն մէջ ապահով մանուկ մը պէտք էր ըլլար:

Էրժիին է եղեր, ես չճանչցայ, իսկ Վիկտորն ու տիկինը ուշ չէին դրած:

Ստուերի մը պէս կը քայլէր Վիկտոր: Թոքախտ էր, ո՞վ կը մօտենար իրեն:

Յանկարծ հազալ սկսաւ:

Էրժին որ մեր մօտէն ստիպուած էր անց-  
նիլ՝ քայլերը արագեց եւ հրամայեց ազատիներն.

— Շո՛ւտ քայլ:

Չայնէ՛ն միայն ճանչցաւ Վիկտոր Էրժին  
անոր նայեցաւ հազը կոկորդին, մինչ ան՝ աչ-  
քերը առանց գետնէն վեր առնելու հեռացաւ,  
անցա՛ւ:

Հունգար քաղաքապետին ազջիկը:

Վիկտոր հանեց իր նոթատետրը, գետին  
թափեց կարմիր մեխակին տոգունած թերթերը:

— Աննային ալ պիտի գրեմ որ կրակը նետէ  
իրենները, ըսաւ՝ միշտ հազարով ու հազարով:

Մօտի նստարանին վրայ հանգչեցուցինք  
Վիկտորը՝ որ միշտ կը հազար: Գետինը կարմրե-  
ցաւ, մենք տաղնապած էինք, եւ Էրժին, կար-  
միր մեխակը Հունգարիան պաշտպանելու զա-  
ցող Վիկտորին սրտին վրայ դնող Էրժին, առանց  
իրեն նայելու սիգալով կ'երթար:

Անզգամ՛ը:

Կառքով տուն փոխադրեցինք մահամերձ  
Վիկտորը: Ա՛յ գերեզման չուզեց երթար:

\* \* \*

Երկու օր ետք, Շիմի պաչիին տանը առջև  
խռնուած էր ամբողջ քաղաքը: Վիկտորին դա-  
գաղը դուրս հանեցին եւ քահանան «Զհանգիստ

յաւիտենական» երգեց ու զինուորական ֆան-  
ֆառը Պեթովէնի մահերզը հնչեց, լացնելով զա-  
մէնքը: Տարինք Վիկտորը իր հօր մօտ, ա՛յն  
ճամբէն զացինք ուր անզգամ Էրժիին հանդի-  
պեցաւ:

Երկու օր առաջ գերեզմանէն ետ դարձող  
Վիկտորը՝ ծաղիկներու մէջ թաղած տարինք  
հո՛ն, ուր մարդիկ աւելի խաղաղ կը հանգչին:

Դեռ հող չդրած անոր զազաղին վրայ՝ ա-  
մէնքը լացին զինքը, նոյնիսկ անզգամ Էրժին  
իր ամուսինին թե՛ն ինկած՝ եկած էր լալու . . .

Մէկը միայն չէր լար, այն մէկը՝ որ հազար  
օտարին վրայ լացաւ, — Հայոց Մայր եկեղեցին,  
որովհետեւ անոր զանգակները փչրուած էին:



«Խենթ» կ'ըսէին Կիւրեղին, որ տեղահանութեան սարսափի օրերը ապրելէ ետք՝ Ռուսմանիա ինկած էր:

Մարդ ի՞նչպէս չխենթենայ՝ երբ անյուր և աներևակայելի տառապանքով լեցուն կեանք մը ստիպուեր է ապրիլ: Գիշերը անկողնէն հաներ էին զինքը և քշեր էին մինչև Արարիոյ աւազները, և դեռ հազիւ դուրս ելած իր ծննդավայրէն՝ տեսեր էր իր ընտանեկան օձախին այրիլը: Ի՞նչ յանցանք գործեր էր:

Հայ ծնած էր:

— Կեալո՛ւն, քալէ՛, քալէ՛, ըսեր էին իրեն ոստիկանները՝ խարաղանելով զինքը անդադար:

Եւ Կիւրեղ քալած էր առանց Ղովտի կնոջ պէս ետին նայելու, առանց իր հրոյ ճարակ եղած գիւղը վերջին անգամ զիտելու:

— Մնաք բարո՛ւ մեռելներ:

\*  
\*

Ա. քսորի ճամբուն վրայ Կիւրեղ նախ իր հայրը կորսնցուց: Խեղճ հայր: Ոստիկանները չէին

Թողած որ Կիւրեղ իր որդիական պարտականու-  
թիւնը կատարէ, լաթի մը մէջ պատանդէ և ափ  
մը հող նետէ իր սիրելի հօրը վրայ: Այդ անսիրտ  
ոստիկանները հրացանի կոթերով ոսկորները  
ջախջախելու աստիճան ձեռքեր էին զինքը և չէին  
իսկ թողած որ արցունքի կաթիլ մը թափէ կը-  
մախացած հօրը վրայ:

Հայրը գաղաններու կեր թողած՝ Կիւրեղ  
քալեց իր անհատնում ճամբան. բայց ի՞նչ ճամ-  
բայ: Ո՛չ կանաչ ճիւղ մը կար այդ ճամբուն վրայ  
և ոչ հող. չոր աւազը կ'եփէր ոտքերուն տակ և  
ոսկորներ, իր հայրենակիցներուն զիակներն  
ու ոսկորները կը զարնուէին ոտքերուն:

Դիմացը պառկած սա կմախքը իր հօրեղ-  
բայրը չէ՞. քիչ մը անդին նետուած սա գանկը  
իւր քրոջը գանկը չէ՞ արդեօք:

Կենայ չկայ, նայիլ չկայ, և ոչ իսկ մտածե-  
լու հրաման կայ, որովհետև ոստիկանը շուտով  
կը հասնի ու կը խտրազանէ.

— Քայլ՝ կեալուս, քայլ՝ մինչև որ Տէր-էլ-  
Չոր հասնիս:

Մայրն այ մեռաւ:

Ա՛յ ցաւ չզգաց Կիւրեղ, ո՛չ արցունք մնա-  
ցած էր քովը և ո՛չ այ զգացում:

Ըսին թէ ընդհակառակը իր անշնչացած  
մօրը վրայ փոխանակ լայու քահ-քահ խնդացեր էր,  
Երկու քոյրերը մնացեր էին, Մարիամ ու

Կատար: Իրկուն մը արարները զանոնք այ յա-  
փըշտակեցին:

Կիւրեղ անոնց արցունքին զիմաց այ քահ-  
քահ խնդացեր էր:

\*\*\*

— Ապաշխարեցէ՛ք, ապաշխարեցէ՛ք, աշխարհ  
պիտի դայ Բրիստոս:

Այսպէս կ'ըսէր երիտասարդ մը իր մազոտ  
բաց կուրծքը ձեռքով, վազվզելով վրաններու  
առջևէն՝ որոնց մէջ ապաստանած հայերը՝ կաշի  
ոսկր զարձած մանին կամ ազատութեան կը  
սպասէին:

Այդ վրանաքաղաքին մեռելները գերեզման  
չունէին՝ արդեօք, ի՞նչ սարսափելի տեսարան

Վրաններէն դուրս անշնչացած զիակներ  
փռուած էին գետինը: Ի՞նչ սարսափելի կը հըն-  
չէին սա խօսքերը՝ որոնք ստէպ ստէպ կը լըս-  
ուէին մահուան նետ գալարուողներէն.

— Ապաշխարեցէ՛ք, ապաշխարեցէ՛ք, աշխարհ  
պիտի դայ Բրիստոս:

Հին դարե՞րը կ'ապրէին. Յովհաննէս Մկր-  
տի՞չն է, որ ճիշտ անոր նման մերկ երկար մա-  
զերը ուսերուն իջած, անխնամ սև մօրուքը  
կուրծքին փռուած կը պոռար.

— Ապաշխարեցէ՛ք, ապաշխարեցէ՛ք, աշխարհ  
պիտի դայ Բրիստոս:

«Խենթ Կիւրեղն է» կ'ըսէին անոնք՝ որոնք այդ դժբախտին անունը զիտէին, և հաւատացեալներ, որոնք Աստուծո՛վ է կը վախէին, իրենց թաշկինակներուն ծայրերը կապած մէթէլիկներէն հատ մը կու տային խենթ Կիւրեղին:

Այս խենթն ալ ա՛յսպէս կ'ապրէր:

Եւ ի՞նչպէս մարդ չխենթենայ այդ սոսկալի ճամբան ընելէ ետք:

\* \*

Մարիամ ու Կատար արարներուն կիներն եղան ու տարրեր զիւզերու մէջ ապրելով զիրար կորսնցուցին:

Կատար զաւակներու մայր եղաւ և երբ լսեց զինադատարը՝ հոն թողած արարին լաճերը՝ ինքզինքը Հալէպ ձգեց Պոլիս անցնելու համար: Ի՞նչ բախտ, Հալէպի մէջ իր դրացի Քէօսէ Մինասին հանդիպեցաւ որ աքսորի ճամբուն վրայ թողած էր իր կինը: Մինաս անմիջապէս իր հայրենակիցին ձեռքն ուղեց և Յարութիւն քահանան զանոնք պսակեց:

Քէօսէ Մինաս Պոլիս անցաւ իր կնոջ Կատարի հետ, ուր մնաց մինչև Քէմալականներու Պոլիս գալը: Հոն զաւակ մը ունեցան և երկրորդ մըն ալ շոգենաւին մէջ՝ սր հայ գողթականները Պոլսէն Յունաստան փոխադրեց:

Կատարի երկրորդ մանչը շա՛տ կը նմանէր իր եղորը, այդ պատճառով ալ անոր անունը Կիւրեղ գնել տուաւ:

Յունաստանի մեծ «կրիր» համաճարակին զո՛հ գնաց Քէօսէ Մինաս և դժբախտ Կատար իր երկու զաւակներով որբեայրի մնաց:

\* \*

Կիւրեղ, որ մը կացին մը թեին՝ Պոլսէն Քոստանյա հասաւ: Առաջին գործն եղաւ ուղղակի թաղականութեան երթալ և խնդրել սր իրեն գործ մը տան օրապահիկը ճարելու համար:

— Սյդ կացինը ի՞նչ է թեիդ, հարցուց թաղական Պ. Ճանիկեան:

— Էֆէնտի, աղուոր փայտ կը կտրեմ:

— Աղուոր փայտ կը կտրես, փայտին աղուոր կտրելը ո՞րն է:

— Այո՛, աւելի լաւ քան թուրքերը՝ որոնք մեզ կտրտեցին:

— Այն ատեն քեզ տնտես աղբօր հետ մեր տունը զրկեմ:

— Շատ շնորհակալ կ'ըլլամ, ըսաւ Կիւրեղ խելքը գլուխը եզոզ մարդու մը պէս:

Պ. Ճանիկեանի տիկինը չափէն աւելի ուրախացաւ որ իր փայտերը հայու մը կացինով պիտի կտրտուէին:

կէս ժամ աշխատեցաւ Կիւրեղ. փայտին կէսը գրեթէ կտրտեց: Գլխասիրտ տիկինը՝ մեծ գաւաթով մը գինի և քիչ մը պանիր բերաւ փայտ կտրտող հայ Կիւրեղին:

— Հրամմէ . . .

Ոսոքը տիկինին բերանը մնաց. գաւաթը ձեռքէն վար ինկաւ և դէպի տուն փախաւ, որովհետև Կիւրեղ կացինը վերցուցած՝ տիկնոջ վրայ վազած էր:

Տիկինը մարած՝ ինկաւ տանը առջև, դրացիները ժողվեցան, ձանրկեանն ալ հասաւ. իսկ անդին Կիւրեղ հանդարտօրէն կը շարունակէր փայտերը մանրել:

— Ի՞նչ ըրիր, հայրենակից, հարցուց Պ. ձանրկեան սրտնեղած:

— Բան չըրի էֆէնտի, ուղեցի փորձ մը ընելու քեր տիկինը աս ի՞նչ վախկոտ է եղեր . . . Դուք աքսոր տեսած չէ՞ք: Դուք ծեծ կերած չէ՞ք թուրք զապիթներէն: Աշխարհ է, կրնայ ըլլալ որ հոսկէ ալ աքսորուինք, պէտք է վարժուիք բարեկամ, թուրքերը այսպէս կը յարձակին մեր վրայ . . . Եւ կացինը վերցնելով Պ. ձանրկեանի վրայ յարձակեցաւ:

Պ. թաղականն ալ լեզապատառ իր կնոջ քով հասաւ, որ նոր սթափած ըլլալով ըսաւ.

— Այս խենթը ո՞ր տեղէն զրկեցիր Կիւրեղ արդէն հոն հասած՝

— Խենթը դուք էք. վախկոտներ, ըսաւ զայրացած, և կացինը ձեռքն առած ու փայտերը կէս թողած փողոց ինկաւ պոռալով:

— Ապաշխարեցէ՛ք, ապաշխարեցէ՛ք, աշխարհ պիտի գայ Քրիստոս:

Քոստանցայի թաղականները շուտով ազատեցան խենթ Կիւրեղէն զինքը Պուրքէշ զրկելով: Կը յիշեն անշուշտ շատերը, երբ կիրակի օր մը «քոռ» կ'երգէր, Կիւրեղ եկեղեցի մտաւ և սկսաւ պոռալ:

— Այո՛, պիտի կործանի աշխարհը, եկեղեցիին մէջ խաղ կը կանչէք, անաստուածեր, թուրքեր . . .

Պուրքէշի թաղականներն ալ աղատելու համար խենթ Կիւրեղէն՝ զայն յիմարանոց զրին:

Շարաթ մը ետք նորէն երևան ելաւ Կիւրեղ, հոն շատ խելօք կեցած էր, և վախցած էին որ այդ խելացի իմաստունը հոն կը խենթեանայ: Ու ըսած էին. «Եթէ հայերուն խենթերը այսպէս շնորհքով են, հապա խելացիները ինչ պիտի ըլլան»:

Պուրքէշի հայերը ստէպ կը հանդիպէին Կիւրեղին եկեղեցւոյ բակը կամ Մոշիտր փողոցին վրայ, որ միշտ թեկին վրայ կը կրէր իր կտցինը, և երբ կը քայլէ՝ բան մը կը մրմուար. եթէ մօտենայիք իրեն՝ սա միևնոյն խօսքը պիտի լսէիք.

— Ապաշխարեցէ՛ք, ապաշխարեցէ՛ք, աշխարհ պիտի գայ Քրիստոս:

Յունաստանի քաղաքները, ուր հայ գաղթականներ բոյներնին շիներ էին, հայ կին մը մուրացիկի երեոյթով քաղաքէ քաղաք ման կու գար: Սեյանիկ, Աթէնք, Փիրէ ման գալէ յետոյ Գալլայա հասաւ:

Ո՞ր Ուլաչցին պիտի ճանչնար Մարիամը, որ տառապանքի տակ պառւեցած՝ այսպէս նիհար կաշի-ոսկր դարձած կը թափառէր քաղաքէ քաղաք:

Մարիամ տարի մը առաջ արարներէն ազատելով եկած էր Պոլիս և իմանալով որ իր եղբայրը Կիւրեղ կ'ապրի, Յունաստանի քաղաքները ման եկաւ զայն փնտռելու:

«Կրիր»ը երկրորդ անգամ Գալլայա հասաւ և Կատարն ալ անկողին ձգեց:

Գէորգ և Կիւրեղ, տան առջև կեցած անցորդներէն զրամ պիտի ուզէին, այդ ատեն իրենց անձանօթ մօրաքոյրը կ'անցնէր:

Դուք կը հաւատա՞ք ցեղային արիւնի ելեկտրական ուժին:

Մարիամ արձան կտրեցաւ, իր փնտռած եղբոր աչքերը դտաւ սա պզտիկին վրայ, գրկէ ուզեց, զրամ մը տուաւ, անունը հարցուց:

Մեծը պատասխանեց.

— Կիւրեղ է, ես ալ Գէորգ եմ:

Եւ Կիւրեղ շարունակեց.

— Գիտե՞ս, մայրիկս հիւանդ է:

Մարիամ փոխանակ իր եղբոր՝ քոյրը դտաւ անկողնոյ մէջ, որբաւորի ու աղքատ:

Ո՛հ, ի՛նչ խեղճութիւն:

Գալլայայի քահանան կը խնդրէ որ թերթիս մէջ «կը փնտռուի» մը յայտարարեմ:

Ուլաչցի երկու քոյրեր իրենց եղբայր Կիւրեղը կը փնտռեն:

Ծոցս էր այդ յայտարարութիւնը՝ երբ օր մը Մոշիւորէն կ'անցնէի: Բողբովին մոռցած էի մեր խենթ Կիւրեղը: Տեսայ որ ժողովուրդը սրճարանի մը առջև խոնուած էր ու մէկը մէջտեղ առած կը խնդային: Այս ատեն լսեցի որ Կիւրեղ իր բոլոր ուժով կը պոռար.

— Ապաշխարեցէ՛ք, ապաշխարեցէ՛ք, աշխարհ պիտի գայ Քրիստոս:

Շուտով հանդարտեցաւ: Իրեն մօտեցայ:

— Կիւրե՛ղ, դուն Ուլաչէ՞ն ես:

— Հրամանքդ է:

Մարմինէս տարօրինակ սարսուռ մը անցաւ: Կիւրեղ զիս ձգելով սկսաւ պոռայ.

— Ապաշխարեցէ՛ք, ապաշխարեցէ՛ք, աշխարհ պիտի գայ Քրիստոս:

Յետոյ նորէն.

— Կիւրեղ, քոյր ունի՞ս:

— Երկու հատ քոյրերս տարին:

Հաւաքուած ժողովուրդը ինձի կը նայէր, արդեօք ե՞ս ալ խենթեցած էի կը խորհէին անշուշտ՝ երբ աչքերսուս արցունքը կը սրբէի:

Անգամ մըն ալ պոռաց Կիւրեղ.

— Ապաշխարեցէ՛ք, ապաշխարեցէ՛ք, և կացինը վերցնելով յարձակեցաւ ժողովուրդին վրայ, որ ցրուեցաւ:

— Վախկոտներ, ձեզ փորձել ուզեցի:

\*\*

Հիմա ո՞վ պիտի համարձակի գրելու ըսելու այդ թշուառ քոյրերուն ինչ որ ասանք ձեր խենթ Կիւրեղը:

1929



Վ Ե Ր Զ

Յ Ա Ն Կ

Կարմիր Լուսին	3
Հարսնեմատնակին Երզը	5
Վարդե՛րը . . .	21
Անրաժան Սրտեր	47
Տէր Ողորմեա՛	63
Նոր Մովսէսուհին	93
Փշրուած Զանգակներ	123
Խենթը	161

17. ՄԱՐՏԻՐՈՍ ՂՐԻՄԵՑԻ ԵՆ ԻՐ ՔԵՐԹՈՒԱԿՆԵՐԸ, ԵՄՊ. ՊՈՒՋՐԵՆԶ-ՖՐՈՒՄՈՍՈՍ 1924-30: ԳԻՆ 20 ԼԷՅ
18. \*ՓԱՐՈՍ, չաչաթաթերթ, ԵՄՊ. ՊՈՒՋՐԵՆԶ 1924:
19. ԳԻՑԱԻԱՆ, զրահան ամսագիր, ԵՄՊ. ՊՈՒՋՐԵՆԶ 1924, (ԵՐԵՎ ԹԻՒ), ԳԻՆ 15 ԼԷՅ
20. \*ԵՐԿԻՐ, չարաթաթերթ, ԵՄՊ. ՊՈՒՋՐԵՆԶ 1923-1929:
21. ՎԷՊԻԿՆԵՐ, ԵՄՊ. ՖՐՈՒՄՈՍՈՍ 1930: ԳԻՆ 30 ԼԷՅ
22. ԿԱՐՄԻՐ ԼՈՒՍԻՆ, գրուագրեր ազգ. կեանքե, ԵՄՊ. ՊՈՒՋՐԵՆԶ 1927. Բ. ԵՄՊ. ՖՐՈՒՄՈՍՈՍ 1933:

ԹԱՐԳՄԱՆՈՒԹԻՒՆՆԵՐ

23. ՈՃԻՐԻՆ ՊԱՆԳՈԿԸ, վեպ Քարոյինա Ինվերսնիցոյի, 2 հատար, ԵՄՊ. ՊՈՒՋՐԵՆԶ 1926: ԳԻՆ 60 ԼԷՅ
24. ՄՐՏԵՐՈՒ ԿՈՒԻԸ, զգայացունց վեպ 7 հատար, ԵՄՊ. ՊՈՒՋՐԵՆԶ 1927: ԳԻՆ 200 ԼԷՅ
25. ԳԱՀ ԵՆ ՍԷՐ, բնդարձակ վեպ 4 հատար, ԵՄՊ. ՊՈՒՋՐԵՆԶ-ՖՐՈՒՄՈՍՈՍ 1928-30: ԳԻՆ 150 ԼԷՅ
26. ՀԻՔԵԱԹՆԵՐ, թարգմ. հունգարերէնէ, «Գարուն» մատենաշարի 4, 5, 6 թիւերը, ԵՄՊ. ՖՐՈՒՄՈՍՈՍ 1930: ԳԻՆ 15 ԼԷՅ
27. VÖRÖS HOLD (Կարմիր Լուսին), հունգարերէն, ԵՄՊ. ՖՐՈՒՄՈՍՈՍ 1932: ԳԻՆ 40 ԼԷՅ  
 Բացի վեներտիկ ասլուածներէն և ասագանիչ ունեցողներէն՝ միւս գիրքերու գինին մրայ հարիւրէն 20 զեզէ կը արուի ուղղա՛ն հեղինակին հետեւալ հասցէին ղիմուած պարտազարին

P. M. BODURIAN

Frumoasa, jud. Ciuc (Roumanie)

Ջ Բ

Մ.Փ

16252

---

---

Գին 40 ԼԷՅ, Արասահման 7 Ֆրնս. ֆրանք

---

---

---

---

Սոյն գրքին Ա. տպագրութիւնը եղած է  
Պուքրէշ 1927-ին բացի «Խենթը»էն: